

欽

隋書卷

五十七之六十六





唐

特

進

臣

魏

徵

上

列傳第二十二

盧思道

從父兄昌衡

盧思道字子行范陽人也祖陽烏魏祕書監父道亮隱居不仕思道聰爽俊辯通侑不羈年十六過中山劉松松爲人作碑銘以示思道思道讀之多所不解於是感激閉戶讀書師事河間邢子才後思道撰爲文以示劉松松又不能甚解思道乃喟然歎曰學之有益豈徒然哉因就魏收借異書數年之間才學兼著然不持操行好輕侮人齊天保中魏史未出思道先已誦之由是大被笞辱前後屢犯因而不調其後左僕射楊遵彥薦之於朝解褐司空行參軍長兼員外散騎侍郎直中書省文宣帝崩當朝文士各作挽歌十首擇其善者而用之魏收陽休之祖孝徵等不過得三首唯思道獨得八首故時人稱爲八米盧郎後漏洩省中語出爲丞相西閤祭酒歷太子舍人司徒錄事參軍每居官多被譴辱後以擅用庫錢免歸於家嘗於薊北悵然感慨爲五言詩以見意人以爲工數年復爲京畿主簿歷主客郎給事黃門侍郎待詔文林館周武帝平齊授儀同三司追赴長安與同輩陽休之等數人作聽蟬鳴篇思道所爲詞意清切

爲時人所重新野庾信徧覽諸同作者而深歎美之未幾以母癯還鄉遇同郡祖英伯及從兄昌期宋護等舉兵作亂思道預爲周遣柱國宇文神舉討平之罪當法已在死中神舉素聞其名引出之令作露布思道援筆立成文無加點神舉嘉而有之後除掌教上士高祖爲丞相遷武陽太守非其好也爲孤鴻賦以寄其情曰余志學之歲自鄉里遊京師便見識知音歷受羣公之眷年登弱冠甫就朝列談者過誤遂竊虛名通人楊令君邢特進已下皆分庭致禮倒屣相接翦拂吹噓長其光價而才本驚拙性實疎懶勢利貧殖淡然不營雖籠絆朝市且三十載而獨往之心未始去懷抱也攝生舛和有少氣疾分符坐嘯作守東原洪河之湄沃野彌望籌務旣屏魚鳥爲鄰有離羣之鴻爲羅者所獲野人馴養貢之於余置諸池庭朝夕賞翫旣用銷憂兼以輕疾大易稱鴻漸於陸羽儀盛也揚子曰鴻飛冥冥騫翥高也淮南云東歸碣石違溽暑也平子賦曰南寓衡陽避祁寒也若其雅步清音遠心高致鸛鷺以降罕見其儔而鍛翮牆陰偶影獨立嗉喋糝雜鷺爲伍不亦傷乎余五十之年忽焉已至永言身事慨然多緒乃爲之賦聊以自慰云其詞曰惟此孤鴻擅奇羽蟲實稟清高之氣遠生遼碣之東翮毛將落和鳴順風壯冰云厚矯翅排空出島嶼之繇邈犯霜露之溟濛驚鮪魚之密網畏落鴈之虛弓若其斗柄東指女夷司月乃遙集於寒門遂輕舉於玄闕至如天高氣肅搖落在時旣嘯儔於淮浦亦弄吭於江湄摩赤霄以凌厲乘丹氣之

威夷迦商飈之嫋嫋翫陽景之遲遲彭蠡方春洞庭初綠理翻整翰羣浮偃浴振雪羽而臨風掩霜毛而  
候旭饜江湖之菁藻飮原野之菽粟行離離而高逝嚮嚙嚙而相續潔齊國之水執皓密山之華玉若乃  
晨沐清露安趾徐步夕息芳洲延頸乘流違寒競逐浮沅水宿避暑言歸絕漠雲飛望玄鵠而爲侶比朱  
鸞而相依倦天衢之冥漠降河渚之芳菲忽值羅人設網虞者懸機永辭寥廓蹈迹重圍始則窘束籠樊  
憂憚刀俎靡軀絕命恨失其所終乃馴狎園庭栖託池籩稻梁爲惠恣其容與於是翕羽宛頸屏氣銷聲  
滅烟霞之高想闕江海之幽情何時驥首奮翼上凌太清鶩翥鼓舞遠薄層城惡禽視而不貴小鳥顧而  
相輕安控地而無恥豈沖天之復榮若夫圖南之羽偉而去羨栖睫之蟲微而不賤各遂性於天壤弗金  
懷以交戰不聽咸池之樂不饗太牢之薦匹晨雞而共飲偶野鳧以同膳匪揚聲以顯聞竄校體而求兒  
聊寓形乎沼沚且夷心於澹澹齊榮辱以晏如承君子之餘眄開皇初以母老表請解職優詔許之思道  
自恃才地多所陵轍由是官塗淪滯既而又著勞生論指切當時其詞曰莊子曰大塊勞我以生誠哉斯  
言也余年五十羸老云至追惟疇昔勤矣厥生乃著茲論因言時云爾罷郡屏居有客造余者少選之頃  
盱衡而言曰生者天地之大德人者有生之最靈所以作配兩儀稱貴羣品妍蚩愚智之辯天懸壤隔行  
己立身之異入海登山今吾子生於右地九葉卿族天授俊才萬夫所仰學綜流略慕孔門之游夏辭罷

麗則擬漢日之卿雲行藏有節進退以禮不諂不驕無愠無懼偃仰貴賤之間從容語默之際何其裕也  
下走所欣羨焉余莞爾而笑曰未之思乎何所言之過也子其清耳請爲左右陳之夫人之生也皆未若  
無生在余之生勞亦勤止執紼之年伏膺教義規行矩步從善而登巾冠之後濯纓受署繼錄仁義籠絆  
朝市失翹陸之本性喪江湖之遠情淪此風波溺於倒躓憂勞總至事非一緒何則地胄高華旣致嫌於  
管庫才識美茂亦受嫉于愚庸篤學強記誓誓於焉側目清言河瀉木訥所以疾心豈徒盡情春漿鷓鴣  
腐鼠相江都而永歎傅長沙而不歸固亦魯值臧倉楚逢靳尚趙壹爲之哀歌張升於是慟哭有齊之季  
不遇休明申脰就鞅屏迹無地段珪張讓金貝是視賈謐郭淮腥臊可饜淫刑以逞禍近池魚耳聽惡來  
之讒足踐龍逢之血周氏末葉仍值僻王斂笏升階汗流浹背莒客之躡躄焦原匹茲非險齊人之手執  
馬尾方此未危若乃羊腸句注之道據鞍振筴武落雞田之外櫛風沐雨三旬九食不敢稱弊此之爲役  
蓋其小小者耳今泰運肇開四門以穆冕旒司契於上夔龍佐命於下岐伯善卷恥狷幽憂卞隨務光悔  
從木石余年在秋方已迫知命禮宜退不獲晏安一葉從風無損鄧林之攢植雙鳧退飛不虧渤澥之  
游涿耕田鑿井晚息晨興候南山之朝雲擊北堂之明月汜勝九穀之書觀其節制崔實四人之令奉以  
周旋晨荷簞笠白屋黃冠之伍夕談穀稼霑體塗足之倫濁酒盈罇高歌滿席恍兮惚兮天地一指此野

人之樂也子或以是羨余乎客曰吾子之事既聞之矣佗人有心又請論其槩槩余答曰雲飛泥沉卑高  
異等圓行方止動息殊致是以摩霄運海輕翳羅於藪澤五衢四照忽斤斧於山林余晚值昌辰遂其弱  
尚觀人事之隕穫覩時路之遘危玄冬修夜靜言長想可以累歎悼心流涕酸鼻人之百年脆促已甚奔  
駒流電不可爲辭顧慕周章數紀之內窮通榮辱事無足道而有識者鮮無識者多褊隘凡近輕險躁薄  
居家則人面獸心不孝不義出門則誚諛佞無愧無恥退身知足忘伯陽之爛戒陳力就列弃周任之  
格言悠悠遠古斯患已積迄於近代此蠹尤深范卿搗讓之風搢紳不嗣夏書昏墊之罪執政所安朝露  
未晞小車盈董石之巷夕陽且落早蓋填閭賣之里皆如脂如草俯僂匍匐嗽惡求媚舐痔自親美言諂  
笑助其愉樂詐泣佞哀恤其喪紀近通旨酒遠貢文蛇艷姬美女委如脫屣金銑玉華弃同遺跡及鄧通  
失路一簪之賄無餘梁冀就誅五侯之貴將起向之求官買職晚謁晨趨刺促望塵之舊遊伊優上堂之  
夜客始則亡魂褫魄若牛兄之遇獸心戰色沮似葉公之見龍俄而抵掌揚眉高視闊步結侶弄廉公之  
第攜手哭聖卿之門華轂生塵來如激矢雀羅整設去等絕絃飴蜜非甘山川未阻千變萬化鬼出神入  
爲此者皆衣冠士族或有藝能不耻不仁不畏不義靡愧友朋莫慙妻子外呈厚貌內蘊百心繇是則紆  
青佩紫牧州典郡冠曠劫人厚自封殖妍歌妙舞列鼎撞鐘耳倦絲桐口飫珍旨雖素論以爲非而時宰

之不責末俗蚩蚩如此之敝余則違時薄宦屏息窮居甚恥驅馳深畏乾沒心若死灰不營勢利家無儋石不費囊錢偶影聯官將數十載駑拙致笑輕生所以告勞也真人御宇跼靡爲朴人之榮辱時反豈熙風力上宰內敷文教方邵重臣外揚武節被之大道洽以淳風舉必以才爵無濫授稟斯首鼠不預衣簪阿黨比周掃地俱盡輕薄之儒滅影竄迹礫石變成瑜瑾蕞莠化爲芝蘭曩之扇俗攬時駸耳穢目今悉不聞不見莫余敢侮易曰聖人作而萬物覩斯之謂乎歲餘被徵奉詔郊勞陳使頃之遭母憂未幾起爲散騎侍郎奏內史侍郎事于時議置六卿將除大理思道上奏曰省有駕部寺留太僕省有刑部寺除大理斯則重畜產而賤刑名誠爲未可又陳殿庭非杖罰之所朝臣犯管罪請以贖論上悉嘉納之是歲卒于京師時年五十二上甚惜之遣使弔祭焉有集三十卷行於時子赤松大業中官至河東長史

昌衡字子均父道虔魏尚書僕射昌衡小字龍子風神澹雅容止可法博涉經史工草行書從弟思道小字釋奴宗中俱稱英妙故幽州爲之語曰盧家千里釋龍奴子年十七魏濟陰王元暉業召補太尉參軍事兼外兵參軍齊氏受禪歷平恩令太子舍人尋爲僕射祖孝徵所薦遷尚書金部郎孝徵每曰吾用盧子均爲尚書郎自謂無愧幽州矣其後兼散騎侍郎迎勞周使武帝平齊授司玉中士與大宗伯斛斯徵修禮令開皇初拜上書祠部侍郎高祖嘗大集羣下令自陳功績人皆競進昌衡獨無所言左僕射高頴



目而異之陳使賀徹屬瀆相繼來聘朝廷每令昌衡接對之未幾出爲徐州總管長史甚有能名吏部尙書蘇威考之曰德爲人表行爲士則論者以爲美談嘗行至浚儀所乘馬爲佗牛所觸因致死牛主陳謝求還價直昌衡謂之曰六畜相觸自關常理此其人情也君何謝拒而不受性寬厚不校皆此類也轉壽州總管長史總管宇文述甚敬之委以州務歲餘遷金州刺史仁壽中奉詔持節爲河南道巡省大使及還以奉使稱旨授儀同三司賜物三百段昌衡自以年在懸車表乞骸骨優詔不許大業初徵爲太子左庶子行詣洛陽道卒時年七十二子寶素寶胤

### 李孝貞

李孝貞字元操趙郡柏人人也父希禮齊信州刺史世爲著姓孝貞少好學能屬文在齊釋褐司徒府參軍事簡靜不妄通賓客與從兄儀曹郎中驩太子舍人季節博陵崔子武范陽盧詢祖爲斷金之契後以射策甲科拜給事中于時黃門侍郎高乾和親要用事求婚於孝貞孝貞拒之由是有隙陰譖之出爲太尉府外兵參軍後歷中書舍人博陵太守司州別駕復兼散騎常侍聘周使副還除給事黃門侍郎周武帝平齊授儀同三司少典祀下大夫宣帝卽位轉吏部下大夫高祖爲丞相迴尉作亂相州孝貞從韋孝寬擊之以功授上儀同三司開皇初拜馮翊太守爲犯廟諱於是稱字後數歲遷蒙州刺史吏民安之自

此不復留意於文筆人問其故慨然歎曰五十之年倏焉而過鬢垂素髮筋力已衰宦意文情一時盡矣  
悲夫然每暇日輒引賓客絃歌對酒終日爲歡徵拜內史侍郎與內史李德林參典文翰然孝貞無幹劇  
之用頗稱不理上譴怒之勅御史劾其事由是出爲金州刺史卒官所著文集二十卷行於世有子允玉  
孝貞弟孝威亦有雅望大業中官至大理少卿

薛道衡

從弟孺

薛道衡字玄卿河東汾陰人也祖聰魏濟州刺史父孝通常山太守道衡六歲而孤專精好學年十三請  
左氏傳見子產相鄭之功作國僑贊頗有詞致見者奇之其後才名益著齊司州牧彭城王浟引爲兵曹  
從事尚書左僕射弘農楊遵彥一代偉人見而嗟賞授奉朝請吏部尚書隴西辛術與語歎曰鄭公業不  
亡矣河東裴讞目之曰自鼎遷河朔吾謂關西孔子罕值其人今復遇薛君矣武成作相召爲記室及卽  
位累遷太尉府主簿歲餘兼散騎常侍接對周陳二使武平初詔與諸儒修定三禮除尚書左外兵郎陳  
使傅緯聘齊以道衡兼主客郎接對之緯贈詩五十韻道衡和之南北稱美魏收曰傅緯所謂以蜎投麻  
耳待詔文林館與范陽盧思道安平李德林齊名友善復以本官直中書省尋拜中書侍郎仍參太子侍  
讀後主之時漸見親用于時頗有附會之譏後與侍中斛律孝卿參預政事道衡且陳備周之策孝卿不

能用及齊亡周武引爲御史二命士後歸鄉里自州主簿入爲司祿上士高祖作相從元帥梁睿擊王謙攝陵州刺史大中定授儀同攝邛州刺史高祖受禪坐事除名河間王弘北征突厥召典軍書還除內史舍人其年兼散騎常侍聘陳主使道衡因奏曰江東叢爾一隅僭擅遂久實由永嘉已後蕪夏分崩劉石苻姚慕容赫連之輩妄竊名號尋亦滅亡魏氏自北徂南未遑遠略周齊兩立務在兼并所以江表逋誅積有年祀陛下聖德天挺光膺寶祚比隆三代平一九州豈容使區區之陳久在天網之外臣今奉使請責以稱藩高祖曰朕且含養置之度外勿以言辭相折識朕意焉江東雅好篇什陳主尤愛雕蟲道衡每有所作南人無不吟誦焉及八年伐陳授淮南道行臺尙書吏部郎兼掌文翰王師臨江高頴夜坐幕下謂之曰今段之舉克定江東已不君試言之道衡答曰凡論大事成敗先須以至理斷之禹貢所載九州本是王者封域後漢之季羣雄競起孫權兄弟遂有吳楚之地晉武受命尋卽吞併永嘉南遷重此分割自爾已來戰爭不息否終斯泰天道之恆郭璞有云江東偏王三百年邇與中國合今數將滿矣以運數而言其必克一也有德者昌無德者亡自古興滅皆由此道主上躬履恭儉憂勞庶政叔寶峻宇雕牆酣酒荒色上下離心人神同憤其必克二也爲國之體在于寄彼之公卿備員而已拔小人施文慶委以政事尙書令江總唯事詩酒本非經略之才蕭摩訶任蠻奴是其大將一夫之用耳其必克三也我有道

而大彼無德而小量其甲士不過十萬西自巫峽東至滄海分之則勢懸而力弱聚之則守此而失彼其必克四也席捲之勢其在不疑頰忻然曰君言成敗事理分明吾今豁然矣本以才學相期不意籌略乃爾還除吏部侍郎後坐抽擢人物有言其黨蘇威任人有意故者除名配防嶺表晉王廣時在揚州陰令人諷道衡從揚州路將奏留之道衡不樂王府用漢王諒之計遂出江陵道而去尋有詔徵還直內史省晉王由是銜之然愛其才猶頗見禮後數歲授內史侍郎加上儀同三司道衡每至構文必隱坐空齋踞壁而臥聞戶外有人便怒其沉思如此高祖每曰薛道衡作文書稱我意然誠之以狂誕後高祖善其稱職謂楊素牛弘曰道衡老矣驅使勤勞宜使其朱門陳戟於是進位上開府賜物百段道衡辭以無功高祖曰爾久勞階陞國家大事皆爾宣行豈非爾功也道衡久當樞要才名益顯太子諸王爭相與交高頴楊素雅相推重聲名籍甚無競一時仁壽中楊素專掌朝政道衡既與素善上不欲道衡久知機密因出檢校襄州總管道衡久蒙驅策一旦違離不勝悲戀言之哽咽高祖愴然改容曰爾光陰晚暮侍奉誠勞朕欲令爾將攝兼撫萌俗令爾之去朕如斷一臂於是賚物三百段九環金帶并時服一襲馬十四疋慰勉遣之在任清簡吏民懷其惠煬帝嗣位轉潘州刺史歲餘上表求致仕帝謂內史侍郎虞世基曰道衡將至當以祕書監待之道衡既至上高祖文皇帝頌其詞曰太始太素荒茫造化之初天皇帝杳冥書契

之外其道絕其迹遠言談所不詣耳目所不追至於入穴登巢鷄居殿飲不殊於羽族取類於毛羣亦何貴於人靈何用於心識羲軒已降爰暨唐虞則乾象而施法度觀人文而化天下然後帝王之位可重聖哲之道爲尊夏后殷周之國禹湯文武之主功濟生民聲流雅頌然陵替於三五斯德於干戈奈居閔位任刑名爲政本漢執靈圖雜霸道而爲業當塗興而三方峙典午末而四海亂九州封城窟穴鯨鯢之孽五都遺黎蹴踏戎馬之足雖玄行定嵩洛木運據嶠函未正滄海之流詭息崑山之燧叶于齡之巨韓當萬葉之一朝者其在大隋乎粵若高祖文皇帝誕聖降靈則赤光照室韜神晦迹則紫氣騰天龍顏日用之奇玉理珠衡之異著在圖錄彰乎儀表而帝系靈長神基崇峻類邠岐之累德異豐沛之勃起俯膺歷試納揆賓門位長六卿望高百辟猶重華之爲太尉若文命之任司空蒼歷將盡率土糜沸玉弩奮天金鉞照野姦雄挺禍據河朔而連海岱猾長縱惡杜白馬而塞城阜庸蜀逆命憑銅梁之險郎黃背誕引金陵之寇三川已震九鼎將飛高祖龍躍鳳翔濡足授手應赤伏之符受玄狐之錄命百下百勝之將助九天九地之師平共工而殄蚩尤翦獍窟而戮鑿齒不煩二十八將無暇五十二征曾未踰時妖逆咸殄闔氛霧於區宇出黎元於塗炭天柱傾而還正地維絕而更紐殊方稽顙識牛馬之內向樂師伏地懼鍾石之變聲萬姓所以樂推三靈於是改卜擅場已備猶弘五讓之心億兆難違方從四海之詣光臨寶祚展

禮郊丘舞六代而降天神陳四圭而饗上帝乾坤交泰品物咸亨酌前王之令典改易徽號因庶萌之子  
來移創都邑天文上當朱鳥地理下據黑龍正位辨方揆景於日月內宮外座取法於辰象懸政教於魏  
闕朝羣后於明堂除舊布新移風易俗天街之表地脉之外獯獫孔熾其來自久橫行十萬樊噲於是失  
辭提步五千李陵所以陷沒周齊兩盛競結旄頭婢狄后於漠北未足息其侵擾傾珍藏於山東不能止  
其貪暴炎靈啟祚聖皇馭寓運天策於帷辰播神威於沙朔柳室氈裘之長皆爲臣隸瀚海蹄林之地盡  
充沙苑三吳百越九江五湖地分南北天隔內外談黃旗紫蓋之氣恃龍蟠獸據之嶮恒有僭僞之君妄  
竊帝王之號時經五代年移三百爰降皇情永懷大道愍彼黎獻獨爲匪人今上利建在唐則哲居代地  
馮宸極天縱神武受服出車一舉平定於是八荒無外九服大同四海爲家萬里爲宅乃休牛散馬偃武  
修文自華夏亂離緜積年代人造戰爭之具家習澆僞之風聖人之遺訓莫存先王之舊典咸墜爰命秩  
宗刊定五禮申勅太子改正六樂玉帛罇俎之儀節文乃備金石匏革之奏雅俗始分而留心政術垂神  
聽覽早朝晏罷廢寢忘食憂百姓之未安懼一物之失所行先王之道夜思待旦革百王之弊朝不及夕  
見一善事喜彰於容旨聞一愆犯歎深於在予薄賦輕徭務農重穀倉粟有紅腐之積黎萌無阻飢之慮  
天性弘慈聖心惻隱恩加禽獸胎卵於是獲全仁霑草木牛羊所以勿踐至於憲章重典刑名大辟申法

而屈情決斷於俄頃故能彝倫攸敘上下齊肅左右絕諂諛之路縉紳無勢力之間小心翼翼敬事於天地終日乾乾誠慎於亢極陶黎萌於德化致風俗於太康公卿庶尹遐邇岳牧寔以天平地成千載之嘉會逢封禪百王之盛典宜其金泥玉檢展禮介丘飛聲騰寶常爲稱首天子爲而不悖成而不居冲會凝邈固辭弗許而雖休勿休上德不德更乃潔誠岱岳遜謝愆咎方知六十四卦謹攝之遺爲母七十二君告成之義爲小巍巍蕩蕩無得以稱焉而深誠至德感達於穹壤和氣薰風充溢於宇宙二儀降福百靈薦祉日月星象風雲草樹之祥山川玉石鱗介羽毛之瑞歲見月彰不可勝紀至于振古所未有圖籍所不載目所不見耳所未聞古語稱聖人作萬物覩神靈滋百寶用此其効矣旣而遊心姑射朕臆之志已深鑄鼎荆山升天之駕遂遠凡在黎獻共惟帝臣慕深者妣哀纏弓劍塗山岫嶼無復玉帛之禮長陵寂寞空見衣冠之遊若乃降精燁怒飛名帝錄開運握圖創業垂統聖德也撥亂反正濟國靈人六合八紘同文共軌神功也玄酒陶匏雲和孤竹禋祀上帝尊極配天大孝也偃伯戢戈正禮裁樂納民壽域驅俗福休至政也張四維而臨萬寓侔三皇而並五帝豈直錙銖周漢么廢魏晉而已雖五行之舞每陳於清廟九德之歌無絕于樂府而玄功暢洽不局於形器懿業遠大豈盡於揄揚臣輒生多幸命偶興運屬事紫宸驅馳丹陛一辭天闕奄隔鼎湖空有攀龍之心徒懷尋蟻之意庶憑毫翰敢希贊述普播海之靈

不增于大地泣河之士非益於洪流盡其心之所存忘其力之所及輒緣斯義不覺斐然乃作頌曰悠哉  
邃古邈矣季世四海九州萬王千帝三代之後其道逾替爰逮金行不勝其弊戎狄猾夏羣凶縱歷竊號  
淫名十有餘國怙威逞暴悖禮亂德五嶽塵飛三象霧塞玄精啟厯發迹幽方并吞寇僞獨擅雄強載祀  
二百比祚前王江湖尙阻區域未康旬吳閩越河朔涓涘九縣瓜分三方鼎峙狙詐不息干戈競起東夏  
雖平亂離瘼矣五運叶期千年肇旦赫矣高祖人靈攸贊聖德迴生神謀獨斷輝惡彰善夷凶靜難宗伯  
撰儀太史練日孤竹之管雲和之瑟展禮上玄飛煙太一珪璧朝會山川望秩占揆景移建邦畿下憑  
赤壤上叶紫微布政衢室懸法象魏帝宅天府固本崇威何河瀚海龍荒狼望種落陸梁時犯亭障皇威  
遠懾帝德遐暢稽顙歸誠稱臣內向吳越提封斗牛星象積有年代自稱君長大風未繳長鯨漏網授鉞  
天人豁然清蕩戴日戴斗太平太蒙禮教周被書軌大同復禹之跡成舜之功禮以安上樂以移風憂勞  
庶績矜育黔首三面解羅萬方引咎納民軌物驅時仁壽神化隆平生靈熙阜虔心恭己奉天事地協氣  
橫流休徵紹至壇場望幸云亭虛位推而不居聖道彌粹齊跡姬文登發嗣聖道類漢光傳莊寶命知來  
藏往玄覽幽鏡鼎業靈長洪基隆盛崆峒問道汾射窅然御辯遐逝乘雲上仙哀纏率土痛感穹玄流澤  
萬葉用教百年尙相觀圖永惟聖則道洽幽顯仁霑動植爰象不陳乾坤將息微臣作頌用申罔極帝覽



之不悅顧謂蘇威曰道衡致美先朝此魚藻之議也於是拜司隸大夫將置之罪道衡不悟司隸刺史房  
彥謙素相善知必及禍勸之杜絕賓客卑辭下氣而道衡不能用會嶺新令久不能決道衡謂朝士曰向  
使高顛不死令決當久行人有奏之帝怒曰汝憶高顛邪付執法者勘之道衡曰以非大過促憲司早斷  
暨於奏日冀帝赦之勅家人具饌以備賓客來候者及奏帝令自盡道衡殊不應未能引訣憲司置奏縊  
而殺之妻子徒且末時年七十天下寃之有集七十卷行於世有子五人收最知名出繼族爰孺孺清貞  
孤介不交流俗涉歷經史有才思雖不爲大文所有詩詠詞致清遠開豈中爲侍御史揚州鹽管司功參  
軍每以方直自處府寮多不便之及滿轉清陽令襄城郡掾卒官所經並有惠政與道衡偏相友善收初  
生卽以爲儒後養於孺宅至於成長殆不識本生太常丞胡仲操曾在朝堂就襪借刀子割爪甲孺以俾  
操非稚士竟不與之其不肯妄交清介獨行皆此類也道衡兄子邁官至選部郎從父弟道實官至禮部  
侍郎離石太守並知名於世從子德音有雋才起家爲游騎尉佐魏澹修魏史成選著作佐郎及越王  
侗稱制東都王世充之僭號也軍書羽檄皆出其手世充平以罪伏誅所有文筆多行於時

史臣曰二子有齊之季皆以辭藻著聞爰歷周隋咸見推重李稱一代優倖薛則時之令望掘蠹蛇以  
俱照聘逸足以並驅文雅縱橫金聲玉振靜言揚權盧居二子之右李薛好青拖紫思道官途事跡雖窮

通有命抑亦不護細行之所致也

隋書卷五十七考證

盧思道傳時人稱爲八米盧郎○一本米作采按西齋叢語關中語歲以六米七米八米分上中下言在穀取八米取數多也

纏錄仁義○閣本纏譌巢按漢書叙傳貫仁義之羈絆繫名聲之疆鎖纏錄與纏鎖同

薛道衡傳兼撫萌俗○按萌與氓通楊雄書願陛下少留意於未亂未戰以遏邊萌之禍晉植魏德論侯民非復漢萌尺土非復漢有

史臣贊思道宦途寥落○監本宦作官從南監本改



隋書卷五十八

唐 特 進 臣 魏 徵 上

列傳第二十三

明克讓

明克讓字弘道平原鬲人也父山賓梁侍中克讓少好儒雅善談論博涉書史所覽將萬卷三禮禮論尤所研精龜策麻象咸得其妙年十四釋褐湘東王法曹參軍時舍人朱异在儀賢堂講老子克讓預焉其邊有脩竹异令克讓詠之克讓覽筆輒成其卒章曰非君多愛賞誰貴此貞心异甚奇之仕歷司徒祭酒尚書都官郎中散騎侍郎兼國子博士中書侍郎梁滅歸于長安周明帝引爲麟趾殿學士俄授著作上士轉外史下大夫出爲衛王友歷漢東南陳二郡守武帝卽位復徵爲露門學士令與太史官屬正定新麻拜儀同三司累遷司調大夫賜爵歷城縣伯邑五百戶高祖受禪拜太子內舍人轉丞更令進爵爲侯太子以師道處之恩禮甚厚每有四方珍味輒以賜之手時東宮盛徵天下才學之士至於博物洽聞皆出其下詔與太常牛弘等修禮議樂當朝典故多所裁正開皇十四年以疾去官加通直散騎常侍卒年七十上甚傷惜焉贈物五百段米三百石太子又贈絹布二千匹錢十萬朝服一具給棺槨著孝經義疏

一都古今帝代記一卷文類四卷續名僧記一卷集二十卷子餘慶官至司門郎越王侗稱制爲國子祭酒

魏澹

魏澹字彥深鉅鹿下曲陽人也祖鸞魏光州刺史父季景齊大司農卿稱爲著姓世以文學自業澹年十五而孤專精好學博涉經史善屬文詞采曠逸齊博陵王濟聞其名引爲記室及琅邪王儼爲京畿大都督以澹爲鎧曹參軍轉殿中侍御史尋與尙書左僕射魏收吏部尙書陽休之國子博士熊安生同修五禮又與諸學士撰御覽書成除殿上郎中中書舍人復與李德林俱修國史周武帝平齊授納言中士及高祖受禪出爲行臺禮部侍郎尋爲散騎常侍聘陳主使還除太子舍人廢太子勇深禮遇之屢加優錫令注庾信集復撰笑苑詞林集世稱其博物數年遷著作郎仍爲太子學士高祖以魏收所撰書褒貶失實平繪爲中興書事不倫序詔澹別成魏史澹自道武下及恭帝爲十二紀七十八傳別爲史論及例一卷并目錄合九十二卷澹之義例與魏收多所不同其一曰臣聞天子者繼天立極終始絕名故穀梁傳曰太上不名曲禮曰天子不言出諸侯不生名諸侯尙不生名況天子乎若爲太子少須書名良由子者對父生稱父前子名禮之意也是以桓公六年九月丁卯子同生傳曰舉以太子之禮杜預注云桓公子

莊公也十二公唯子同是嫡夫人之長子備用太子之禮故史書之於策即位之日尊成君而不名春秋之義聖人之微旨也至如馬遷周之太子並皆言名漢之儲兩俱沒其諱以尊漢卑周臣子之意也竊謂雖立此理恐非其義何者春秋禮記太子必書名天王不言出此仲尼之褒貶皇王之稱謂非當時與異代遂爲優劣也班固范曄陳壽王隱沈約參差不同尊卑失序至於魏收諱儲君之名書天子之字過又甚焉今所撰史諱皇帝名書太子字欲以尊君卑臣依春秋之義也其二曰五帝之聖三代之英積德累功乃文乃武賢聖相承莫過周室名器不及后稷追諡止於三王此卽前代之茂實後人之龜鏡也魏氏平文以前部落之君長耳太祖遠追二十八帝並極崇高違堯舜憲章越周典禮但道武出自結繩未師典詰當須南董直筆裁而正之反更飾非言是觀過所謂決渤澥之水復去隄防襄陵之災未可免也但力微天女所誕靈異絕世尊爲始祖得禮之宜平文昭成雄據塞表英風漸盛國南之業基自此始長孫斤之亂也兵交御座太子授命昭成獲免道武此時后緡方娠宗廟復存社稷有主大功大孝寔在獻明此之三世稱諡可也自茲以外未之敢聞其三曰臣以爲南巢桀亡牧野紂滅斬以黃鉞懸首白旗幽王死於驪山厲王出奔於虢未嘗隱諱直筆書之欲以勸善懲惡貽誠將來者也而太武獻文並皆非命前史立紀不異天年言論之間頗露首尾殺主害君莫知名姓逆臣賊子何所懼哉君子之過如日月之

貪圖首方足孰不瞻仰況復兵交御坐矢及王屋而可隱沒者乎今所撰史分明直書不敢迴避且隱桓  
之死閔昭殺遂巨明據實敘於經下況復懸隔異代而致依違哉其四曰周道陵遲不勝其蔽楚子親問  
九鼎吳人來徵百牢無君之心實彰行路夫子刊經皆書曰卒自晉德不競宇宙分崩或帝或王各自署  
置當其生日聘使來往略如敵國及其終也書之曰死便同庶人存沒頓殊能無懷愧今所撰史諸國凡  
處華夏之地者皆書曰卒同之吳楚其五曰壺遂發問馬遷蒼之義已盡矣後之述者仍未領悟董仲舒  
司馬遷之意本云尙書者隆平之典春秋者撥亂之法興衰理異制作亦殊治定則直敘欽明世亂則辭  
兼顯晦分路命家不相依放故云周道廢春秋作焉堯舜盛尙書載之是也漢興以來改正朔易服色臣  
力誦聖德仍不能盡余所謂述故事而君比之春秋謬哉然則紀傳之體出自尙書不學春秋明矣而范  
曄云春秋者文既總略好失事形今之擬作所以爲短紀傳者史班之所變也網羅一代事義周悉適之  
後學此爲爲優故繼而述之觀曄此言豈直非聖人之無法又失馬遷之意旨孫盛自謂鑽仰具體而放  
之魏收云魯史既修達者貽則子長自拘紀傳不存師表蓋泉源所由地非企及雖復遜辭畏聖亦未思  
紀傳所由來也澹又以爲司馬遷創立紀傳以來述者非一人無善惡皆爲立論計在身行迹具在正書  
事既無奇不足懲勸再述乍同銘頌重敘唯覺繁文案巨明亞聖之才發揚聖旨言君子曰者無非甚恭



其間尋常直書而已今所撰史竊有慕焉可爲勸戒者論其得失其無損益者所不論也濳斯善說其  
簡要大矯收繪之失上覽而善之未幾卒時年六十五有文集三十卷行於世子信言頗知名潛弟亥立  
有文學歷揚州總管府記室涪州司馬有子滿行

陸爽  
侯白

陸爽字開明魏郡臨漳人也祖順宗魏南青州刺史父槩之齊霍州刺史爽少聰敏年九歲就學日誦二  
千餘言齊尙書僕射楊遵彥見而異之曰陸氏代有人焉年十七齊司州牧清河王岳召爲主簿搢殿中  
侍御史俄兼治書累轉中書侍郎及齊滅周武帝聞其名與陽休之袁叔德等十餘人俱徵入關諸人多  
將輜重爽獨載書數千卷至長安授宣納上士高祖受禪轉太子內直監尋遷太子洗馬與左庶子宇文  
愷等撰東宮典記七十卷朝廷以其博學有口辯陳人至境常令迎勞開皇十一年卒官時年五十三贈  
上儀同宣州刺史賜帛百匹子法言敏學有家風釋褐承奉郎初爽之爲洗馬嘗奏高祖云皇太子諸子  
未有嘉名請依春秋之義更立名字上從之及太子廢上追怒爽云我孫製名寧不自辭陸爽乃爾多事  
屬感於勇亦由此人其身雖故子孫並宜屏黜終身不齒法言竟坐除名爽同郡侯白字君素好學有捷  
才性滑稽尤辯俊舉秀才爲儒林郎通悅不恃威儀好爲誹諧雜說人多愛狎之所在之處觀者如市楊

素狎之素嘗與牛弘退朝白謂素曰日之夕矣素大笑曰以我爲牛羊下來邪高祖聞其名召與語甚悅之令於祕書修國史每將擢之高祖輒曰侯白不勝官而止後給五品食月餘而死時人傷其薄命著旌異記十五卷行於世

### 杜臺卿

杜臺卿字少山博陵曲陽人也父弼齊衛尉臺卿少好學博覽書記解屬文仕齊奉朝請厯司空西閣祭酒司徒戶曹著作郎中書黃門侍郎性儒素每以雅道自居及周武帝平齊歸于鄉里以禮記春秋講授子弟開皇初被徵入朝臺卿嘗采月令觸類而廣之爲書名玉燭寶典十二卷至是奏之賜絹二百匹臺卿忠實不堪吏職請修國史上許之拜著作郎十四年上表請致仕勅以本官還第數載終於家有集十五卷撰齊記二十卷並行於世無子有兄麤學業不如臺卿而幹局過之仕至開州刺史子公贖少好學有家風卒於安陽令公贖子之松大業中爲起居舍人

### 辛德源

辛德源字孝基隴西狄道人也祖穆魏平原太守父子馥尙書右丞德源沉靜好學年十四解屬文及長博覽書記少有重名齊尙書僕射楊遵彥殿中尙書辛術皆一時名士見德源並虛襟禮敬因同薦之於

文宣帝起家奉朝請後爲兼員外散騎侍郎聘梁使副後歷滿翊華山二王詔至中書侍郎劉邕上表薦德源曰弱齡好古晚節逾厲枕藉六經漁獵百氏文章綺豔體調清華恭慎表於閨門謙揚譽於胸臆實後進之辭人當今之雅器必能效節一官聘足千里由是除員外散騎侍郎累遷比部郎中後兼通直散騎常侍聘于陳及還待詔文林館除尚書考功郎中轉中書舍人及齊滅仕周爲宣納上士因取急詣相州會尉迴作亂以爲中郎德源辭不獲免遂亡去高祖受禪不得調者久之隱於林慮山鬱鬱不得志嘗幽居賦以自寄文多不載德源素與武陽太守盧思道友善時相往來魏州刺史程彥武奏德源潛爲交結恐其有姦計由是謫令從軍討南竄歲餘而還祕書監牛弘以德源才學顯著奏與著作郎王劭同修國史德源每於務隙撰集注春秋三傳三十卷注揚子法言二十三卷蜀王秀聞其名而引之居數歲高以爲掾後轉諮議參軍卒官有集二十卷又撰政訓內訓各二十卷有子素臣正臣並學涉有文義

### 柳晉

柳晉字顧言本河東人也永嘉之亂徙家襄陽祖倓梁侍中父暉都官尚書晉少聰敏解屬文好讀書所覽將萬卷仕梁釋褐著作佐郎後蕭晉據荊州以爲侍中領國子祭酒吏部尚書及梁國廢拜開府通直散騎常侍尋遷內史侍郎以無吏幹去職轉晉王諮議參軍王好文雅招引才學之士諸葛綽處世南王

嘗朱瑒等百餘人以充學士而嘗爲之冠王以師友處之每有文什必令其潤色然後示人嘗朝京師還作歸藩賦命晉爲序詞甚典麗初王屬文爲庾信體及見晉已後文體遂變仁壽初引晉爲東宮學士加通直散騎常侍檢校洗馬甚見親待每召入臥內與之宴謔晉尤俊辯多在侍從有所顧問應答如響性又嗜酒言雜誹諧由是彌爲太子之所親狎以其好內典令撰法華玄宗爲二十卷奏之太子覽而大悅賞賜優洽儕輩莫與爲比煬帝嗣位拜祕書監封漢南縣公帝退朝之後便命入閣言宴諷讀終日而罷帝每與嬪后對酒時逢興會輒遣命之至與同榻共席恩若友朋帝猶恨不能夜召於是命匠刻木偶人施機關能坐起拜伏以像於晉帝每在月下對酒輒令宮人置之於座與相酬酢而爲歡笑從幸揚州遇疾卒年六十九帝傷惜者久之贈大將軍諡曰康撰晉王北伐記十五卷有集十卷行於世

### 許善心

許善心字務本高陽北新城人也祖茂梁太子中庶子始平天門二郡守散騎常侍父亨仕梁至給事黃門侍郎在陳歷羽林監太中大夫衛尉卿領大著作善心九歲而孤爲母范氏所鞠養幼聰明有思理所聞輒能誦記多聞默識爲當世所稱家有舊書萬餘卷皆徧通涉十五解屬文牋上交友徐陵大奇之謂人曰才調極高此神童也起家除新安王法曹太子詹事江總舉秀才對策高第授度支郎中轉侍郎

稱撰史學士禎明二年加通直散騎常侍聘於隋遇高祖伐陳禮成而不獲反命累表請辭上不許留  
賓館及陳亡高祖遣使告之善心衰服號哭於西階之下藉草東向經三日勅書唁焉明日有詔就館拜  
通直散騎常侍賜衣一襲善心哭盡哀入房改服復出北面立垂涕再拜受詔明日乃朝伏泣於殿下悲  
不復興上顧左右曰我平陳國唯獲此人既能懷其舊君卽是我誠臣也勅以本官直門下省賜物千段  
皁馬二十四匹從幸太山還授虞部侍郎十六年有神雀降於含章闈高祖召百官賜醪告以此瑞書心於  
座請紙筆製神雀頌其詞曰臣聞觀象則天乾元合其德觀法審地域大表其尊雨施雲行四時所以生  
殺川流岳立萬物於是裁成出震乘離之君紀鳳司鳳之后玉錘玉斗而降金版金牒以俾並陶冶性靈  
含煦動植眇玄珠於赤水寂明鏡乎虛堂莫不景福氤氳嘉貺籙集馳聲南董越響雲韶嗚我皇帝之君  
臨闈大方抗太極負鳳邸據龍圖不言行焉攝提建指不肅清焉喉鈴啟閉括地復夏載海竊商就茲體  
其尊登咸昌其會緣區浹宇遐至邇安騰實飛聲直暢傍施無體之禮威儀布政之宮無聲之樂綴兆繩  
章之觀上庠養老躬問百年下土宇民心爲百姓月棲日浴熱坂寒門吹鱗沒羽之荒赤蛇青馬之裔解  
辦請吏削衽承風豈止呼韓北場頰勒狼居之岫熄慎南境近表不耐之城故使天弗愛道地靈寄寶川  
岳展異幽明効靈狎素游頰圍膏漱醴半景青赤孽麻虧盈足足懷仁般般擾義祥祐之來若此升陞之

化如彼而登封盛典云亭佇白檢之儀致治成功柴燎靡玄珪之告雖奉常定禮武騎草文天子抑而未  
行推而不有允恭克讓其在斯乎七十二君信茂如也故神禽顯賁玄應特昭白爵主鐵豸之奇赤爵銜  
丹書之賁班固神爵之頌履武戴文曹植嘉爵之篇棲庭集牖未若未飛武帳來賀文樞刷采青蒲將鞠  
赤烈玉几朝御取翫軒楯之間金門巨闕兼留翬翟之鑿終古曠世未或前聞福召宜徵得之茲日歲次  
上章律諧大呂玄楊會節玄英統時至尊未明求衣農興於含章之殿爰有瑞爵翩翩而下載行載止當  
展宇而徐前來集來儀承軒墀而顧步夫瑞者符也明主之休徵雀者爵也聖人之大寶謹案考異郵云  
軒轅石黃爵赤頭立日傍占云土精之應又禮稽命徵云祭祀合其宜則黃爵集昔漢集泰時之殿魏下  
文昌之宮一見雍丘之祠三入平東之府並旁觀迴囑事陋人微奚足稱矣抑又聞之不刳胎剖卵則鸞  
鳳馴鳴不灑浸焚源則螭龍盤蜿是知陛下止殺故飛走宅心皇慈好生而浮潛育德臣面奉綸綍垂示  
休祥預承嘉宴不勝藻躍李虔僻處西土陸機少長東隅微臣慙於往賢逢時盛乎曩代輒竭庸瑣敢獻  
頌云太素式肇大德資生功玄不器道要無名質文鼎革浚習因成祥圖瑞史赫赫明明天保大定於鏗  
我君武義迺武文教惟文橫塞宇宙旁凝射汾軒物重造姚風再薰煥發王策昭彰帝道御地七神飛天  
五者山祇吐祕河靈孕寶黑羽升壇青鱗伏阜丹鳥流火白雉從風棲阿德劬鳴岐祚隆未如神爵近賀

王宮五靈何有百福攸同孔圖獻赤荀文表白節節奇音行行端跡化玉欄屢銜環陸戰上天之命明禱所格經應在旃伊臣預爲承緝韋素方流管絃頌歌不足蹈儷無宣臣拜稽首獻萬斯年頌成奏之高祖甚悅曰我見神雀共皇后觀之今旦召公等入適述此事善心於座始知卽能成頌文不加點畫不停礙常聞此言今見其事因賜物二百段十七年除祕書丞于時祕藏國籍尙多淆亂善心故阮孝緒七錄更製七林各爲總敘冠於篇首又於部錄之下明作者之意區分其類例焉又奏追李文博陸從典等學者十許人正定經史錯謬仁壽元年攝黃門侍郎二年加攝太常少卿與牛弘等議定禮樂祕書丞黃門並如故四年留守京師高祖崩于仁壽宮煬帝祕喪不發先易留守官人出除虜州刺史逢漢王諒反不之官大業元年轉禮部侍郎奏薦儒者徐文遠爲國子博士包愷陸德明褚徽曾世遠之輩並加品秩授爲學官其年副納言楊達爲冀州道大使以稱旨賜物五百段左衛大將軍宇文述每日借本部兵數千人以供私役常半日而罷攝御史大夫梁毗奏劾之上方以腹心委述初付法推千餘人皆稱被役經二十餘日法官候伺上意乃言役不滿日其數雖多不合通計繼令有實亦當無罪諸兵士聞之吏云初不被役上欲釋之付議虛實百寮咸議爲虛善心以爲述於仗衛之所抽兵私役雖不滿日闕於宿衛與常役所部情狀乃殊又兵多下番散還本府分道追至不謀同辭今殆一月方始翻覆姦狀分明此何可捨蘇

威揚汪等二十餘人同善心之議其餘皆議免罪煬帝可免罪之奏後數月述譖善心曰陳叔寶卒善心與周羅暉虞世基袁充蔡徵等同往送葬善心爲祭文謂爲陛下敢於今日加叔寶尊號召問有實自援古例事得釋而帝甚惡之又太史奏帝卽位之年與堯時符合善心議以國哀甫爾不宜稱賀述諷御史劾之左遷給事郎降品二等四年撰方物志奏之七年從至涿郡帝方自御戎以東討善心上封事忤旨免官其年復徵爲守給事郎九年攝左翊衛長史從度遼授建節尉帝嘗言及高祖受命之符因問鬼神之事勸善心與崔祖潛撰靈異記十卷初善心父撰著梁史未就而歿善心述成父志修續家書其序傳末述制作之意曰謹案太素將萌洪荒初判乾儀資始辰象所以正時以載厚生品物於焉播氣參三才而有德肯二統而降靈有人民焉樹之君長有貴賤矣爲其宗極保上天之瞻命膺下土之樂推莫不執太方振長策咸召風雲驅馳英俊干戈揖讓取之也殊功鼎玉龜符成之也一致革命剝制竹素之道稍彰紀事詔旨筆墨之官漸著炎農以往存其名而漏其迹黃軒以來晦其文而顯其用登巨納麓具訓詁及典謨賈昂入房傳翼正與殷祀洎辨方正位論時訓功南北左右兼四名之別構机乘車擅一家之稱國惡雖諱君舉必書故賊子亂臣天下大懼元龜明鏡昭然可察及三郊遞襲五勝相沿俱稱百谷之王並以四海曰任重光累德何世無哉逮有梁之君臨天下江左建國莫斯爲盛受命在於一君繼統傳乎



四主克昌四十八載餘祚五十六年武皇帝出自諸生爰升寶歷拯百王之弊救萬姓之危反瀆乎之末  
流登上皇之獨道朝多君子野無遺賢禮樂必備憲章咸舉弘深慈於不殺濟大忍於無刑蕩蕩魏可  
爲稱首屬陰戎入頽羯胡侵洛沸騰慘黷三季所未聞掃地滔天一元之巨厄廊廟有序翦成狐兔之場  
珪帛有儀碎夫犬羊之手福善積而身禍仁義在而國亡豈天道歟豈人事歟嘗別論之在序論之卷先  
君昔在前代早懷述作凡撰齊書爲五十卷梁書紀傳隨事勒成及闕而未就者目錄注爲一百八卷梁  
室交喪墳籍銷盡冢壁皆殘不準無所盜惟囊同毀陳農何以求秦儒旣坑先王之道將墜漢臣徒請口  
授之文亦絕所撰之書一時亡散有陳初建詔爲史官補闕拾遺心誠口誦依舊目錄更加修撰且成百  
卷已有六帙五十八卷上祕閣訖善心早嬰荼蓼弗荷薪構大建之末頻抗表聞至德之初蒙授史任方  
願油素採訪門庭記錄俯勵弱才仰成先志而單宗少強近虛室類原顏退屏無所交遊棲遲不求進益  
假班嗣之書徒聞其語給王隱之筆未見其人加以庸瑣涼能孤陋末學忝職郎署兼撰陳史致此書延  
時未卽成績禎明二年以臺郎入聘值本邑淪覆佗鄉播遷行人失時將命不復望都亭而長慟遷別館  
而懸壺家史舊書在後焚蕩今止有六十八卷在又並缺失次自入京已來隨見補葺略成七十卷四  
帝紀八卷后妃一卷三太子錄一卷爲一帙十卷宗室王侯列傳一帙十卷具臣列傳二帙二十卷外戚

傳一卷孝德傳一卷誠臣傳一卷文苑傳二卷儒林傳二卷逸民傳一卷數術傳一卷藩臣傳一卷合一  
帙十卷止足傳一卷列女傳一卷權幸傳一卷羯賊傳二卷逆臣傳二卷叛臣傳二卷敘傳論述一卷各  
一帙十卷凡稱史臣者皆先君所言下稱名案者並善心補闕別爲敘論一篇託于敘傳之末十年又從  
至懷遠鎮加授朝散大夫突厥園鴈門攝左親衛武賁郎將領江南兵宿衛殿省駕幸江都郡追敘前勳  
授通議大夫詔還本品行給事郎十四年化及弑逆之日隋官盡詣朝堂謁賀善心獨不至許弘仁馳告  
之曰天子已崩宇文將軍攝政合朝文武莫不咸集天道人事自有代終何預於叔而低徊若此善心怒  
之不肯隨去弘仁反走上馬泣而言曰將軍於叔全無惡意忽自求死豈不痛哉還告唐奉義以狀白化  
及遣人就宅執至朝堂化及令釋之善心不舞蹈而出化及目送之曰此人大負氣命捉將來罵云我好  
欲放你散如此不遜其黨輒牽曳因遂害之時年六十一及越王稱制贈左光祿大夫高陽縣公諡曰文  
節善心母范氏梁太子中舍人孝才之女少寡養孤博學有高節高祖知之勅尙食每獻時新常遣分賜  
嘗詔范入內侍皇后講讀封永樂郡君及善心遇禍范年九十有二臨喪不哭撫柩曰能死國難我有兒  
矣因臥不食後十餘日亦終

博陵李文博性貞介鯁直好學不倦至於教義名理特所留心每讀書至治亂得失忠臣烈士未嘗不反覆吟翫開皇中爲羽騎尉特爲吏部侍郎薛道衡所知恆令在聽事帷中披檢書史并察已行事若遇治政善事卽抄撰記錄如選用疎謬卽委之臧否道衡每得其語莫不欣然從之後直秘書內省典校墳籍守道居貧晏如也雖衣食乏絕而清操逾厲不妄通賓客恆以禮法自處儻輩莫不敬懼焉道衡知其賢每延于家給以資費文博商略古今治政得失如指諸掌然無吏幹稍選校書郎後出爲縣丞遂得下焉數歲不調道衡爲司隸大夫遇之於東都尙書省甚嗟愍之遂奏爲從事因爲齊王司馬李綱曰今日遂遇文博得奏用之以爲歡笑其見賞知音如此在洛下曾詣房玄齡相送於櫺陽立辭謂之曰公生平志尙唯在正直今旣得爲從事故應有會素心比來激濁揚清所爲多少文博遂奮臂厲聲曰夫清其流者必潔其源正其末者須端其本今治源混亂雖日免十貪郡守亦何所益其弊固疾惡不知忌諱皆此類也于時朝政浸壞人多贓賄唯文博不改其操論者以此貴之遭離亂播遷不知所終初文博在內校書虞世基子亦在其內盛飾容服而未有所却文博因從容問之年紀答云十八文博乃謂之曰昔賈誼當此之年議論何事君今徒事儀容故何爲者又秦孝王妃生男高祖大爲頒賜羣官各有差文博家道屢空人謂其悅乃云賞罰之設功過所歸今王妃生男於羣官何事乃妄受賞也其循名責實錄過計功必

使賞罰不濫功過無隱者皆爾文博本爲經學後讀史書於諸子及論尤所該洽性長議論亦善屬文著  
拾遺集十卷大行於世

史臣曰明克讓魏澹等或博學洽聞詞藻贍逸既稱燕趙之俊寔曰東南之美所在見寶咸取祿位雖無  
往非命蓋亦道有存焉澹之魏書時稱簡正條例詳密足傳於後此外諸子各有記述雖道或大小皆志  
在立言美矣

唐 特 進 臣 魏 徵 上

列傳第二十四

煬三子

煬帝三男蕭皇后生元德太子昭子燕王倓 越王侗齊王暕蕭嬪生趙王杲

元德太子昭煬帝長子也生而高祖命養宮中三歲時於玄武門弄石師子高祖與文獻后至其所高祖適患腰痛舉手憑后昭因避去如此者再三高祖歎曰天生長者誰復教乎由是大奇之高祖嘗謂曰嘗為爾娶婦昭應聲而泣高祖問其故對曰漢王未婚時恆在玉殿所一胡嬖婦便則出外懼將遠避是以啼耳上歎其有至性特鍾愛焉年十二立為河南王仁壽初徙為晉王拜內史令兼左衛大將軍後三年轉雍州牧煬帝即位便幸雒陽宮昭留守京師大業元年帝遣使者立為皇太子昭有武力能引強弩性謙冲言色恂恂未嘗忿怒有深嫌可責者但云大不是所膳不許多品帷席極於儉素臣吏有老父母者必親問其安否歲時皆有惠賜其仁愛如此明年朝於雒陽後數月將還京師願得少留帝不許拜請無數體素肥因致勞疾帝令巫者視之云房陵王為祟未幾而薨詔內史侍郎盧世基為只冊文曰維大業

二年七月癸丑朔二十三日皇太子薨于行宮粵三年五月庚辰朔六日將遷座于莊陵禮也蜃綉宵載  
鶴關曉闕肅文物以具陳儼賓從其如昔皇帝悼離方之就晦嗟震宮之虧象顧守器以長懷臨登餞而  
興想先遠戒日占謀允從庭彝徹祖階卬收重抗銘旌以啟路動徐輪於振容揆行度名累德彰諡爰詔  
史冊式遵典志俾濬哲之徽猷播長久乎天地其辭曰宸基峻極帝緒會昌體元襲聖儀耀重光氣秀春  
陸神華少陽居周軼誦處漢韜莊有縱生知誕膺惟睿性道臈日幾深綺歲降迹大成俯情多藝樹親建  
國命蓋作藩威蕤先路寫奕渠門庸服有紀分器惟尊風高楚殿雅盛梁園睿后膺儲天人叶順本茂條  
蓬基崇體峻改王參墟奄有唐晉在貴能謙居沖益慎封畿千里闔九重神州王化禁旅軍容瞻言偃  
草高視折衝惟辰清祕親賢允屬泛景鳳瀾飛華螭玉揮翰泉涌敷言藻縟式是便煩思謀啟沃洪惟積  
德豐折繁社粵自天孫光升元子綠車逮事翠纓奉祀肅穆滿容儀形讓齒禮樂交暢愛敬兼資優游養  
德恭己承儀南山聘隱東序尊師有粹神儀深穆其度顯顯觀德溫溫審諭炯戒齊箴留連主賦入監出  
撫日就月將沖情玉裕令問金相宜綬景福永作元良神理冥漠天道難究仁不必壽壽或愆祐遽瑤山  
之頽壞忽桂宮之毀構痛結幽明悲纏宇宙慟皇情之深憫摧具僚其如疚嗚呼哀哉廻環氣朔荏苒居  
諸沾露躡於瑤闕下申霜於玉除夜漏盡兮空階曙曉月懸兮帷殿虛嗚呼哀哉將監甫寤長違望苑渡

渭溪於造舟遵長平之修坂望鶴駕而不追顧龍樓而日遠嗚呼哀哉永隔春夜長分古今去榮翻於人世卽潛墜之幽深霏夕烟而稍起慘落景而將沈聽哀挽之悽楚雜瀧木之悲吟紛徒御而流袂橫舟以霑矜嗚呼哀哉九地黃泉千年白日雖金石之能久終天壤乎長畢敢闕芳於繁素永飛聲而騰寶帝深追悼有子三人韋妃生恭皇帝大劉良娣生燕王佖小劉良娣生越王侗

燕王佖字仁安敏慧美姿儀煬帝於諸孫中特所鍾愛常置左右性好讀書尤重儒素非造次所及有若成人良娣早終每至忌日未嘗不流涕嗚咽帝由是益以奇之字文化及弒逆之際僕覺覺欲入奏恐露其事因與梁公蕭鉅千牛宇文暉等穿芳林門側水竇而入至玄武門詭奏曰臣卒中惡命懸俄頃請得面辭死無所恨冀以見帝爲司宮者所遏竟不得聞俄而難作爲賊所害時年十六

越王侗字仁謹美姿儀性寬厚大業二年立爲越王帝每巡幸侗常留守東都楊玄感作亂之際與民部尙書樊子蓋拒之及玄感平朝於高陽拜高陽太守俄以本官復留守東都十三年帝幸江都復令侗與金紫光祿大夫段達太府卿元文都攝民部尙書韋津右武衛將軍皇甫無逸等總留臺事字文化及之弒逆也文都等議以侗元德太子之子屬最爲近於是乃共尊立大赦改元曰皇泰諡帝曰明廟號世祖追尊元德太子爲孝成皇帝廟號世宗尊其母劉良娣爲皇太后以段達爲納言右翊衛大將軍攝禮部

尙書王世充亦納言左翊衛大將軍攝吏部尙書元文都內史令左驍衛大將軍盧楚亦內史令皇甫無  
逸兵部尙書右武衛大將軍郭文懿內史侍郎趙長文黃門侍郎委以機務爲金書鐵券藏之宮掖于時  
雒陽博陵達等爲七貴未幾宇文化及立秦王子浩爲天子來次彭城所經城邑多從迎黨侷懼遣使者  
恣聲馬公政招懷李密遂遣使請降侷大悅禮其使甚厚卽拜密爲太尉尙書令魏國公令拒化及下  
書曰我大隋之有天下於茲二十八載高祖文皇帝聖略神功載造區夏世祖明皇帝則天法地混一華  
戎東暨蟠木西通細柳前踰丹徼後越幽都日月之所臨風雨之所至圓首方足稟氣食菘莫不盡入提  
封皆爲臣妾加以寶貺畢集靈瑞咸臻作樂制禮移風易俗智周寰海萬物咸受其賜道濟天下百姓用  
而不知世祖往因歷試統臨南服自居皇極順茲望幸所以往歲省方展禮肆覲停鑾駐蹕按駕清道八  
屯如昔七萃不移豈意疊起非常速於軒陛災生不意延及冕旒奉諱之日五情崩隕攀號荼毒不能自  
勝且聞之自古代有屯剝賊臣逆子無世無之至如宇文化及世傳庸品其父述往屬時來早霑厚遇賜  
以婚媾置之公輔位尊九命祿重萬鍾禮極人臣榮冠世表徒承海嶽之恩未有涓塵之益化及以此下  
材夙蒙顧盼出入內外奉望階墀昔陪藩國統領禁衛及從升皇祚陪列九卿但本性兇狠恣其貪穢或  
交結惡黨或侵掠貨財事重刑篤狀盈獄簡在上不遺簪履恩加草芥應至死辜每蒙恕免三經除解尋



復本職再徙邊裔仍卽追還生成之恩昊天罔極獎擢之義人事罕聞化及泉鏡爲心禽獸不若縱毒興禍傾覆行宮諸王兄弟一時殘酷痛暴行路世不忍言有窮之在夏時其或之於周代聲辱之極亦未是過朕所以刻骨崩心飲膽營血瞻天視地無處容身今王公卿士庶寮百辟咸以大寶鴻名不可顛隳元兇巨猾須早夷殄翼戴朕躬嗣守寶位顧惟寡薄志不逮此今者出勰屢而杖旋鉞釋寬麻而擢甲冑衛寬誓衆忍淚治兵指日邁征以平大盜且化及僞立秦王之子幽遏比於囚拘其身白稱稱相寧擅擬於九五履踐禁御據有宮闈昂首揚眉初無慙色衣冠朝望外懼兇威志士誠臣內皆憤懣以我義師順彼天道臬夷醜族匪夕伊朝太尉尙書令魏公丹誠內發宏略外舉率勤王之師討遼天之逆果殺爭先熊羆競逐金鼓振響若火焚毛鋒刃縱橫如湯沃雪魏公志在匡濟投袂前驅朕親御六軍屢言繼進以此衆戰以斯順舉壁山可以動射石可以入況擁此人徒皆有離德京都侍衛西憶鄉家江左滄民南思邕比來表書駱驛人信相尋若王師一臨舊章整觀自應解甲倒戈冰消葉散且聞化及自恣天奪其心殺戮不辜挫辱人士莫不道路仄目號天踟地朕今復讎雪恥臬轅者一人拯溺救焚所冀君子庶瞻天鑒孔殷祐我宗社億兆感義俱會朕心臬戮元兇策勳飲至四海交泰稱朕意焉兵衛軍機並受魏公節度密見使者大悅北面拜伏臣禮甚恭密遂東拒化及七貴頗不協陰有相圖之計未幾元文都盧逸郭

文懿趙長文等爲世充所殺皇甫無逸遁歸長安世充詣侗所陳謝辭情哀苦侗以爲至誠命之上殿被髮爲盟誓無貳志自是侗無所關預侗心不能平遂與記室陸士季謀圖世充事不果而止及世充破李寶衆望益歸之遂自爲鄭王總百揆加九錫備法物侗不能禁也段達雲定興等十人入見於侗曰天命不常鄭王功德甚盛願陛下揖讓告禪遵唐虞之迹侗聞之怒曰天下者高祖之天下東都者世祖之東都若隋德未衰此言不可發必天命有改亦何論於禪讓公等或先朝舊臣續宣上代或勤王立節身服軒冕忽有斯言朕復當何所望神色凜然待衛者莫不流汗旣而退朝對良娣而泣世充更使人謂侗曰今海內未定須得長君待四方又安復子明辟必若前盟義不違負侗不得已遜位於世充遂被幽於含涼殿世充僭僞號封爲潞國公邑五千戶月餘宇文儒童裴仁基等謀誅世充復尊立侗事泄並見害世充兄世恉因勸世充害侗以絕民望世充遣其姪行本齋鳩詣侗所曰願皇帝飲此酒侗知不免請與母相見不許遂布席焚香禮佛呪曰從今以去願不生帝王尊貴之家於是仰藥不能時絕更以帛縊之世充僞諡爲恭皇帝

齊王暕字世拙小字阿孩美容儀疎眉目少爲高祖所愛開皇中立爲豫章王邑千戶及長顛涉經史尤工騎射初爲內史令仁壽中拜揚州總管泚淮以南諸軍事煬帝卽位進封齊王增邑四千戶大業二年

帝初入東都盛陳鹵簿陳爲軍導尋轉豫州牧俄而元德太子薨朝野注望咸以陳當嗣帝又勅吏部尚書牛弘妙選官屬公卿由是多進子弟明年轉雍州牧尋徙河南尹開府儀同三司元德太子左右二萬餘人悉隸於陳寵遇益隆自樂平公主及諸戚屬競來致禮百官稱謁填咽道路陳頗驕恣昵近小人所行多不法遣喬令則劉虔安裴該皇甫諶厚狄仲錡陳智偉等求聲色狗馬令則等因此放縱訪人家有女者輒矯陳命呼之載入陳宅因緣藏隱恣行淫穢而後遣之仲錡智偉二人詣隴西樞彘諸胡責其名馬得數匹以進於陳陳令還主仲錡等詐言王賜將歸於家陳不之知也又樂平公主嘗奏帝言柳氏女美者帝未有所吝久之主復以柳氏進於陳陳納之其後帝問主柳氏女所在主曰在齊王所帝不悅陳於東都營第大門無故而崩聽事楸中析識者以爲不祥其後從帝幸榆林陳督後軍步騎五萬恆與帝相去數十里而會帝於汾陽宮大獵詔陳以千騎入圍陳大獲麋鹿以獻而帝未有得也乃怒從官皆言爲陳左右所遏獸不得前帝於是發怒求陳罪失時制縣令無故不得出境有伊闕令皇甫翊幸於陳違禁將之汾陽宮又京兆人達奚通有妾王氏善歌貴遊宴聚多或要致於是展轉亦出入王家御史韋德裕希旨劾陳帝令甲士十餘大索陳第因窮治其事陳妃韋氏者民部尚書沖之女也早卒陳遂與妃姊元氏婦通遂產一女外人皆不得知陰引喬令則於第內酬宴令則稱慶脫陳帽以爲歡樂召相令

徧視後庭栢工指妃姊曰此產子者當爲皇后王貴不可言時國無儲副陳自謂次當得立又以元德太子有三子內常不安陰挾左道爲厭勝之事至是事皆發帝大怒斬令則等數人妃姊賜死陳府寮皆斥之邊遠時趙王晃猶在孩孺帝謂侍臣曰朕唯有陳一子不然者當肆諸市朝以明國憲也陳自是恩寵日衰雖爲京尹不復闕預時政帝恆令武賁郎將一人監其府事陳有微失武賁輒奏之帝亦常慮陳生變所給左右皆以老弱備員而已陳每懷危懼心不自安又帝在江都宮元會陳具法服將朝無故有血從裳中而下又坐齋中見羣鼠數十至前而死視皆無頭陳意甚惡之俄而化及作亂兵將犯蹕帝聞顧謂蕭后曰得非阿孩邪其見疎忌如此化及復令人捕陳陳時尙臥未起賊旣進陳驚曰是何人莫有報者陳猶謂帝令捕之因曰詔使且緩兒不負國家賊於是曳至街而斬之及其二子亦遇害陳竟不知殺者爲誰時年二十四有遺腹子政道與蕭后同入突厥處羅可汗號爲隋王中國人沒入北蕃者悉配之以爲部落以定襄城處之及突厥滅歸于大唐授員外散騎侍郎

趙王晃小字季子年七歲以大業九年封趙王尋授光祿大夫拜河南尹從幸淮南詔行江都太守事晃聰令美容儀帝有所製詞賦晃多能誦之性至孝常見帝風動不進膳晃亦終日不食又蕭后嘗灸晃先請試炷后不許之晃泣請曰后所服藥皆蒙嘗之今灸願聽嘗生悲因不已后竟爲其停灸由是尤愛之

後遇化及反梟在帝側號慟不已裴處通使賊斬之於帝前血滴御服時年十二  
史臣曰元德太子雅性謹重有君人之量降年不永哀哉齊王敏慧可稱志不及遠頗懷驕僭故煬帝疎  
而忌之心無父子之親貌展君臣之敬身非積善國有餘殃至令趙及燕越皆不得其死悲夫



煬三子○監本於下注孫恭皇帝燕王倓越王侗臣映斗按恭皇帝已入帝紀此本無傳今刪燕王倓越

王侗俱係元德太子昭之子亦不當列於前今移注元德太子昭之下乃與傳次相合

越王侗傳化及梟鏡爲心○監本鏡作鏡閣本作鏡按史記封禪書祠黃帝用一梟破鏡注梟鳥名爲母  
鏡獸名食父黃帝欲絕其類使百物祠皆用之顏氏家訓吳均集有破鏡賦





唐 特 進 臣 魏 徵 上

列傳第二十五

崔仲方

崔仲方字不齊博陵安平人也祖孝芬魏荊州刺史父宣猷周小司徒仲方少好讀書有文武才幹年十五周太祖見而異之令與諸子同就學時高祖亦在其中由是與高祖少相款密後以明經爲晉公宇文護參軍事尋轉記室遷司玉大夫與斛斯徵柳敏第同修禮律後以軍功授平東將軍銀青光祿大夫賜爵石城縣男邑三百戶時武帝陰有滅齊之志仲方獻二十策帝大奇之後與少內史趙芬刪定格式尋從帝攻晉州齊之亞將崔景嵩請爲內應仲方與段文振等登城應接遂下晉州語在文振傳又令仲方說翼城等四城下之授儀同進爵范陽縣侯後以行軍長史從鄭公王軌禽陳將吳明徹於呂梁仲方計策居多宣帝嗣位爲少內史奉使淮南而還會帝崩高祖爲丞相與仲方相見握手極懽仲方亦歸心焉其夜上便宜十八事高祖並嘉納之又見衆望有歸陰勸高祖應天受命高祖從之及受禪上召仲方與高穎議正朔服色事仲方曰晉爲金行後魏爲水周爲木皇家以火承木得天之統又聖躬載誕之初有

赤光之瑞車服旌牲並宜用赤又勸上除六官請依漢魏之舊上皆從之進位上開府尋轉司農少卿進爵安固縣公令發丁三萬於朔方靈武築長城東至黃河西拒綏州南至勃出嶺縣亘七百里明年上復令仲方發丁十五萬於朔方已東緣邊險要築數十城以遏胡寇丁父艱去職未期起爲虢州刺史上書論取陳之策曰臣謹案晉太康元年歲在庚子晉武平吳至今開皇六年歲次景午合三百七載春秋寶竝圖云王者三百年一綱法今三百之期可謂備矣陳氏草竊起於景子至今景午又子午爲衝陰陽之品昔史趙有言曰陳顓頊之族爲水故歲在鶉火以滅又云周武王克商封胡公滿於陳至魯昭公九年陳災裨雷曰歲五及鶉火而後陳亡楚剋之楚祝融之後也爲火正故復滅陳陳承舜後舜承顓頊雖太歲左行歲星有轉鶉火之歲陳族再亡戊午之年媯虞運盡語迹雖殊考事無別皇朝五運相承感火德而王國號爲隋與楚同分楚是火正午爲鶉火未爲鶉首申爲實沈西爲大梁旣當周秦晉趙之分若當此分發兵將得歲之助以今量百陳滅不疑臣謂午未申酉正是數極蓋聞天時不如地利地利不如人和況主聖臣良兵強國富動植迴心人神叶契陳旣主昏於上民譁於下險無百二之固衆非九國之師夏滌股掌尙不能立獨此島夷而稽天討伏度朝廷自有宏謨但芻蕘所見冀申螢爝今唯須武昌已下漸和豫方吳海等州更貼精兵密營渡計益信襄荊基郢等州速造舟楫多張形勢爲水戰之具蜀漢二

江是其上流水路衝要必爭之所賊雖於流頭荆門延州公安巴陵隱磯首新口益城置船饋糈漢口峽口以水戰大決若賊必以上流有軍令精兵赴援者下流諸將卽須擇便橫渡如難衆自衝上江水軍鼓行以前雖恃九江五湖之險非德無以爲固徒有三吳百越之兵無恩不能自立上賢而大悅轉基州刺史徵入朝仲方因面陳經略上善之賜以御袍袴并雜綵五百段進位開府而道之及大羅伐陳以仲方爲行軍總管率兵與秦王會及陳平坐事免未幾復位後數載轉會州總管時諸羌猶未寔附詔令仲方擊之與賊三十餘戰紫祖四鄰望方涉題于碣小鐵圍山白男王弱水等諸酋悉平賜奴婢一百二十口黃金三十斤雜物稱是仁壽初授代州總管在職數年被徵入朝會上崩漢主諒餘黨據呂州不下煬帝令周羅睺攻之中流矢卒乃令仲方代總其衆月餘拔之進位大將軍拜兵部尙書尋禮部尙書後三載坐事免尋爲國子祭酒轉太常卿朝廷以其衰老出拜上郡太守未幾以母憂去職歲餘起爲信都太守上表乞骸骨優詔許之尋卒於家時年七十六子民壽官至定陶令

子仲文 兄顛 從父弟璽

子仲文字次武建平公義之兄子父實周大左輔燕國公仲文少聰敏髫髻就學就問不倦其父異之曰此兒必興吾宗矣九歲嘗於雲陽宮見周太祖太祖問曰聞兒好讀書書有何事仲文對曰資父事君忠

孝而已太祖甚嗟歎之其後就博士李祥受周易三禮略通大義及長個儻有大志氣調英拔當時號爲名公子起家爲趙王屬尋遷安固大守有任杜兩家各失牛任得一牛兩家俱認州郡久不能決益州長史韓伯儒曰于安固少聰察可令決之仲文曰此易解耳於是令二家各驅牛羣至乃放所認者遂向任氏羣中又陰使人微傷其牛任氏嗟惋杜家自若仲文於是訶詰杜氏杜氏服罪而去始州刺史屈突尙宇文護之黨也先坐事下獄無敢繩者仲文至郡窮治遂竟其獄蜀中爲之語曰明斷無雙有于公不避強禦有次武未幾徵爲御正下大夫封延壽郡公邑三千五百戶數從征伐累勳授儀同三司宣帝時爲東郡太守高祖爲丞相尉迥作亂遣將檀讓收河南之地復使人誘致仲文仲文拒之迥怒其不同已遣俄同宇文威攻之仲文迎擊大破威衆斬首五百餘級以功授開府迥又遣其將宇文胄渡石濟宇文威鄒紹白白馬二道俱進復攻仲文賊勢逾盛人情大駭郡人郝連僧伽敬子哲率衆應迥仲文自度不能支棄妻子將六十餘騎開城西門潰圍而遯爲賊所追且戰且行所從騎戰死者十七八仲文僅而獲免達於京師迥於是屠其三子一女高祖見之引入臥內爲之下泣賜綵五百段黃金二百兩進位大將軍領河南道行軍總管給以鼓吹馳傳詣洛陽發兵以討檀讓時韋孝寬拒迥於承橋仲文詣孝寬有所計議時總管宇文忻頗有自疑之心因謂仲文曰公新從京師來觀執政意何如也尉迥誠不足平正恐事

盜之後更有藏弓之慮仲文懼忻生變因謂之曰丞相寬仁大度明識有餘苟能竭誠必心無貳仲文在京三日頗見三善以此爲觀非尋常人也忻曰三善如何仲文曰有陳萬敵者新從賊中來卽令其弟羅敵召募鄉曲從軍討賊此其有大度一也上士宋謙奉使勾檢謙緣此別求佗罪丞相責之曰入網者白可推求何須別訪以虧大體此其不求人私二也言及仲文妻子未嘗不漚泣此其有仁心三也忻曰此遂安仲文軍至汴州之東倪塢與迴將劉子昂劉浴德等相遇進擊破之軍次蓼隄去梁郡七里讓擁衆數萬仲文以羸師挑戰讓悉衆來拒仲文僞北讓軍頗驕於是遣精兵左右翼擊之大敗讓軍生獲五千餘人斬首七百級進攻梁郡迴守將劉子寬棄城遁走仲文追擊禽斬數千人子寬僅以身免初仲文在蓼隄諸將皆曰軍自遠來士馬疲敝不可決勝仲文令三軍趣食列陳大戰旣而破賊諸將皆請曰前兵疲不可交戰竟而剋勝其計安在仲文笑曰吾所部將士皆山東人果於速進不宜持久乘勢擊之所以制勝諸將皆以爲非所及也進擊曹州獲迴所署刺史李仲康及上儀同房勁檀讓以餘衆屯城武別將馬士儒以萬人屯永昌仲文詐移書州縣曰大將軍至可多積粟讓謂仲文未能卒至方榷牛享士仲文知其怠選精騎襲之一日便至遂拔城武迴將席毗羅衆十萬屯於沛縣將攻徐州其妻子在金鄉仲文遣人詐爲毗羅使者謂金鄉城主徐善淨曰檀讓明日午時到金鄉將宣蜀公合賞賜將士金鄉人謂爲

倍然皆喜仲文簡精兵僞建迴旗幟倍道而進善淨望見仲文軍且至以爲檀讓乃出迎詔仲文執之遂  
取金鄉諸將皆勸屠之仲文曰此城是毗羅起兵之所當寬其妻子其兵可自歸如卽屠之彼望絕矣眾  
皆稱吾於是毗羅恃眾來薄官軍仲文背城結陣去軍數里設伏於麻田中兩陣纒合伏兵發俱曳柴鼓  
譟塵埃張天毗羅軍大潰仲文乘之賊皆投沫水而死爲之不流獲檀讓檻送京師河南悉平毗羅歷蒙  
賜人家執斬之傳首闕下勒石紀功樹於泗上入朝京師高祖引入臥內宴享極歡賜雜綵千餘段妓女  
十人拜桂國河南道大行臺屬高祖受禪不行未幾其叔父太尉翼坐事下獄仲文亦爲吏所簿於獄中  
上書曰臣聞春生夏長天地平分之功子孝臣誠人倫不易之道曩者尉迴逆亂所在影從臣任處關河  
地居衝要膏膈枕戈誓以必死迴時購臣位大將軍邑萬戶臣不顧妻子不愛身命冒白刃潰重圍三男  
一女相繼淪沒披露肝膽馳赴闕庭蒙陛下授臣以高官委臣以兵革于時河南兇寇狼顧鷓張臣以羸  
兵八千掃除氛祲摧劉寬於梁郡破檀讓於蓼隄平曹州復東郡安城武定永昌解亳州圍殄徐州賊席  
毗十萬之衆一戰土崩河南蟻聚之徒應時戡定當羣兇問鼎之際黎元乏主之辰臣第二叔翼先在幽  
州總馭燕趙南鄰羣寇北捍旄頭內外安撫得免罪戾臣第五叔智建旗黑水與王謙爲鄰式遏蠻陬鎮  
輟蜀道巨兇隕在牧淮南坐制勅敵乘機勒定傳首京師王謙竊據二江拔換三蜀臣第三叔義受臆廟

庭翼行天討自外父叔兄弟皆當文武重寄或銜命危難之間或侍衛鈞陳之側合門誠款翼有可明伏願下泣辜之恩降雲雨之施追草昧之始錄涓滴之功則寒灰更然枯骨生肉不勝區區之至謹冒死以聞上覽表并翼俱釋之未幾詔仲文率兵屯白狼塞以備胡明年拜行軍元帥統十二總管以擊胡出服遼鎮遇虜破之斬首千餘級大畜巨萬計於是從金河出白道遣總管辛明瑾元滂賀蘭志呂楚段諧等二萬人出盛樂道趨那頡山至護軍川北與虜相遇可汗見仲文軍容齊肅不戰而退仲文率精騎五千踰山追之不及而還上以尙書文簿繁雜吏多姦計令仲文勘錄省中事其所發擿甚多上嘉其明斷厚加勞賞焉上每憂轉運不給仲文請決渭水開漕渠上然之使仲文總其事及伐陳之役拜行軍總管以舟師自章山出漢口陳鄆州刺史荀法尙魯山城主誕法澄鄧沙彌等請降秦王俊皆令仲文以兵納之高智慧等作亂江南復以行軍總管討之時三軍乏食米粟踊貴仲文私糶軍糧坐除名明年復官爵率兵屯馬邑以備胡數旬而罷晉王廣以仲文有將領之才每常屬意至是奏之乃令督晉王軍府事後突厥犯塞晉王爲元帥以仲文將前軍大破賊而還仁壽初拜太子右衛率煬帝卽位遷右翊衛大將軍參掌文武選事後帝討吐谷渾進位光祿大夫甚見親幸遼東之役仲文率軍指樂浪道軍次烏骨城仲文簡羸馬驢數千置於軍後旣而率衆東過高麗出兵掩襲輜重仲文迴擊大破之至鴨綠水高麗將乙支

文德詐降來入其營仲文先奉密旨若遇高元及文德者必擒之至是文德來仲文將執之時尙書右丞劉士龍爲慰撫使固止之仲文遂捨文德尋悔遣人給文德曰更有言議可復來也文德不從遂濟仲文選騎渡水追之每戰破賊文德遺仲文詩曰神策究天文妙算窮地理戰勝功旣高知足願云止仲文答書諭之文德燒柵而遁時宇文述以糧盡欲還仲文議以精銳追文德可以有功述固止之仲文怒曰將軍仗十萬之衆不能破小賊何顏以見帝且仲文此行也固無功矣述因厲聲曰何以知無功仲文曰昔周亞天之爲將也見天子軍容不變此決在一入所以功名遂今者人各其心何以赴敵初帝以仲文有計畫令諸軍詒粟節度故有此言由是述等不得已而從之遂行東至薩水宇文述以兵餒退歸師遂敗績帝以屬吏諸將皆委罪於仲文帝大怒釋諸將獨繫仲文仲文憂患發病困篤方出之卒於家時年六十八撰漢書刊繁三十卷略覽二十卷有子九人欽明最知名

馮元武身長八尺美鬚眉周大象宰宇文護見而器之妻以季女尋以父勳賜爵新野郡公邑二千戶授大都督選車騎大將軍儀同三司其後累以軍功授上開府歷左右官伯郢州刺史大象中以水軍總管從韋孝寬經略淮南顓率開府元紹貴上儀同毛猛等以舟師自潁口入淮陳防主潘深棄柵而走進吳孝寬拔壽陽復引師圍硤石守將許約懼而降顓乃拜東廣州刺史尉廻之反也時總管趙文表與



顓素不協顓將圖之因臥闕內詐得心疾謂左右曰我見兩三人至我前者輒大驚卽欲斫之不能自割也其有賓客候問者皆令去左右顓漸稱危篤文表往候之令從者至大門而止文表獨至顓所顓歛然而起抽刀斫殺之因唱言曰文表與尉迴通謀所以斬之其麾下無敢動者時高祖以尉迴未平慮顓復生邊患因而勞勉之卽拜吳州總管陳將錢茂和率數千人襲江陽顓逆擊走之陳復遣將陸紀周羅暉燕合兒等襲顓顓拒之而退賜綵數百段高祖受禪文表弟詣闕稱兄無罪上令案其事太傅竇熾等議顓當死上以門著勳績特原之貶爲開府後襲爵燕國公邑萬六千戶尋以疾免開皇七年拜涇州刺史數年免職卒於家子世虔嗣

璽字伯符父翼仕周爲上柱國幽州總管任國公高祖爲丞相尉迴作亂遣人誘翼翼鏃其使送之長安高祖甚悅及高祖受禪翼入朝上爲之降榻握手極歡數日拜爲太尉歲餘卒諡曰穆璽少有器幹仕周起家右侍上士尋授儀同領右羽林遷少胥附武帝時從齊王憲破齊師於洛陽以功賜爵豐寧縣子邑五百戶尋從帝平齊加開府改封黎陽縣公邑千二百戶授職方中大夫及宣帝嗣位轉右勳管中大夫尋領右忠義高祖爲丞相加上開府及受禪進位大將軍拜汴州刺史甚有能名上聞而善之優詔褒揚賜帛百匹尋加上大將軍進爵郡公轉邵州刺史在州數年甚有恩惠後檢校江陵總管州人張願等數

十人詣闕上表請留璽上嘉歎良久令還邵州父老相賀尋遷洛州刺史復爲熊州刺史並有惠政以疾徵還京師仁壽末卒于家諡曰靜有子志本

### 段文振

段文振北海期原人也祖壽魏滄州刺史父威周洮河甘渭四州刺史文振少有膂力膽氣過人性剛直明達時務初爲宇文護親信護知其有幹用擢授中外府兵曹後武帝攻齊海昌王尉相貴於晉州其亞將侯子欽崔景嵩爲內應文振杖槊登城與崔仲方等數十人先登文振隨景嵩至相貴所拔佩刃劫之相貴不敢動城遂下帝大喜賜物千段進拔文侯華谷高壁三城皆有力焉及攻并州陷東門而入齊安德王延宗懼而出降段前後勳將拜高秩以讒毀獲譴因授上儀同賜爵襄國縣公邑千戶進平鄴都又賜絳羅二千匹後從滕王道擊稽胡破之歷相州別駕揚州總管長史入爲天官都上士從韋孝寬經略淮南俄而尉迴作亂時文振老母妻子俱在鄴城迴遣人誘之文振不顧歸於高祖高祖引爲丞相掾領宿衛驍騎司馬消難之奔陳也高祖令文振安集淮南還除衛尉少卿兼內史侍郎尋以行軍長史從達奚震討叛璽平之加上開府歲餘遷鴻臚卿衛王爽北征突厥以文振爲長史坐勳薄不實免官後爲石河二州刺史甚有威惠遷蘭州總管改封龍崗縣公突厥犯塞以行軍總管擊破之逐北至居延塞而還

九年大舉伐陳以文振爲元帥秦王司馬別領行軍總管及平江南授揚州總管司馬尋轉并州總管司馬以母憂去職未幾起令視事固辭不許後數年拜雲州總管尋爲大僕卿十九年突厥犯塞文振以行軍總管拒之遇達頭可汗於沃野擊破之文振先與王世積有舊初文振北征世積遣以駝馬北還世積以罪被誅文振坐與交關功遂不錄明年率衆出靈州道以備胡無虜而還越嵩巖文振擊平之賜奴婢二百口仁壽初嘉州獠作亂文振以行軍總管討之引軍山谷間爲賊所襲前後阻險不得相救軍遂大敗文振復收散兵擊其不意竟破之文振性素剛直無所降下初軍次益州謁蜀王秀觀船不恭秀甚銜之及此奏文振師徒喪敗右僕射蘇威與文振有隙因而譖之坐是除名及秀廢黜文振上表白申理高祖慰諭之授大將軍尋拜靈州總管煬帝卽位徵爲兵部尙書待遇甚重從征吐谷渾文振督兵屯雪山連營三百餘里東接楊義臣西連張壽合圍渾主於覆袁川以功進位右光祿大夫帝幸江都以文振行江都郡事文振見高祖時容納突厥啟民居于塞內妻以公主賞賜重疊及大業初恩澤彌厚文振以狼子野心恐爲國患乃上表曰臣聞古者遠不問近夷不亂華周宣外攘狄秦帝築城萬里蓋運圖具算弗可忘也竊見國家容受啟民資其兵食假以地利如臣愚計竊又未安何則夷狄之性無親而貪弱則歸投強則反噬蓋其本心也臣學非博覽不能遠見且聞晉朝劉曜梁代侯景近事之驗衆所共知以

巨量之必爲國患如臣之計以時喻道令出塞外然後明設烽候緣邊鎮防務令嚴重此乃萬歲之良策也時兵曹郎斛斯政專掌兵事文振知政險薄不可委以機要屢言於帝帝並弗納及遼東之役授左候衛大將軍出南蘇道在道疾篤上表曰臣以庸微幸逢聖世濫蒙獎擢榮冠儕伍而智能無取叨竊已多昔會國恩用忘寢食常思効其嗚吠以報萬分而攝養乖方疾患遂篤抱此深愧永歸泉壤不勝餘恨輕陳管見竊見遼東小醜未服嚴刑遠降六師親勞萬乘但夷狄多詐深須防擬口陳降款心懷背叛詭伏多端勿得便受水滸方降不可淹遲唯願嚴勒諸軍星馳速發水陸俱前出其不意則平壤孤城勢可拔也若傾其本根餘城自剋如不時定脫遇秋霖深爲艱阻兵糧又竭強敵在前鞅鞅出後遲疑不決非上策也後數日卒於師帝省表悲歎久之贈光祿大夫尙書右僕射北平侯諡曰襄賜物一千段粟麥二千石威儀鼓吹送至墓所有子十人長子詮官至武牙郎將次綸少以俠氣聞文振弟文操大業中爲武賁郎將性甚剛嚴帝令督秘書省學士時學士頗存儒雅文操輒鞭撻之前後或至千數時議者鄙之史曰仲方兼資文武雅有籌算伐陳之策信爲深遠矣聲績克舉夫豈徒言哉仲文博涉書記以英略由許尉遇之亂遂立功名自茲厥後屢當推轂遼東之役實喪師徒斯乃大樹將顛蓋亦非戰人之罪也文振少以膽略見重終懷壯夫之志時進讒言頗稱諛直其取高位厚秩良有以也

乾隆四年校刊

隋書卷六十列傳

七

隋書卷六十

唐 特 進 臣 魏 徵 上

列傳第二十六

宇文述 雲定與

宇文述字伯通代郡武川人也本姓破野頭後屬鮮卑俟豆歸後從其主爲宇文氏父盛周上柱國述少驍銳便弓馬年十一時有相者謂述曰公子善自愛後當位極人臣周武帝時以父軍功起家拜開府述性恭謹沈密周大象宰宇文護甚愛之以本官領護親信及帝親總萬機召爲左宮伯累遷英果中大夫賜爵博陵郡公尋改封濮陽郡公高祖爲丞相尉迴作亂相州述以行軍總管率步騎三千從韋孝寬擊之軍至河陽迴遣將李儒攻懷州述別擊雋軍破之又與諸將擊尉惇於永橋述先鋒陷陳俘馘甚衆平尉迴每戰有功超拜上柱國進爵褒國公賜縑三千匹開皇初拜右衛大將軍平陳之役復以行軍總管率衆三萬自六合而濟時韓擒賀若弼兩軍趣丹陽述進據石頭以爲聲援陳主旣擒而蕭瑛蕭巖據東吳之地擁兵拒守述領行軍總管元契張默言等討之水陸兼進落叢公燕榮以舟師自海至亦受述節度上下詔曰公鴻勳大業名高望重奉國之誠久所知悉金陵之寇旣已清蕩而吳會之地東路爲遙蕭

嚴肅璪並在其處公率將戎旅撫慰彼方振揚國威宣布朝化以公明略乘勝而往風行電掃自當稽服若使干戈不用黎庶獲安方副朕懷公之力也陳永新侯陳君範自晉陵奔璪并軍合勢見述軍且至璪懼立柵於晉陵城東又絕塘道留兵拒述璪自義興入太湖圖掩述後述進破其柵迴兵擊璪大敗之斬璪司馬曹勣又前軍復陷吳州璪以餘衆保包山燕榮擊破之述進至奉公埭肅嚴陳君範等以會稽請降述許之二人面縛路左吳會悉平以功拜一子開府賜物三千段拜安州總管時晉王廣鎮揚州甚善於述欲述近己因奏爲壽州刺史總管王時陰有奪宗之志請計於述述曰皇太子失愛已久令德不聞於天下大王仁孝著稱才能蓋世數經將領深有大功主上之與內宮咸所鍾愛四海之望實歸於大王然廢立者國家之大事處人父子骨肉之間誠非易謀也然能移主上者唯楊素耳素之謀者唯其弟約述雅知約請朝京師與約相見共圖廢立晉王大悅多齎金寶資述入關述數請約盛陳器玩與之酣暢因而共博每佯不勝所齎金寶盡輸之約所得旣多稍以謝述述因曰此晉王之賜令述與公爲歡樂耳約大驚曰何爲者述因爲王申意約然其說退言於素素亦從之於是素每與述謀事晉王與述情好益密命述子士及尙南陽公主前後賞賜不可勝計及晉王爲皇太子以述爲左衛率舊令率官第四品上以述素貴遂進率品爲第三其見重如此煬帝嗣位拜左衛大將軍改封許國公大業三年加開府儀同



三司每冬正朝會輒給鼓吹一部從幸榆林時鐵勒契弊城殺攻吐谷渾其部擄散送遣使請降求款  
帝令述以兵屯西平之臨羌城撫納降附吐谷渾見述擁強兵懼不敢降遂西遷述領鷹揚郡將梁元禮  
張峻崔師等追之至曼頭城攻拔之斬三千餘級乘勝至赤水城復拔之其餘竊走屯厄川述進擊大  
破之獲其王公尙書將軍二百人前後虜男女四千口而遷渾主南走葷山其故地皆空帝大悅明年從  
帝西幸巡至金山登燕支述每爲斥候時渾賊復寇張掖遷驢走之遷至江都高勅述與蘇威常典選導  
參預朝政述時貴重委任與蘇威等其親愛則過之帝所得遠方貢獻及四時口味輒以班賜中使相筮  
於道述善於供奉俯仰折旋容止便辟宿衛者咸取則焉又有巧思凡有所製師皆出人意見數以奇服  
異物進獻宮掖由是帝彌悅焉時述貴倖言無不從勢傾朝廷左衛將軍張瑛與述連官嘗有評議偏不  
中意述張目叱之瑾惶懼而走文武百寮莫敢違忤然性貪鄙知人有珍異之物必求取之宮中大買及  
隴右諸胡子弟述皆接以恩意呼之爲兒由是競加餽遺金寶累積後處臾羅綺者數百家僮千餘人皆  
控良馬被服金玉述之寵遇當時莫與爲比及征高麗述爲扶餘道軍將臨發帝謂述曰禮七十者行棧  
以婦人從公宜以家累自隨古稱婦人不入軍謂臨戰時耳至於營壘之間無所傷也頃籍虞姬卽其故  
事迹與九軍至鴨綠水糧盡欲班師諸將皆異同述又不測帝意會乙亥文德來詣其營述先與于文

仲俱奉密旨令誘執文德既而緩縱文德逃歸語在仲文傳述內不自安遂與諸將度水追之時文德見述軍中多飢色欲疲述衆每闕便北述一日之中七戰皆捷旣恃驟勝又內逼羣議於是遂進東濟薩水去平壤城三十里因山爲營文德復遣使僞降請述曰若旋師者當奉高元朝行在所述見士卒疲敝不可復戰又平壤險固卒難致力遂因其詐而還衆半濟賊擊後軍於是大潰不可禁止九軍敗績一日一夜還至鴨綠水行四百五十里初度遼九軍三十萬五千人及還至遼東城唯二千七百人帝大怒以述等屬吏至東都除名爲民明年帝有事遼東復述官爵待之如初從至遼東與將軍楊義臣率兵復臨鴨綠水會楊玄感作亂帝召述班師令馳驛赴河陽發諸郡兵以討玄感時玄感逼東都聞述軍將至懼而西遊將圍關中述與刑部尙書衛玄左禦衛將軍來護兒武衛將軍屈突通等驕之至闕鄉皇天原與玄感相及述與來護兒列陣當其前遣屈突通以奇兵擊其後大破之遂斬玄感傳首行在所賜物數千段復從東征至懷遠而還突厥之圍鴈門帝懼述請潰圍而出樊子蓋固諫不可帝乃止及圍解車駕次太原議者多勸帝還京帝有難色述因奏曰從官妻子多在東都便道向洛陽自潼關而入可也帝從之是歲至東都述又觀望帝意勸幸江都帝大悅述於江都遇疾中使相望帝將親臨視之羣臣苦諫乃止遂遣司宮魏氏問述曰必有不諱欲何所言述二子化及智及時並得罪於家述因奏曰化及臣之長子

早預藩邸願陛下哀憐之帝聞泣然曰吾不忘也及薨帝爲之廢朝贈司徒衛尉令十郡太守班劍四十人輜輶車前後部鼓吹諡曰恭帝令黃門侍郎裴矩祭以太牢鴻臚監護喪事子化及別有傳

雲定與者附會於述初定興女爲皇太子勇昭訓及勇廢除名配少府定興先得昭訓明珠絡帳私賂於述自是數共交遊定興每時節必有賂遺并以音樂干述述素好著奇服炫耀時人定興爲製馬蹏於後角上缺方三寸以露白色世輕薄者爭放學之謂爲許公缺勢又遇天寒定興曰入內宿衛必當耳玲述曰然乃製秘頭巾令深袖耳又學之名爲許公袖勢述大悅曰雲兄所作必能變俗我聞作事可法故不虛也後帝將事四夷大造兵器述薦之因勅少府工匠並取其節度述欲爲之求官謂定興曰兄所製器仗並合上心而不得官者爲長寧兄弟猶未死耳定興曰此無用物何不勸上殺之述因奏曰房陵諸子年並成立今欲動兵征討若將從駕則守掌爲難若留一處又恐不可進退無用請早處分帝從之因賜殺長寧又遣以下七弟分配嶺表仍遣間使於路盡殺之五年大閱軍實帝稱甲仗爲佳述奏曰並雲定興之功也擢授少府丞尋代何稠爲少監轉衛尉少卿遷左禦衛將軍仍知少府事十一年授左屯衛大將軍凡述所薦達皆至大官趙行樞以太常樂戶家財億計述謂爲兒多受其賄稱其驍勇起家爲折衝

郎將

乾隆四年校刊

隋書卷六十一列傳

三

郭衍

郭衍字彥文自云太原介休人也父以舍人從魏武帝入關其後官至侍中衍少驍武善騎射周陳王純引爲左右累遷大都督時齊氏未平衍奉詔於天水募人以鎮東境得樂徙千餘家屯於陝城拜使持節車騎大將軍儀同三司每有寇至輒率所領禦之一歲數告捷頗爲齊人所憚王益親任之建德中周武帝出書賜衍朝於行所時議欲伐齊衍請爲前鋒攻河陰城授儀同大將軍武帝圍晉州慮齊兵來援令衍從陳王守千里徑又從武帝與齊主大戰於晉州追齊師至高壁敗之仍從平并州以功加授開府封武彊縣公邑一千二百戶賜姓叱羅氏宣政元年爲右中軍熊渠中大夫尉迴之起逆從韋孝寬戰於武陟進戰於相州先是迴遣弟子勤爲青州總管率青齊之衆來助迴迴敗勤與迴子惇祐等欲東奔青州衍將精騎一千追破之執祐于陣勤遂遁走而惇亦逃衍至濟州入據其城又擊其餘黨於濟北累戰破之執送京師超授上柱國封武山郡公賞物七千段密勸高祖殺周室諸王早行禪代由是大被親昵開皇元年勅復舊姓爲郭氏突厥犯塞以衍爲行軍總管領兵屯於平涼數歲虜不入徵爲開漕渠大監幹罕水土鑿渠引渭水經大興城北東至于潼關漕運四百餘里關內賴之名之曰富民渠五年授瀛州刺史遇秋霖大水其屬縣多漂沒民皆上高樹依大家衍親備船楫并齎糴拯救之民多獲濟衍先開

倉賑卹後始聞奏上大善之選授朔州總管所部有恒安鎮北樓葺坑常游轉運衍乃遷沃饒地置屯田歲剩粟萬餘石民免轉輸之勞又築桑乾鎮皆稱旨十年從晉玉廣出鎮揚州遇江表搆逆命衍爲總管領精銳萬人先屯京口於貴洲南與賊戰敗之生擒魁帥大獲舟楫糧儲以充軍實乃討東陽永嘉宮城黻欵諸洞盡平之授蔣州刺史衍臨下甚踞事上姦諂晉王燮贈之宴賜隆厚遷淇州總管王有登宗之謀託衍心腹遺宇文述以情告之衍大喜曰若所謀事果自可爲皇太子如其不諧亦須據淮海復梁陳之舊副君酒客其如何王因召衍陰共計議又恐人疑無故來往託以衍妻患暈王妃蕭氏有術能療之以狀奏高祖高祖聽衍共妻向江都往來無度衍又詐稱杜州悞反王乃奏衍行兵討之由是大修甲仗陰養士卒及王入爲太子徵授左監門率轉左宗衛率高祖於仁壽宮將大漸太子與楊素矯詔令衍宇文述領東宮帖上臺宿衛門禁並由之及上崩漢王起逆而京師空虛使衍馳還總兵居守大業元年拜左武衛大將軍帝幸江都令衍統左軍改授光祿大夫又從討吐谷渾出金山道納降二萬餘戶衍能揣上意阿諛順旨帝每謂人曰唯有郭衍心與朕同又嘗勸帝取樂五日一視事無得効高祖空自劬勞帝從之益稱其孝順初新令衍封爵從例除六年以恩倖封眞定侯七年從往江都卒贈左衛大將軍贈賜甚厚諡曰襄長子臻武牙郎將次子嗣本孝昌縣令

史臣曰賢者匹窮爲臣之高節和而不同事君之常道宇文述郭衍以水濟水如脂如韋便辟足恭柔顏  
取悅君所謂可亦曰可焉君所謂不亦曰不焉無所是非不能輕重默默苟容偷安高位甘素餐之責受  
被已之譏此固君子所不爲亦仁明之深恥也

唐 特 進 臣 魏 徵 上

列傳第二十七

王韶

王韶字子相自云太原晉陽人也世居京兆祖諱原州刺史父諒早卒韶幼而方雅頗好奇節有識者異之在周累以軍功官至車騎大將軍儀同三司復轉軍正武帝既拔晉州意欲班師韶諫曰齊失紀綱於茲累世天獎王室一戰而扼其喉加以主昏於上民懼於下取亂侮亡正在今日方欲釋之而去以巨憝固深所未解願陛下圖之帝大悅賜縑一百匹及平齊民以功進位開府封晉陽縣公邑五百戶賜口馬雜畜以萬計遷內史中大夫宣帝卽位拜豐州刺史改封昌樂縣公高祖受禪進爵項城郡公邑二千戶轉靈州刺史加位大將軍晉王廣之鎮并州也除行臺右僕射賜綵五百匹韶性剛直王甚懼之每事詰詢不致違於法度韶嘗奉使檢行長城其後王穿池起三山韶既還自鎖而諫王謝而罷之高祖聞而嘉歎賜金百兩并後宮四人平陳之役以本官爲元帥府司馬帥師越河陽與大軍會既至壽陽與高顯支度軍機無所壅滯及尅金陵韶卽鎮焉晉王廣班師留韶於石頭防邊委以後事歲餘徵還高祖謂公卿

曰晉王以幼穉出藩遂能剋平吳越綏靜江湖子相之力也於是進位柱國賜奴婢三百口綿絹五千段  
開皇十一年上幸并州以其稱職特加勞勉其後上謂韶曰自朕至此公鬚髮漸白無乃憂勞所致柱石  
之望唯在於公努力勉之韶辭謝曰臣比衰暮殊不解作官人高祖曰是何意也不解者是未用心耳韶  
對曰臣昔在昏季猶且用心况逢明聖敢不罄竭但神化精微非駑蹇所逮加以今年六十有大桑榆云  
晚比於疇昔昏忘又多豈敢自寬以速身累恐以衰暮虧紊朝綱耳上勞而遣之秦王俊爲并州總管仍  
爲長史歲餘馳驛入京勞敝而卒時年六十八高祖甚傷惜之謂秦王使者曰語爾王我前令子相緩來  
如何乃遣馳驛殺我子相豈不由汝邪言甚悽愴使有司爲之立宅曰往者何用宅爲但以表我深心耳  
又曰子相受我委寄十有餘年終始不易寵章未極舍我而死乎發言流涕因命取子相封事數十紙傳  
示羣臣上曰其直可區正裨益甚多吾每披尋未嘗釋手煬帝卽位追贈司徒尙書令靈幽等十州刺史  
魏國公士隆嗣士隆略知書計尤便弓馬慷慨有父風大業之世頗見親重官至備身將軍改封耿公  
數令討擊山賊往往有捷越王侗稱帝士隆率數千兵自江淮而至會王世充僭號甚禮重之嘗尙書右  
僕射士隆憂憤疽發背卒



元巖字君山河南洛陽人也父禎魏敷州刺史巖好讀書不治章句剛頗有器局以名節自許少與渤海高熲太原王韶同志友善仕周釋褐宣威將軍武賁給事大冢宰宇文護見而器之以爲中外記室累遷內史中大夫昌國縣伯宣帝嗣位爲政昏暴京兆郡丞樂運乃輿櫬詣朝堂陳帝八失言甚切五帝大怒將戮之朝臣皆恐懼莫有救者巖謂人曰臧洪同日尙可俱死其況比于乎若樂運不冤吾將與之俱死詣閣請見言於帝曰樂運知書奏必死所以不顧身命者欲取後世之名陛下若殺之乃成其名若其徒內耳不如勞而遣之以廣聖度運因獲免後帝將誅烏丸軌巖不肯言詔御正璽之儀切諫不入巖進繼之脫巾頓顙三拜三進帝曰汝欲黨烏丸軌邪巖曰臣非黨軌正恐濫誅失天下之望帝怒使關整搆其面遂廢于家高祖爲丞相加位開府民部中大夫及受禪拜兵部尙書進爵平昌郡公邑二千戶巖性嚴重明遠世務每有奏議侃然正色庭諍面折無所迴避上及公卿皆敬憚之時高祖初卽位每懲周代諸侯微弱以致滅亡由是分王諸子權侔王室以爲磐石之固遣晉王廣鎮并州蜀王秀鎮益州二十一年並幼稚於是盛選貞良有重望者爲之寮佐于時巖與王韶俱以骨鯁知名物議稱二人才且侔於高熲由是拜巖爲益州總管長史韶爲河北道行臺右僕射高祖謂之曰公宰相大器今屈輔稚兒如曹參相齊之意也及巖到官法令明肅吏民稱焉蜀王性好奢侈嘗欲取獐口以爲闕人又欲生剖死囚取膽爲藥

巖皆不奉教排固切諫王輒謝而止憚巖爲人每循法度蜀中獄訟巖所裁斷莫不悅服其有得罪者相謂曰平昌公與吾非吾何怨焉上甚嘉之賞賜優洽十三年卒官上悼惜久之益州父老莫不隕涕于今思之巖卒之後蜀王寬行其志漸致非法造渾天儀司南車記里鼓凡所被服擬於天子又共妃出獵以彈彈人多捕山獺以充宦者寮佐無能諫止及秀得罪上曰元巖若在吾兒豈有是乎子弘嗣仕歷給事郎可朝謁者北平太守

### 劉行本

劉行本沛人也父瓌仕梁歷職清顯行本起家武陵國常侍遇蕭脩以梁州北附遂與叔父璠同歸于周寓居京兆之新豐每以諷讀爲事精力忘疲雖衣食乏絕晏如也性剛烈有不可奪之志周大冢宰宇文護引爲中外府記室武帝親總萬機轉御正中士兼領起居注累遷掌朝下大夫周代故事天子臨軒掌朝典筆硯持至御坐則承御大夫取以進之及行本爲掌朝將進筆於帝承御復欲取之行本抗聲謂承御曰筆不可得帝驚視問之行本言於帝曰臣聞設官分職各有司存臣旣不得佩承御刀承御亦焉得取臣筆帝曰然因令二司各行所職及宣帝嗣位多失德行本切諫忤旨出爲河內太守高祖爲丞相尉相作亂進攻懷州行本率史民拒之拜儀同賜爵文安縣子及踐阼徵拜諫議大夫檢校治書侍御史未

幾遷黃門侍郎上嘗怒一郎於殿前笞之行本進曰此人素清其過又小願陛下少寬假之上不顧行本於是正當上前曰陛下不以臣不肖置臣左右臣言若是陛下安得不聽臣言若非當致之於理以明國法豈得輕臣而不顧也臣所言非私因置笏於地而退上歛容謝之遂原所笞者于時天下大同四夷內附行本以党項羌密邇封域最爲後服上表劾其使者曰臣聞南蠻遵校尉之統西域仰都護之威比見西羌鼠竊狗盜不父不子無君無臣異類殊方於斯爲下不悟羈縻之惠詎知含養之恩狼戾爲心獮詘正朔使人近至請付推科上奇其志焉雍州別駕元肇言於上曰有一州吏受人餽錢三百文依律合杖一百然臣下車之始與其爲約此吏故違請加徒一年行本駭之曰律令之行並發明詔與民約束今肇乃敢重其教命輕忽憲章欲申己言之必行忘朝廷之大信虧法取威非人臣之禮上嘉之賜絹百匹在職數年拜太子左庶子領治書如故皇太子虛襟敬憚時唐令則亦爲左庶子太子昵狎之每令以絃歌教內人行本責之曰庶子當匡太子以正道何有嬖昵房帷之間哉令則甚慙而不能改時沛國劉蕤平原明克讓魏郡陸爽並以文學爲太子所親行本怒其不能調護每謂三人曰卿等正解讀書耳時左衛率長史夏侯福爲太子所昵嘗於閣內與太子戲福大笑聲聞於外行本在時閣下聞之待其出行本數之曰殿下寬容賜汝顏色汝何物小人敢爲褻慢因付執法者治之數日太子爲福致請乃釋之太子嘗

得良馬令福乘而觀之太子甚悅因欲令行本復乘之行本不從正色而進曰至尊置臣於庶子之位者欲令輔導殿下以正道非爲殿下作弄臣也太子慙而止復以本官領大興令權貴憚其方直無敢至門者由是請託路絕法令清簡吏民懷之未幾卒官上甚傷惜之及太子廢上曰嗟乎若使劉行本在勇當不及於此無子

### 梁毗

梁毗字景和安定烏氏人也祖越魏涇豫洛三州刺史邵陽縣公父茂周滄竟二州刺史毗性剛蹇頗有學涉周武帝時舉明經累遷布憲下大夫平齊之役以毗爲行軍總管長史尅并州毗有力焉除爲別駕加儀同三司宣政中封易陽縣子邑四百戶遷武藏大夫高祖受禪進爵爲侯開皇初置御史官朝廷以毗繩正拜治書侍御史名爲稱職尋轉太興令遷雍州贊治毗旣出憲司復興京邑直道而行無所迴避頗失權貴心由是出爲西寧州刺史改封邯鄲縣侯在州十一年先是蠻夷酋長皆服金冠以金多者爲豪備由此遞相陵奪每尋干戈邊境略無寧歲毗患之後因諸酋長相率以金遺毗於是置金坐側對之慟哭而謂之曰此物饑不可食寒不可衣汝等以此相滅不可勝數今將此來欲殺我邪一無所納悉以還之於是蠻夷感悟遂不相攻擊高祖聞而善之徵爲散騎常侍大理卿處法平允時人稱之歲餘進位

上開府毗見左僕射楊素貴寵擅權百寮震懼恐爲國患因上封事曰臣聞臣無有作威福臣之作威福其害乎而家凶乎而國竊見左僕射越國公素幸遇愈重權勢日隆縉紳之徒屬其視聽忤者廢置零阿旨者膏雨冬澍榮枯由其臂吻廢興候其指麾所私皆非忠讜所進咸是親戚子弟布列畿州連縣天下無事容息異國四海稍虞必爲禍始夫姦臣擅命有漸而來王莽資之於積年桓立基之於易世而卒殄漢祀終傾晉祚季孫專魯田氏篡齊皆載典誥非臣臆說陛下若以素爲阿衡臣恐其心未必伊尹也伏願揆鑒古今量爲處置俾洪基永固率土幸甚輕犯天顏伏聽斧鑕高祖大怒命有司禁止親曰詰之毗極言曰素旣擅權寵作威作福將領之處殺戮無道又太子及蜀王罪廢之日百寮無不震悚惟素揚眉奮肘喜見容色利國家有事以爲身幸毗發言蹇蹇有誠亮之節高祖無以屈也乃釋之素白此恩寵滿衰但素任寄隆重多所折挫當時朝士無不懼伏莫有敢與相是非辭氣不撓者獨毗與柳彧及尙書右丞李綱而已後上不復專委於素蓋由察毗之言也煬帝卽位遷刑部尙書并攝御史大夫充事奏劾宇文述私役部兵帝議免述罪毗固諍因忤旨遂令張衡代爲大夫毗憂憤數月而卒帝令吏部尙書牛弘弔之贈織五百匹子敬真大業之世爲大理司直時帝欲成光祿大夫魚俱羅之鮮令敬真怡其獄遂希旨陷之極刑未幾敬真有疾見俱羅爲之厲數日而死

柳彧

柳彧字幼文河東解人也七世祖卓隨晉南遷寓居襄陽父仲禮爲梁將敗歸周復家本土彧少好學頗涉經史周大象字文護引爲中外府記室久而出爲靈州總管掾武帝親總萬機彧詣闕求試帝異之以爲司武中士轉鄜令平齊之後帝大賞從官留京者不預彧上表曰今太平告始信賞宜明酬勳報勞務先有本屠城破邑出自聖規斬將奪旗必由神略若負戈環甲征扞劬勞至於鎮撫國家宿衛爲重俱應成算非專己能留從事同功勞須等皇太子以下實有守宗廟之功昔蕭何留守茅土先於平陽穆之居中沒後猶蒙優策不勝管見奉表以聞於是留守並加汎級高祖受禪累遷尙書虞部侍郎以母憂去職未幾起爲屯田侍郎固讓弗許時制三品已上門皆列戟左僕射高頴子弘德封應國公申牒請戟彧判曰僕射之子更不異居父之戟望已列門外尊有壓卑之義子有避父之禮豈容門外旣設內閣又施事豈不行類聞而歎伏後遷治書侍御史當朝正色甚爲百寮之所敬憚上嘉其姪直謂彧曰大丈夫當立名於世無容容而已賜錢十萬米百石于時刺史多任武將類不稱職彧上表曰方今天下太平四海清澗共治百姓須任其才昔漢光武一代明哲起自布衣備知情僞與二十八將披荆棘定天下及功成之後無所職任伏見詔書以上桂國和平子爲杞州刺史其人年垂八十鍾鳴漏盡前任趙州閭於職務

政由羣小賄賂公行百姓吁嗟歌謠滿道乃云老禾不早殺餘種穰良田古人有云耕當問奴穰當問婢此言各有所能也平子弓馬武用是其所長治民蒞職非其所解至尊思治無忘寢興如謂優者尚年曰可厚賜金帛若令刺舉所損殊大臣死而後已敢不竭誠上善之平子竟免有應州刺史唐君明居母喪娶雍州長史庫狄士文之從妹妹或劾之曰臣聞天地之位既分夫婦之禮斯著君親之義生為尊卑之教攸設是以孝惟行本禮實身基自國刑家率由斯道竊以愛敬之情因心至切喪紀之重人倫所先君明鑽燧雖改在文無變忽劬勞之痛成燕爾之親昌此直緣命彼禴糝不謫不昵春秋載其將亡無禮無儀詩人欲其遘死士文贊務神州名位通顯整齊風教四方是則棄二姓之重匹違大禮之軌俄請禁錮終身以懲風俗二人竟坐得罪隋承喪亂之後風俗頽壞或多所矯正上蒸露之又見上勤於聽受百寮奏請多有煩碎因上疏諫曰臣聞自古聖帝莫過唐虞象地則天布政施化不為靈脛是謂欽明語曰天何言哉四時行焉故知人君出令誠在煩數是以舜任五臣堯諮四岳設官分職各有司存垂拱無爲天下以治所謂勞於求賢逸於任使又云天子穆穆諸侯皇皇此言君臣上下體裁有別比見四海一家萬機務廣事無大小咸關聖聽陛下留心治道無憚疲勞亦由羣官懼罪不能自決取判天旨聞奏過多乃至營造細小之事出給輕微之物一日之內酬答百司至乃日旰忘食夜分未寢動以文簿憂勞聖躬伏

願忠臣至言少減煩務以怡神爲意以養性爲懷思武王安樂之義念文王勤憂之理若其經國大事非臣下裁斷者伏願詳決自餘細務責成所司則聖體盡無疆之壽臣下蒙覆育之賜也上覽而嘉之後以忤旨免未幾復令視事因謂或曰無改爾心以其家貧勅有司爲之築宅因曰柳或正直士國之寶也其兄重如此右僕射楊素當塗顯貴百寮懼憚無敢忤者嘗以少譴勅送南臺素恃貴坐或牀或從外來見素如此於階下端笏整容謂素曰奉勅治公之罪素遽下或據案而坐立素於庭辯詰事狀素由是銜之或時方爲上所信任故素未有以中之或見近代以來都邑百姓每至正月十五日作角抵之戲遞相誇競至於糜費財力上奏請禁絕之曰臣聞昔者明主訓民治國率履法度動由禮典非法不服非道不行道路不同男女有別防其邪僻納諸軌度竊見京邑爰見外州每以正月望夜充街塞陌聚戲朋遊鳴鼓聒天燎炬照地人戴獸面男爲女服倡優雜技詭狀異形以穢嫚爲歡娛用鄙褻爲笑樂內外共觀曾不相避高棚跨路廣幕凌雲絃服靚粧車馬填噎肴醢肆陳綵竹繁會竭貲破產競此一時盡室并舉無問貴賤男女混雜繙素不分穢行因此而生盜賊由斯而起浸以成俗實有由來因循敝風曾無先覺非益於化實損於民請頒行天下並卽禁斷康哉雅頌足美盛德之形容鼓腹行歌自表無爲之至樂敢有犯者請以故違勅論詔可其奏是歲持節巡省河北五十二州奏免長吏臧污不稱職者二百餘人州縣肅



然莫不震懼上嘉之賜絹布二百匹氈三十領拜儀同三司歲餘加員外散騎常侍治書如故仁壽初復持節巡省太原道十九州及還賜絹百五十匹或嘗得博陵李文博所撰治道集十卷蜀王秀遣人求之或送之於秀秀復賜或奴婢十口及秀得罪楊素奏或以內臣交通諸侯除名爲民配戍懷遠鎮行達高陽有詔徵還至晉陽值漢王諒作亂遣使馳召或將與計事或爲使所逼初不知諒反將入城而諒反形已露或度不得免遂詐中惡不食自稱危篤諒怒囚之及諒敗楊素奏或心懷兩端以候事變逆雖反心實同逆坐徙敦煌楊素卒後乃自申理有詔徵還京師卒於道有子紹爲介休令

### 趙綽

趙綽河東人也性質直剛毅在周初爲天官府史以恭謹恪勤擢授夏官府下士稍以明幹見知累遷內史中士父艱去職哀毀骨立世稱其孝既免喪又爲掌教中士高祖爲丞相知其清正引爲錄事參軍尋遷掌朝大夫從行軍總管是云暉擊叛蠻以功拜儀同賜物千段高祖受禪授大理丞盧法平九考績連最轉大理正尋遷尙書都官侍郎未幾轉刑部侍郎治梁士彥等獄賜物三百段奴婢十口馬二十四匹每有奏讞正色侃然上嘉之漸見親重上以盜賊不禁將重其法綽進諫曰陛下行堯舜之道多在寬宥況律者天下之大信其可失乎上忻然納之因謂綽曰若更有聞見宜數陳之也遷大理少卿故陳將蕭摩

訶其子世略在江南作亂摩訶當從坐上曰世略年未二十亦何能爲以其名將之子爲人所逼耳因赦摩訶綽固諫不可上不能奪欲綽去而赦之固命綽退食綽曰臣奏獄未決不敢退朝上曰大理其爲朕特赦摩訶也因命左右釋之刑部侍郎辛亶嘗衣緋禪俗云利於官上以爲厭蠱將斬之綽曰據法不當死臣不敢奉詔上怒甚謂綽曰卿惜辛亶而不自惜也命左僕射高潁將綽殺之綽曰陛下寧可殺臣不得殺辛亶至朝堂解衣當斬上使人謂綽曰竟何如對曰執法一心不敢惜死上拂衣而入良久乃釋之明日謝綽勞勉之賜物三百段時上禁行惡錢有二人在市以惡錢易好者武侯執以聞上令悉斬之綽進諫曰此人坐當杖殺之非法上曰不關卿事綽曰陛下不以臣愚暗置在法司欲妄殺人豈得不關臣事上曰撼大木不動者當退對曰臣望感天心何論動木上復曰吸羹者熱則置之天子之威欲相挫耶綽拜而益前訶之不肯退上遂入治書侍御史柳或復上奏切諫上乃止上以綽有誠直之心每引入閣中或遇上與皇后同榻卽呼綽坐評論得失前後賞賜萬計其後進位開府贈其父爲蔡州刺史時河東薛冑爲大理卿俱名平恕然冑斷獄以情而綽守法俱爲稱職上每謂綽曰朕於卿無所愛惜但卿骨相不當貴耳仁壽中卒官時年六十三上爲之流涕中使弔祭鴻臚監護喪事有二子元方元襲

裴肅字神封河東聞喜人也父俠周民部大夫肅少剛正有局度少與安定梁毗同志友善仕周釋褐給事中士累遷御正下大夫以行軍長史從韋孝寬征淮南屬高祖爲丞相肅聞而歎曰武帝以雄才大合墳土未乾而一朝遷革豈天道歟高祖聞之甚不悅由是廢于家開皇五年授膳部侍郎後二歲遷湖州總管長史轉貝州長史俱有能名仁壽中肅見皇太子勇蜀王秀左僕射高穎俱廢黜遣使上書曰聞事君之道有犯無隱愚情所懷敢不聞奏竊是高穎以天挺良才元勳佐命陛下光寵亦已優隆但鬼瞰高明世疵俊異側目求其長短者豈可勝道哉願陛下錄其大功忘其小過臣又聞之古先聖帝教而不誅陛下至慈度越前聖二庶人得罪已久寧無革心願陛下弘君父之慈顧天性之義各封小國觀其所爲若能遷善漸更增益如或不悛貶削非晚今者自新之路永絕愧悔之心莫見豈不哀哉書奏上謂楊素曰裴肅憂我家事此亦至誠也於是徵肅入朝皇太子聞之謂左庶子張衡曰使勇自新欲何爲也衡曰觀肅之意欲令如吳大伯漢東海王耳皇太子甚不悅頃之肅至京師見上于含章殿上謂肅曰吾貴爲天子富有四海後宮寵幸不過數人自勇以下並皆同母非爲憎愛輕事廢立因言勇不可復收之意旣而罷遣之未幾上崩煬帝嗣位不得調者久之肅亦杜門不出後執政者以嶺表荒遐遂拜授肅永平郡丞甚得民夷心歲餘卒時年六十二夷獠思之爲立廟於鄞江之浦有子尙賢

史臣曰猛獸之處山林藜藿爲之不採正臣之立朝廷姦邪爲之折謀皆志在匪躬義形于色豈惟綱紀  
由其隆替抑亦社稷繫以存亡者也晉蜀二王之愛子擅以權寵莫拘憲令求其恭肅不亦難乎元巖  
王韶任當彼相並見巖憚莫敢爲非謬誇之風有足稱矣行本正色於房陵梁毗抗言於楊素直辭鯁氣  
懷爲可想趙綽之居大理圜無冤柳彧之處憲臺姦邪自肅然不畏疆禦梁毗其有焉邦之司直行本  
柳彧近之矣裴肅朝不坐宴不預忠誠慷慨犯忤龍鱗固知嫠婦憂宗周之亡處女悲太子之少非徒語  
也方諸前載有閭墓之風焉

唐 特 進 臣 魏 徵 上

列傳第二十八

樊子蓋

樊子蓋字華宗廬江人也祖道則梁越州刺史父儒侯景之亂奔于齊官至仁州刺史子蓋解褐武興王行參軍出爲慎縣令東汝北陳二郡太守員外散騎常侍封富陽縣侯邑五百戶周武帝平齊授儀同三司治郢州刺史高祖受禪以儀同領鄉兵後除樅陽太守平陳之役以功加上開府改封上蔡縣伯食邑七百戶賜物三千段粟九千斛拜辰州刺史俄轉嵩州刺史母憂去職未幾起授齊州刺史固辭不許其年轉循州總管許以便宜從事十八年入朝奏嶺南地圖賜以良馬雜物加統四州令還任所道光祿少卿柳謩之餞於霸上煬帝卽位徵還京師轉涼州刺史子蓋言於帝曰臣一居嶺表十載於茲犬馬之情不勝戀戀願趨走闕庭萬死無恨帝賜物三百段慰諭遣之授銀青光祿大夫武威太守以善政聞大業三年入朝帝引之內殿特蒙褒美乃下詔曰設官之道必在用賢安人之術莫如善政興汲振德化於前張杜垂清風於後共治天下實資良守子蓋幹局通敏操履清潔自剖符四服愛惠爲先撫道有方實堪

乾隆四年校刊

隋書卷六十三列傳

得所處脂膏不潤其質酌食泉豈渝其性故能治績克彰課最之首凡厥在位莫匪王臣若能人思奉職  
各履其効朕將冕旒垂拱何憂不治哉於是進位金紫光祿大夫賜物千段太守如故五年車駕西巡將  
入吐谷渾子蓋以彼多瘴氣獻青木香以禦霧露及帝還謂之曰人道公清定如此不子蓋謝曰臣安敢  
言清止是小心不敢納賄耳由此賜之口味百餘斛又下詔曰導德齊禮寔惟共治懲惡勸善用明黜陟  
朕親巡河右觀省人風所歷郡縣訪採治績罕遵法度多蹈刑網而金紫光祿大夫武威太守樊子蓋執  
操清潔處涅不渝立身雅正臨人以簡威惠兼舉寬猛相資故能畏而愛之不嚴斯治實字人之盛績有  
國之良巨宜加褒顯以弘獎勵可右光祿大夫太守如故賜縑千匹粟麥二千斛子蓋又自陳曰臣自南  
高即適西垂常爲外臣未居內職不得陪屬車奉丹陛溘死邊城沒有遺恨惟陛下察之帝曰公侍朕則  
一人而已委以西方則萬人之敵宜識此心六年帝避暑隴川宮又云欲幸河西子蓋傾望鑿輿願巡郡  
境帝知之下詔曰卿夙懷恭順深執誠心聞朕西巡欣然望幸丹欸之至甚有可嘉宜保此純誠克終其  
美是歲朝於江都宮帝謂之曰富貴不還故鄉真衣繡夜行耳勅廬江郡設三千人會賜米麥六千石使  
勳積慕寡故老當時榮之還除民部尙書時處羅可汗及高昌王歙塞復以子蓋檢校武威太守應接二  
蕃遼東之役徵擲左武衛將軍出長岑道後以宿衛不行進授左光祿大夫尙書如故其年帝還東都以

子蓋爲涿郡留守九年車駕復幸遼東命子蓋爲東都留守屬楊玄感作逆來逼王城子蓋遣河南賀治  
裴弘策逆擊之返爲所敗遂斬弘策以狷國子祭酒楊汪小有不恭子蓋又將斬之汪拜謝頓首流血久  
乃釋免於是三軍莫不戰慄將吏無敢仰視玄感每盡銳攻城子蓋徐設備禦至輒摧破故久不能克會  
來護兒等救至玄感解去子蓋凡所誅殺者數萬人又檢校河南內史車駕至高陽追詣行在所旣而引  
見帝逆勞之曰昔高祖留蕭何於關西光武委寇恂以河內公其人也子蓋謝曰臣任重器小盜可竊譬  
兩賢但以陛下威靈小盜不足除耳進位光祿大夫封建安侯尙書如故賜緡三千匹女樂五十人子蓋  
固讓優詔不許帝顧謂子蓋曰朕遣越王留守東都示以皇枝盤石社稷大事終以委公特宜持重戈甲  
五百人而後出此亦勇夫重閉之義也無賴不軌者便誅鋤之凡可施行無勢形迹今爲公別造玉麟符  
以代銅獸又指越代二王曰今以二孫委公與衛文昇耳宜選貞良宿德有方幅者教習之助靜之節宜  
思其可於是賜以良田甲第十年冬車駕還東都帝謂子蓋曰玄感之反神明故以彰公赤心耳析珪進  
爵宜有令謨是日下詔進爵爲濟公言其功濟天下特爲立名無此郡國也賜緡三千匹奴婢二十口後  
與蘇威宇文述陪宴積翠亭帝親以金杯屬子蓋酒曰良算嘉謀俟公後動卽以此杯賜公用爲永年之  
瑞并綺羅百匹十一年從駕汾陽宮至于鴈門車駕爲突厥所圍頗戰不利帝欲以精騎潰圍而出子蓋

諫曰陛下萬乘之主豈宜輕脫一朝狼狽雖悔不追未若守城以挫其銳四面徵兵可立而待陛下亦何所慮乃欲身自突圍因垂泣願整停遼東之役以慰眾望聖躬親出慰撫厚爲勳格人心自奮不足爲憂帝從之其後援兵稍至虜乃引去納言蘇威追論勳格太重宜在斛酌子蓋執奏不宜失信帝曰公欲收物情邪子蓋默然不敢對從駕還東都時絳郡賊敬榮陀柴保昌等阻兵數萬汾晉苦之詔令子蓋進討于時人物殷阜子蓋善惡無所分別汾水之北村塢盡焚之百姓大駭相率爲盜其有歸首者無少長悉坑之擁數萬之衆經年不能破賊有詔徵還又將兵擊宜陽賊以疾停卒于京第時年七十有二悲傷者久之顧謂黃門侍郎裴矩曰子蓋臨終有何語矩對曰子蓋病篤深恨鴈門之耻帝聞而歎息令百官就弔賜縑三百匹米五百斛贈開府儀同三司諡曰景會葬者萬餘人武威民吏聞其死莫不嗟痛立碑頌德子蓋無佗權略在軍持重未嘗負敗臨民明察下莫敢欺然嚴酷少恩果於殺戮臨終之日見斷頭鬼前後重沓爲之厲云

史祥

史祥字世休朔方人也父靈周少司徒祥少有文武才幹仕周太子車右中士襲爵武遂縣公高祖踐昨拜儀同領交州事進爵陽城郡公祥在州頗有惠政後數年轉驃騎將軍伐陳之役從宜陽公王世積以



舟師出九江道先鋒與陳人合戰破之進拔江州上聞而大悅下詔曰朕以圖志重世有能並授是公耳  
故命諸軍救彼塗炭小寇狼狽顧恃江湖之險遂敢汎舟楫擬抗王師公親率所部應機奮擊沉溺俘獲  
厥功甚茂又聞帥旅進取江州行軍總管襄邑公賀若弼既獲京口新義公韓擒孫越姑熟驍騎既渡江  
岸所在橫行晉王兵馬卽入建業清蕩吳越旦夕非遠驃騎高才壯志是朕所知嘗爲經略以取大賞使  
富貴功名永垂竹帛也進位上開府尋拜斬州總管未幾徵拜左領軍右將軍後以行軍總管從晉王廣  
擊突厥於靈武破之遷右衛將軍仁壽中率兵屯弘化以備胡煬帝時在東宮遺詩書曰將軍總戎塞表  
胡虜清塵秣馬休兵猶事校獵足使李廣慙勇魏尙媿能冠彼二賢獨在吾子昔余濫舉推戴治兵振皇  
靈於塞外驅犬羊乎大漠于時同行軍旅契闊戎旄望龍城而衝冠眄狼居而發憤將軍英圖不世猛氣  
無前但物不遂心僮僂從事每一思此我勞如何將軍宿心素志早同膠漆久而敬之方成魚水况者陪  
隨鑿駕言旋上京本卽述職南蕃宣條下國不悟皇鑿曲發備位少陽戰戰兢兢如臨冰谷至如建節邊  
境征伐四方褰帷作牧綏撫百姓上稟成規下盡臣節是所願也是所甘心仰慕前修庶得由效謬其入  
守神器元良萬國身輕負重何以克堪所望故人匡其不逮比監國多暇養疾閉宮感北閣之端居罷南  
皮之馳射博望之苑旣乏名賢飛蓋之園理乖終宴親朋遠矣琴書寂然想望吾賢疾如疾首祥符書曰

行人戾止奉所賜况恩紀綢繆形於文墨不悟飛雪增冰之地忽載三陽毳帳章韞之鄉俄聞九奏精駭  
思越莫知敢處祥少不學軍旅長遇升平幸以先人緒餘備職宿衛懼驚靈無致遠之用朽薄非折衝之  
材豈欲追蹤古人語其優劣曩者王師薄伐天人受服絕漠揚旌威震海外當此之時猛將如雲謀夫如  
雨至若祥者列於卒伍預聞指蹤之規得免逗遛之責循涯揣分實爲幸甚爰以情喻雷陳事方劉葛信  
聖人之屈己非庸人之擬議何則川澤之大汗潦攸歸松柏之高蔦蘿斯託微心眷眷孟侯所知也仰惟  
體元良之德煥重離之暉三善克修萬邦以正斯固道高周誦契叶商皓豈在管蠶所能窺測伏承監國  
多暇養德怡神咀嚼六經逍遙百氏追西園之愛客眷南皮之出遊疇昔之恩無忘造次祥自忝式遏載  
懼寒暑身在邊隅情馳魏闕每至清風夕起朗月孤照想鳴葭之啟路思託乘於後車塞表京華山川悠  
遠瞻望浮雲伏增嚮結太子甚親遇之煬帝卽位漢王諒發兵作亂遣其將葦良自滏口徇黎陽塞白馬  
津余公理自太行下河內帝以祥爲行軍總管軍於河陰久不得濟祥謂軍吏曰余公理輕而無謀才用  
素不足稱又新得志謂其衆可恃恃衆必驕且河北人先不習兵所謂擁市人而戰以吾籌之不足圖也  
乃令軍中修攻具公理使諜知之果屯兵於河陽內城以備祥祥於是艤船南岸公理聚甲以當之祥乃  
簡精銳於下流潛渡公理率衆拒之東趣黎陽討葦良等良列陣以待兵未接良棄軍而走於是其衆大

潰祥繼兵乘之殺萬餘人進位上大將軍賜繅綵七千段女妓十人良馬二十四轉太僕卿帝嘗賜祥詩曰伯斐朝寄重夏侯親遇深貴耳唯聞古賤目詎知今早擲勁草質久有背淮心掃逆黎山外振旗河之陰功已書王府留情太僕箴祥上表辭謝帝降手詔曰昔歲勞公問罪河朔賊爾日塞兩關之路據倉阻河百姓脅從人亦衆矣公竭誠奮勇一舉剋定詩不云乎喪亂旣平旣安且寧非英才大略其孰能與於此邪故聊示所懷亦何謝也尋遷鴻臚卿時突厥啟民可汗請朝帝遣祥迎接之從征吐谷渾祥率衆出間道擊虜破之俘男女千餘口賜奴婢六十人馬二百匹進位左光祿大夫拜左驍衛將軍及遼東之役出蹋頓道不利而還由是除名爲民俄拜燕郡太守被賊高開道所圍祥稱疾不視事及城陷開道甚禮之會開道與羅藝通和送祥於涿郡卒於塗有子義隆永年令祥兄雲字世高弟威字世武並有幹局雲官至萊州刺史武平縣公威官至武賁郎將武當縣公

### 元壽

元壽字長壽河南洛陽人也祖敦魏侍中邵陵王父寶周涼州刺史壽少孤性仁孝九歲喪父哀毀骨立宗族鄉黨咸異之事母以孝聞及長方直頗涉經史周武成初封隆城縣侯邑千戶保定四年改封儀隴縣侯授儀同三司開皇初議伐陳以壽有思理奉使於淮浦監修船艦以強濟見稱四年參督漕渠之役

授尙書主爵侍郎八年從晉王伐陳除行臺左丞兼領元帥府屬及平陳拜尙書左丞高祖嘗出苑觀射  
文武並從爲開府蕭摩訶妻患且死奏請遣子向江南收其家產御史見而不言壽奏劾之曰臣聞天道  
不言功成四序聖皇垂拱任在百司御史之官義存糾察直繩莫舉憲典誰寄今月五日變輿徙蹕親臨  
射苑開府儀同三司蕭摩訶率朝行預觀盛禮奏稱請遣子世略暫住江南重收家產妻安遇患彌留  
有日安若長逝世略不合此行竊以人倫之義伉儷爲重資愛之道烏烏弗虧摩訶寔念資財近忘匹好  
又命其子捨危懼之母爲聚斂之行一言纔發名教頓盡而兼殿內侍御史臣韓微之等親所聞見竟不  
彈糾若知非不舉事涉阿縱如不以爲非豈關理識謹按儀同三司太子左庶子檢校治書侍御史臣劉  
行本出入宮省備蒙任遇攝職憲臺時月稍久庶能整肅纓冕澄清風教而在法司虧失憲體瓶罄鼎恥  
何所逃愆臣謬膺朝寄忝居左轄無容寢嘿謹以狀聞其行本微之等請付大理上嘉納之尋授太常少  
卿數年拜基州刺史在任有公廉之稱入爲太府少卿進位開府煬帝嗣位漢王諒舉兵反左僕射楊素  
爲行軍元帥壽爲長史壽每遇賊爲士卒先以功授大將軍遷太府卿四年拜內史令從帝西討吐谷渾  
壽率衆屯金山東西連營三百餘里以圍渾主及還拜右光祿大夫七年兼左翊衛將軍從征遼東行至  
涿郡遇疾卒時年六十三帝悼惜焉哭之甚慟贈尙書右僕射光祿大夫諡曰景子敏頗有才辯而輕險

多詐壽卒後帝追思之擢敏爲守內史舍人而交通博徒數漏泄省中語化及之反也敏創其謀僞授內史侍郎爲沈光所殺

### 楊義臣

楊義臣代人也本姓尉遲氏父崇仕周爲儀同大將軍以兵鎮恆山時高祖甚親待之及爲丞相尉遲作亂崇以宗族之故自囚於獄遣使請罪高祖下書慰諭之卽令馳驛入朝恆置左右開皇初封柰畝縣公歲餘從行軍總管達奚長儒擊突厥於周盤力戰而死贈大將軍豫州刺史以義臣襲崇官爵時義臣尚幼養於宮中年未弱冠奉詔宿衛如千牛者數年賞賜甚厚上嘗從容言及恩舊顧義臣嗟歎久之因下詔曰朕受命之初羣凶未定明識之士有足可懷尉義臣與尉迴本同骨肉旣狂悖作亂鄴城其父崇時在常山典司兵甲與迴鄰接又是至親知逆順之理識天人之意卽陳丹欸慮梁惡徒自執有司請歸相府及北夷內侵橫戈制敵輕生重義馬革言旋操表存亡事貫幽顯雖高官大賞延及於世未足表松筠之志彰節義之門義臣可賜姓楊氏賜錢三萬貫酒三十斛米麥各百斛編之屬籍爲皇太孫末幾拜陝州刺史義臣性謹厚能馳射有將領之才由是上甚重之其後突厥達頭可汗犯塞以行軍總管率步騎三萬出白道與賊遇戰大破之明年突厥又寇邊廂門馬邑多被其患義臣擊之虜遂出塞因而追之至

大斤山與虜相遇時太平公史萬歲軍亦至義臣與萬歲合軍擊虜大破之萬歲爲楊素所陷而死義臣功竟不錄仁壽初拜朔州總管賜以御甲煬帝嗣位漢王謀作亂并州時代州總管李景爲漢王將喬鍾葵所圍詔義臣救之義臣率馬步二萬夜出西陘遲明行數十里鍾葵覘見義臣兵少悉衆拒之鍾葵亞將王拔驍勇善用稍射之者不能中每以數騎陷陳義臣患之募能當拔者車騎將軍楊思恩請當之義臣見思恩氣貌雄勇顧之曰壯士也賜以卮酒思恩望見拔立於陳後投觴於地策馬赴之再往不尅義臣復選騎士十餘人從之思恩遂突擊殺數人直至拔麾下短兵方接所從騎士退思恩爲拔所殺拔遂乘之義臣軍北者十餘里於是購得思恩屍義臣哭之甚慟三軍莫不下泣所從騎士皆腰斬義臣自以兵少悉取軍中牛驢得數千頭復令兵數百人持一鼓潛驅之澗谷間出其不意義臣晡後復與鍾葵軍戰兵初合命驅牛驢者疾進一時鳴鼓塵埃張天鍾葵軍不知以爲伏兵發因而大潰縱擊破之以功進位上大將軍賜物二千段雜綵五百段女妓十人良馬二十四匹尋授相州刺史後三歲徵爲宗正卿未幾轉太僕卿從征吐谷渾令義臣屯琵琶峽連營八十里南接元壽北連段文振合圍渾主於覆袁川其後復征遼東以軍將指肅慎道至鴨綠水與乙支文德戰每爲先鋒一日七捷後與諸軍俱敗竟坐免俄而復位明年以爲軍副與大將軍宇文述趣平壤至鴨綠水會楊玄感作亂班師檢校趙郡太守妖賊向

海公聚眾作亂寇扶風安定間義臣奉詔擊平之尋從帝復征遼東進位左光祿大夫時渤海高士連濟河張金稱並相聚爲盜眾已數萬攻陷郡縣帝遣將軍段達討之不能尅詔義臣率遼東遺兵數萬擊之大破士達斬金稱又收合降賊入豆子酈討格謙擒之以狀聞奏帝惡其威名遽追入朝賊由是復盛義臣以功進位光祿大夫尋拜禮部尙書未幾卒官

### 衛玄

衛玄字文昇河南洛陽人也祖悅魏司農卿父擲侍中左武衛大將軍玄少有器識周武帝在蕃引爲館室遷給事上士龔爵興勢公食邑四千戶轉宣納下大夫武帝親總萬機拜益州總管長史賜以萬釘寶帶稍遷開府儀同三司太府中大夫治內史事仍領京兆尹稱爲強濟宣帝時以忤旨免官高祖作相檢校熊州事和州蠻反玄以行軍總管擊平之及高祖受禪遷淮州總管進封同軌郡公坐事免未幾拜鳳州刺史會起長城之役詔玄監督之俄檢校朔州總管事後爲衛尉少卿仁壽初山獠作亂出爲貞州刺史以鎮撫之玄旣到官時獠攻圍大牢鎮玄單騎造其營謂羣獠曰我是刺史銜天子詔安養汝等勿驚懼也諸賊莫敢動於是說以利害渠帥感悅解兵而去前後歸附者十餘萬口高祖大悅賜繒二千匹除遂州總管仍令劍南安撫煬帝卽位復徵爲衛尉卿夷獠攀戀數百里不絕玄曉之曰天子詔徵不可久

仕因與之訣夷獫狁各揮涕而去歲餘遷工部尙書其後拜魏郡太守尙書如故帝謂玄曰魏郡名都衝要之所民多姦究是用煩公此郡去都道理非遠宜數往來詢謀朝政賜物五百段而遣之未幾拜右候衛大將軍檢校左候衛事大業八年轉刑部尙書遼東之役檢校右禦衛大將軍率師出增地道時諸軍多不利玄獨全衆而還拜金紫光祿大夫九年車駕幸遼東使玄與代王侑留守京師拜爲京兆內史尙書如故許以便宜從事勅代王待以師傅之禮會楊玄感圍逼東都玄率步騎七萬援之至華陰掘楊素冢焚其骸骨夷其塋域示士卒以必死既出潼關議者恐隋函有伏兵請於陝縣沿流東下直趣河陽以攻其背玄曰以吾度之此計非豎子所及於是鼓行而進既度函谷卒如所量於是遣武賁郎將張峻爲疑軍於南道玄以大兵直趣城北玄感逆拒之且戰且行屯軍金谷於軍中掃地而祭高祖曰刑部尙書京兆內史臣衛文昇敢昭告于高祖文皇帝之靈自皇家啟運三十餘年武功文德漸被海外楊玄感孤負靈恩躬爲虺豕蜂飛蟻聚犯我王略臣二世受恩一心事主董率熊羆志梟兇逆若社稷靈長宜令醜徒冰碎如或大運去矣幸使老臣先死詞氣抑揚三軍莫不涕咽時衆寡不敵與賊頻戰不利死傷大半玄感靈銳來攻玄苦戰賊稍却進屯北芒會宇文述來護兒等援兵至玄感懼而西逝玄遣通議大夫斛斯萬善監門直閹龐玉前鋒追之及于闕鄉與宇文述等合擊破之車駕至高陽徵詣行在所帝勞之曰社



稷之臣也使朕無西顧之憂乃下詔曰近者妖氛充斥擾動關河文昇率勵義勇應機響應破兇醜宜升榮命式弘賞典可右光祿大夫賜以良田甲第資物鉅萬還鎮京師帝謂之曰關右之任一委於公安社稷乃安公危社稷亦危出入須有兵衛坐臥恆宜自牢勇夫重閉此其義也今特給千兵以充侍從賜以玉麟符十一年詔玄安撫關中時盜賊蜂起百姓饑饉玄竟不能救恤而官方壞亂貨賄公行玄自以年老上表乞骸骨帝使內史舍人封德彝馳諭之曰京師國本王業所基宗廟園陵所在藉公耆舊臥以鎮之朕爲國計義無相許故遣德彝口陳指意玄乃止義師入關自知不能守憂懼稱疾不知政事城陷歸于家義寧中卒時年七十七子孝則官至通事舍人兵部承務郎早卒

### 劉權

劉權字世略彭城豐人也祖軌齊羅州刺史權少有俠氣重然諾藏亡匿死吏不敢過門後更折節好學動循法度初爲州主簿仕齊釋褐奉朝請行臺郎中及齊滅周武帝以爲假淮州刺史高祖受禪以申騎將軍領鄉兵後從晉王廣平陳以功進授開府儀同三司賜物三千段宋國公賀若弼甚禮之開皇十二年拜蘇州刺史賜爵宗城縣公于時江南初平物情尙擾權撫以恩信甚得民和煬帝嗣位拜衛尉卿進位銀青光祿大夫大業五年從征吐谷渾權率衆出伊吾道與賊相遇擊走之逐北至青海虜獲千餘口

乘勝至伏俟城帝復令權過曼頭赤水置河源郡積石鎮大開屯田留鎮西境在邊五載諸羌懷附貢賦  
歲入吐谷渾餘燼遠遜道路無壅徵拜司農卿加位金紫光祿大夫尋爲南海太守行至鄯陽會羣盜起  
不得進詔令權召募討之權率兵與賊相遇不與戰先乘單舸詣賊營說以利害羣賊感悅一時降附帝  
聞而嘉之既至南海甚有異政數歲遇盜賊羣起數來攻郡豪帥多願推權爲首權竟盡力固守以拒之  
子世微又密遣人齎書詣權稱四方擾亂英雄並起時不可失諷令舉兵權召集寮對斬其使竟無異  
圖守之以死卒官時年七十世微倜儻不羈頗爲時人所許大業末羣雄並起世微所至之處輒爲所忌  
多拘禁之後竟爲兗州賊帥徐圓朗所殺權從父烈字子將美容儀有器局官至鷹揚郎將有子德威知

### 名於世

史臣曰子蓋雅有幹局質性嚴敏見義而勇臨機能斷保全都邑勤亦懋哉楊諒干紀史祥著獨克之効  
羣盜侵擾義臣致三捷之功此皆名重當年聲流後業者也元壽彈奏行本有意存夫名教然其計功稱  
侯猶居義臣之後端揆之贈不已優乎文昇東都解圍頗亦宣力西京居守政以賄成鄙哉鄙哉夫何足  
勳劉權淮楚舊族早著雄名屬擾攘之辰居尉佗之地遂能拒子邪計無所覬覦雖謝勤王之謀足爲守

### 節之士矣

乾隆四年校刊

隋書卷六十三列傳

八

隋書卷六十三

樊子蓋傳又收合降賊入豆子酖討格謙擒之以狀聞奏帝惡其威名遽追入朝賊由是復盛○

臣映斗

按此格謙已爲楊義臣所擒而王充傳又載馱次人格謙爲盜數年兵十餘萬在豆子酖中充帥師破斬之威振羣賊云云同一格謙在豆子酖中兩傳所載互異詎因楊義臣被追入朝格謙乘間逸去賊由是復盛後爲王充破斬耶元本酖訛酖按水經注膠水北歷土山山悉鹽坑箋曰坑當作酖或訛作酖省作坑又作酖並非又元本討訛詩南監本討格謙訛作將格殺今並從北史正之

四庫全書  
卷六十三  
三行  
五

唐 特 進 臣 魏 徵 上

列傳第二十九

李圓通

李圓通京兆涇陽人也父景以軍士隸武元皇帝因與家僮黑女私生圓通景不之認由是孤賤給使高祖家及為隋國公擢授參軍事初高祖少時每燕賓客恆令圓通監廚圓通性嚴整左右婢僕咸所敬懼唯世子乳母恃寵輕之賓客未供每有干請圓通不許或輒持去圓通大怒叱廚人撻之數十叫呼之聲徹於閭內僚吏左右代其失色賓去之後高祖具知之召圓通命坐賜食從此獨善之以為堪當大任高祖作相賜封懷昌男久之授帥都督進爵新安子委以心膂圓通多力勁捷長於武用周氏諸王素憚高祖每伺高祖之隙圖為不利賴圓通保護獲免者數矣高祖深感之由是參預政事授相國外兵曹仍領左親信尋授上儀同高祖受禪拜內史侍郎領左衛長史進爵為伯歷左右庶子給事黃門侍郎尚書左丞攝刑部尚書深被任信後以左丞領左翊衛驃騎將軍伐陳之役圓通以行軍總管從楊素出信州道以功進位大將軍進封萬安縣侯拜揚州總管長史尋轉并州總管長史秦孝王仁柔自善少斷決府中

事多決於圓通入爲司農卿治粟內史遷刑部尙書後數歲復爲并州長史孝王以奢侈得罪圓通亦坐免官尋檢校刑部尙書事仁壽中以勳舊進爵郡公煬帝嗣位拜兵部尙書帝幸揚州以圓通留守京師判宇文述田以還民述訴其受賂帝怒而徵之見帝於雒陽坐是免官圓通憂懼發疾而卒贈柱國封爵悉如故子孝常大業末爲華陰令

### 陳茂

陳茂河東猗氏人也家世寒微質直恭謹爲州里所敬高祖爲隋國公引爲寮佐遇待與圓通等每令典家事未嘗不稱旨高祖善之後從高祖與齊師戰于晉州賊甚盛高祖將挑戰茂固止不得因捉馬鞚高祖忿之拔刀斫其額流血被面詞氣不撓高祖感而謝之厚加禮敬其後官至上士高祖爲丞相委以心膂及受禪拜給事黃門侍郎封魏城縣男每典機密在官十餘年轉益州總管司馬遷太府卿進爵爲伯後數載卒官子政嗣政字弘道儻有文武大略善鍾律便弓馬少養宮中年十七爲太子千牛備身時京師大俠劉居士重政才氣數從之遊圓通子孝常與政相善並與居士交結及居士下獄誅政及孝常常從坐上以功臣子撻之二百而赦之由是不得調煬帝時授協律郎遷通事謁者兵曹承務郎帝美其才甚重之宇文化及之亂也以爲太常卿後歸大唐卒於梁州總管



張定和

張定和字處謚京兆萬年人也少貧賤有志節初爲侍官會平陳之役定和當從征無以自給其妻有媿時衣服定和將鬻之妻斬固不與定和於是遂行以功拜儀同賜帛千匹遂棄其妻是後數以軍功加上開府驍騎將軍從上桂國李充擊突厥先登陷陣虜刺之中頸定和以草塞瘡而戰神氣自若虜遂敗走上聞而壯之遣使者齎藥馳詣定和所勞問之進位桂國封武安縣侯賞物二千段良馬二匹金百兩煬帝嗣位拜宜州刺史尋轉河內太守頗有惠政歲餘徵拜左屯衛大將軍從帝征吐谷渾至覆袁川時吐谷渾主與數騎而遁其名王詐爲渾主保軍我真山帝命定和率師擊之旣與賊相遇輕其衆少呼之令降賊不肯下定和不被甲挺身登山賊伏兵於巖谷之下發矢中之而斃其亞將柳武建擊賊悉斬之帝爲流涕贈光祿大夫時舊爵例除於是復封武安侯謚曰壯武贈絹千匹米千石子世立嗣尋拜爲光祿大夫

張齋

張齋字文懿自云清河人也家於淮陰好讀兵書尤便刀楯周世鄉人郭子翼密引陳寇彌父雙欲率子弟擊之猶豫未決齋贊成其謀竟以破賊由是以勇決知名起家州主簿高祖作相授大都督領鄉兵

若弼之鎮壽春也恆爲間諜平陳之役頗有功焉進位開府儀同三司封文安縣子邑八百戶賜物二千五百段粟二千五百石歲餘率水軍破逆賊笮子游於京口薛子建於和州徵入朝拜大將軍高祖命升御坐而宴之謂弼曰卿可爲朕兒朕爲卿父今日聚集示無外也其後賜綺羅千匹綠沉甲獸文具裝尋從楊素征江表別破高智惠於會稽吳世華於臨海進位上大將軍賜奴婢六十口縑綵二百匹厯撫顯齊三州刺史俱有能名開皇十八年爲行軍總管從漢王諒征遼東諸軍多物故滄衆獨全高祖善之賜物二百五十段仁壽中遷潭州總管在職三年卒有子孝廉

### 麥鐵杖

麥鐵杖始興人也驍勇有膂力日行五百里走及奔馬性疎誕使酒好交遊重信義每以漁獵爲事不治產業陳大建中結聚爲羣盜廣州刺史歐陽頎俘之以獻沒爲官戶配執御傘每罷朝後行百餘里夜至南徐州踰城而入行火光劫盜巨暹及時仍又執傘如此者十餘度物主識之州以狀奏朝士見鐵杖每巨恆在不之信也後數告變尙書蔡徵曰此可驗耳於仗下時贖以百金求人送詔書與南徐州刺史鐵杖出應募齎勅而往明旦及奏事帝曰信然爲盜明矣惜其勇捷誠而釋之陳亡後徙居清流縣遇江東反楊素遣鐵杖頭戴草束夜浮渡江覘賊中消息具知還報後復更往爲賊所擒逆帥李稜遣兵仗三十

人衛之縛送高智慧行至慶亭衛者慙食哀其餒解手以給其餐鐵杖取賊刀亂斬衛者殺之皆盡悉劫其鼻懷之以歸素大奇之後敘戰勳不及鐵杖遇素馳驛歸于京師鐵杖步追之每夜則同宿素見而悟特奏授儀同三司以不識書放還鄉里成陽公李徹稱其驍武開皇十六年徵至京師除車騎將軍仍從楊素北征突厥加上開府煬帝卽位漢王諒反於并州又從楊素擊之每戰先登進位柱國尋除萊州刺史無治名後轉汝南太守稍習法令羣盜屏跡後因朝集考功郎竇威嘲之曰麥是何姓鐵杖應口對曰麥豆不殊那忽相怪威赧然無以應之時人以爲敏慧尋除右屯衛大將軍帝待之逾密鐵杖自以荷恩深重每懷竭命之志及遼東之役請爲前鋒顧謂醫者吳景賢曰大丈夫性命自有所在豈能艾炷灸頭瓜蒂飲鼻治黃不差而臥死兒女手中乎將度遼謂其三子曰阿奴當備淺色黃衫吾荷國恩今是死日我旣被殺爾當富貴唯誠與孝爾其勉之及濟橋未成去東岸尙數丈賊大至鐵杖跳上岸與賊戰死武貴郎將錢士雄孟金叉亦死之左右更無及者帝爲之流涕購得其屍下詔曰鐵杖志氣驍果夙著勳庸陪磨問罪先登陷陳節高義烈身殞功存興言至誠追懷傷悼宜賚殊榮用彰節德可贈光祿大夫宿國公諡曰武烈子孟才嗣尋授光祿大夫孟才有二弟仲才季才俱拜正議大夫贈贈鉅萬賜輜輶車給前後部羽葆鼓吹平壤道敗將宇文述等百餘人皆爲執縛王公已下送至郊外士雄贈左光祿大夫右屯

衛將軍武強侯諡曰剛子傑嗣金又贈右光祿大夫子善誼襲官孟才字智稜果烈有父風帝以孟才死  
節將子恩賜殊厚拜武賁郎將及江都之難慨然有復讐之志與武牙郎錢傑素交友二人相謂曰吾等  
世荷國恩門著誠節今賊臣弑逆社稷淪亡無節可紀何面目視息世間哉於是流涕扼腕遂相與謀糾  
台恩舊欲於顯福宮邀擊宇文化及事臨發陳藩之子謙知其謀而告之與其黨沈光俱爲化及所害忠  
義之士哀焉

沈光

沈光字總持吳興人也父君道仕陳吏部侍郎陳滅家于長安皇太子勇引署學士後爲漢王諒府掾諒  
敗除名光少驍捷善戲馬爲天下之最略綜書紀微有詞藻常慕立功名不拘小節家甚貧窶父兄並以  
備書爲事光獨跣躋交通輕俠爲京師惡少年之所朋附人多贖遺得以養親每致甘食美服未嘗困匱  
初建禪定寺其中幡竿高十餘丈適遇繩絕非人力所及諸僧患之光見而謂僧曰可持繩來當相爲上  
耳諸僧驚竄因取而與之光以口銜索拍竿而上直至龍頭繫繩畢手足皆放透空而下以掌拒地倒行  
數十步觀者駭悅莫不嗟異時人號爲肉飛仙大業中煬帝徵天下驍果之士以伐遼左光預焉同類數  
萬人皆出其下光將詣行在所賓客送至灞上者百餘騎光酌酒而誓曰是行也若不能建立功名當死

於高麗不復與計君相見矣及從帝攻遼東以衝林野城半長十五丈光天其城墮城與城雖知異城  
十數人賊競擊之而墜未及於地適遇竿有垂綬光接而復上帝望見壯異之馳召與語大悅即日拜朝  
請大夫賜寶刀良馬恆致左右親顧漸密未幾以爲折衝郎將賞遇優重帝每推食解衣以賜之同輩只  
與爲比光自以荷恩深重思懷竭節及江都之難潛構義勇將爲帝復讐先是帝寵昵宦官奴名爲給使字  
文化及以光驍勇方任之令其總統營於禁內時孟才錢傑等陰圖化及因謂光曰我等荷國厚恩不能  
死難以衛社稷斯則古人之所恥也今又俛首事讐受其驅率有覲面目何用生爲吾必欲殺之死無所  
恨公義士也肯從我乎光泣下霑衿曰是所望於將軍也僕領給使數百人竝荷先帝恩遇今在化及內  
營以此復讐如鷹鷂之逐鳥雀萬世之功在此一舉願將軍勉之孟才爲將軍領江淮之衆數千人期以  
營將發時晨起襲化及光語洩陳謙告其事化及大懼曰此麥鐵杖子也及沈光者並勇決不可當須避  
其鋒是夜卽與腹心走出營外留人告司馬德戡等遣領兵馬逮捕孟才光聞營內誼聲知事發不及被  
甲卽襲化及營空無所獲值舍人元敏數而斬之遇德戡兵入四面圍合光大呼潰圍給使齊奮斬首數  
十級賊皆披靡德戡復遣騎持弓弩翼而射之光身無介冑遂爲所害麾下數百人皆鬪而死一無降  
者時年二十八壯士聞之莫不爲之隕涕

來護兒

來護兒字崇善江都人也幼而卓詭好立奇節初讀詩至擊鼓其鐘踊躍用兵羔裘豹飾孔武有力捨書而歎曰大丈夫在世當如是會爲國滅賊以取功名安能區區久事隴畝羣輩驚其言而壯其志護兒所住白土村密邇江岸于時江南尙阻賀若弼之鎮壽州也常令護兒爲間諜授大都督平陳之役護兒有功焉進位上開府從楊素擊高智慧于浙江而賊據岸爲營周亘百餘里船艦被江鼓譟而進素令護兒率數百輕艤徑登江岸直掩其營破之時賊前與素戰不勝歸無所據因而潰散智慧將逃于海護兒追至泉州智慧窮感遁走閩越進位大將軍除泉州刺史時有盛道延擁兵作亂侵擾州境護兒進擊破之又從蒲山公李寬破汪文進於黟歙進位柱國仁壽三年除瀛州刺史賜爵黃縣公邑三千戶尋加上柱國除右禦衛將軍煬帝卽位遷右驍衛大將軍帝甚親重之大業六年從駕江都賜物千段令上先人塚宴父老州里榮之數歲轉右翊衛大將軍遼東之役護兒率樓船指滄海入自浪水去平壤六十里與高麗相遇進擊大破之乘勝直造城下破其郛郭於是縱軍大掠稍失部伍高元弟建武募敢死士五百人邀擊之護兒因剋屯營海浦以待期會後知宇文述等敗遂班師明年又出滄海道師次東萊會楊玄感作逆黎陽進逼鞏雒護兒勒兵與宇文述等擊破之封榮國公邑二千戶十年又帥師度海至卑奢城高

麗舉國來戰護兒大破之斬首千餘級將趣平壤高元震懼遣使執叛臣斛斯政詣遼東城下上表請降  
帝許之遣人持節詔護兒旋師護兒集衆曰三度出兵未能平賊此還也不可重來今高麗困弊野無青草  
以我衆戰不日尅之吾欲進兵徑圍平壤取其僞主獻捷而歸答表請行不肯奉詔長史崔君肅固爭  
不許護兒曰賊勢破矣專以相任自足辦之吾在闔外事合專決豈容千里稟聽成規俄頃之間動失機  
會勞而無功故其宜也吾寧征得高元還而獲譴捨此成功所不能矣君肅告衆曰若從元帥違拒詔書  
必當聞奏皆獲罪也諸將懼盡勸還方始奉詔十三年轉爲左翊衛大將軍進位開府儀同三司任委邇  
塞前後賞賜不可勝計江都之難宇文化及忌而害之長子楷以父軍功授散騎郎朝散大夫楷弟弘仕  
至果毅郎將金紫光祿大夫弘弟整武賁郎將右光祿大夫整尤驍勇善撫士衆討擊羣盜所向皆捷諸  
賊甚憚之爲作歌曰長白山頭百戰場十五五把長槍不畏官軍十萬衆只畏榮公第六郎化及反皆  
遇害唯少子恆濟獲免

### 魚俱羅

魚俱羅馮翊下邳人也身長八尺膂力絕人聲氣雄壯言聞數百步弱冠爲親衛累遷大都督從晉王廣  
平陳以功拜開府賜物一千五百段未幾沈玄愔高智慧等作亂江南楊素以俱羅壯勇請與同行每戰

有功加上開府高唐縣公拜疊州總管以母憂去職還至扶風會楊素率兵將出靈州道擊突厥路逢俱羅大悅遂奏與同行及遇賊俱羅與數騎奔擊瞋目大呼所當皆披靡出左入右往返若飛以功進位柱國拜豐州總管初突厥數入境爲寇俱羅輒擒斬之自是突厥畏懼屏迹不敢畜牧於塞上初煬帝在藩俱羅弟贊以左右從累遷大都督及帝嗣位拜車騎將軍贊性凶暴虐其部下令左右炙肉遇不中意以鐵刺瞎其眼有溫酒不適者立斷其舌帝以贊藩邸之舊不忍加誅謂近臣曰弟旣如此兄亦可知因召俱羅譴責之出贊於獄令自爲計贊至家飲藥而死帝恐俱羅不自安慮生邊患轉爲安州刺史歲餘遷趙郡太守後因朝集至東都與將軍梁伯隱有舊數相往來又從郡多將雜物以貢獻帝不受因遣權貴御史劾俱羅以郡將交通內臣帝大怒與伯隱俱坐除名未幾越嵩飛山蠻作亂侵掠郡境詔俱羅白衣領將并率蜀郡都尉段鍾葵討平之大業九年重征高麗以俱羅爲碣石道軍將及還江南劉元進作亂詔俱羅將兵向會稽諸郡逐捕之于時百姓思亂從盜如市俱羅擊賊帥朱燮管崇等戰無不捷然賊勢浸盛敗而復聚俱羅度賊非歲月可平諸子並在京洛又見天下漸亂終恐道路隔絕于時東都饑饉穀食踊貴俱羅遣家僕將船米至東都糶之益市財貨潛迎諸子朝廷微知之恐其有異志發使案驗使者至前後察問不得其罪帝復令大理司直梁敬真就鎖將詣東都俱羅相表異人目有重瞳陰爲帝之所



忌敬真希旨奏俱羅師徒敗跡於是斬東都市家口籍沒

陳稜

陳稜字長威廬江襄安人也祖碩以漁釣自給父峴少驍勇事章大寶爲帳內部曲告大寶反授臨州刺史陳滅廢于家高智慧汪文進等作亂江南廬江豪傑亦舉兵相應以峴舊將共推爲主峴欲拒之稜謂峴曰衆亂旣作拒之禍且及己不如僞從別爲後計峴然之時柱國李徹軍至營塗峴潛使稜至徹所請爲內應徹上其事拜上大將軍宣州刺史封譙郡公邑一千戶詔徹應接之徹軍未至謀洩爲其黨所殺稜僅以獲免上以其父之故拜開府尋領鄉兵煬帝卽位授驃騎將軍大業三年拜武賁郎將後二歲與朝請大夫張鎮周發東陽兵萬餘人自義安汎海擊流求國月餘而至流求人初見船艦以爲商旅往往詣軍中貿易稜率衆登岸遣鎮周爲先鋒其主歡斯渴刺兜遣兵拒戰鎮周頻擊破之稜進至低沒檀洞其小王歡斯老模率兵拒戰稜擊敗之斬老模其日霧雨晦冥將士皆懼稜刑白馬以祭海神旣而開霽分爲五軍趣其郡邑渴刺兜率衆數千逆拒稜遣鎮周又先鋒擊走之稜乘勝逐北至其柵渴刺兜苦柵而陣稜盡銳擊之從辰至未苦鬪不息渴刺兜自以軍疲引入柵稜遂填壘攻破其柵斬渴刺兜獲其子烏槌虜男女數千而歸帝大悅進稜位右光祿大夫武賁如故鎮周金紫光祿大夫遼東之役以宿衛遷

左光祿大夫明年帝復征遼東稜爲東萊留守楊玄感之作亂也稜率衆萬餘人擊平黎陽斬玄感所署刺史元務本尋奉詔於江南警戰艦至彭城賊率孟讓衆將十萬據都梁宮阻淮爲固稜潛於下流而濟至江都率兵襲讓破之以功進位光祿大夫賜爵信安侯後帝幸江都宮俄而李子通據海陵左才相據淮北杜伏威屯六合衆各數萬帝遣稜率宿衛兵擊之往往克捷超拜右禦衛將軍復度清江擊宣城賊俄而帝以弒崩宇文化及引軍北上召稜守江都稜集衆編素爲煬帝發喪備儀衛改葬於吳公臺下哀杖送喪慟感行路論者深義之稜後爲李子通所陷奔杜伏威伏威忌之尋而見害

王辯斛斯萬善

王辯字警略馮翊蒲城人也祖訓以行商致富魏世出粟助給軍糧爲假清河太守辯少習兵書尤善騎射慷慨有大志在周以軍功授帥都督開皇初遷大都督仁壽中遷車騎將軍漢王諒之作亂也從楊素討平之賜爵武靈縣男邑三百戶後三歲遷尚舍奉御從征吐谷渾拜朝請大夫數年轉鷹揚郎將遼東之役以功加通議大夫尋遷武賁郎將及山東盜賊起上谷魏刀兒自號歷山飛衆十餘萬劫掠燕趙帝引舞升御榻問以方略辯論取賊形勢帝稱善曰誠如此計賊何足憂也於是發從行步騎三千擊敗之賜黃金二百兩明年渤海賊帥高士達自號東海公衆以萬數復令辯擊之屢挫其銳帝在江都宮聞而

馳召之及引見禮賜甚厚復令往信都經略士達於是復戰破之優詔褒顯時賊帥郝懿孫直雅時李  
康寶建德魏刀兒等往往屯聚大至十萬小至數千寇掠河北辯進兵擊之所往皆捷深為羣賊所懼及  
翟讓寇徐豫辯進頻擊走之讓尋與李密屯據洛口倉辯與王世充討密阻洛水相持經年辯率諸將攻  
敗密因薄其營戰破外柵密諸營已有潰者乘勝將入城世充不知恐將士勞倦於是鳴角收兵翻為奮  
走所乘官軍大潰不可救止辯至洛水橋已壞不得度遂涉水至中流為溺人所引墜岸辯時身被重甲  
敗兵前後相蹈藉不能復上馬竟溺死焉時年五十六三軍莫不痛惜之河南斛斯萬善驍勇果毅風辯  
齊名大業中從衛立討楊立感頻戰有功及立感敗走萬善與數騎追及之立感窘迫自殺由是知名拜  
武賁郎將突厥始畢之圍鴈門也萬善奮擊之所向皆破每賊至獨出當其鋒或下馬坐地引強弓射賊  
所中皆殪由是突厥莫敢逼城十許日竟退萬善之力也其後頻討羣盜累遷至將軍鹿懸范  
賈馮孝慈俱為將帥數從征討並有名於世然事皆亡失故史官無所述焉

史臣曰楚漢未分絳灌所以宣力曹劉競逐關張所以立名然則名立資草昧之初力宣候經綸之會羣  
附鱗翼世有之矣圓通護兒之輩定和鐵杖之倫皆一時之壯士困於貧賤當其鬱抑未遇亦安知其有  
鴻鵠之志哉終能振拔汙泥之中騰躍風雲之上符馬革之願快生平之心非遇其時焉能至於此也俱

靈欲加之罪非其咎疊王辯殞身勅敵志實勤王陳稜縞素發喪哀感行路義之所動固已深乎孟才錢  
儼比尤等感恩懷舊臨難忘生雖功無所成其志有可稱矣

唐 特 進 巨 魏 徵 上

列傳第三十一

周羅暉

周羅暉字公布九江潯陽人也父法魯任梁冠軍將軍始興太守通直散騎常侍南康內史臨甯縣侯羅暉年十五善騎射好鷹狗任俠放蕩收聚亡命陰習兵書從祖景彥誠之曰吾世恭謹汝獨放縱難以保家若不喪身必將滅吾族羅暉終不改陳宣帝時以軍功授開遠將軍句容令後從大都督吳明徹與齊師戰於江陽爲流矢中其左目齊師圍明徹於宿預也諸軍相顧莫有鬪心羅暉躍馬突進莫不披靡太僕卿蕭摩訶因而副之斬獲不可勝計進師徐州與周將梁士彥戰於彭城摩訶臨陣墮馬羅暉進救拔摩訶於重圍之內勇冠三軍明徹之敗也羅暉全衆而歸拜光遠將軍鍾離太守十一年授使持節都督霍州諸軍事平山賊十二洞除右軍將軍始安縣伯邑四百戶總管檢校揚州內外諸軍事賜金銀三千兩盡散之將士分賞驍雄陳宣帝深歎美之出爲晉陵太守進爵爲侯增封一千戶除太僕卿增封并前一千六百戶尋除雄信將軍使持節都督豫章十郡諸軍事豫章內史獄訟庭決不關吏手民懷其惠立

裨頌德爲至德中除持節都督南州諸軍事江州司馬吳世興齎奏羅睺甚得人心擁衆積表意在難測  
陳主覈爲蕭摩訶魯廣達等保明之外有知者或勸其反羅睺拒絕之軍還除太子左衛率信任逾重時  
魯廣達陳主曰周左率武將詩每前成文士何爲後也都官尙書孔範對曰周羅睺執筆製詩還如上馬  
入陣不在人後自是益見親禮出督湘州諸軍事還拜散騎常侍晉王廣之伐陳也都督巴峽緣江諸軍  
事以拒秦王俊軍不得度相持踰月過丹陽陷陳主被擒上江猶不下晉王廣遣陳主手書命之羅睺與  
諸將大臨三日放兵士散然後廼降高祖慰諭之許以富貴羅睺垂泣而對曰臣荷陳氏厚遇本朝淪亡  
無節可紀陛下所賜獲全爲幸富貴榮祿非臣所望高祖甚器之賀若弼謂之曰聞公鄧漢捉兵卽知揚  
州可得王師利涉果如所量羅睺答曰若得與公周旋勝負未知可也其年秋拜上儀同三司鼓吹羽儀  
送之于宅先是陳裨將羊翽歸降于我使爲鄉導位至上開府班在羅睺上韓擒於朝堂戲之曰不知機  
變立在羊翽之下能無媿乎羅睺答曰昔在江南久承令聞謂公天下節士今日所言殊匪誠臣之論擒  
有媿色其年冬除幽州刺史俄轉涇州刺史母憂去職未朞復起授幽州刺史並有能名十八年起遼東  
之役徵爲水軍總管自東萊汎海趣平壤城遭風船多飄沒無功而還十九年突厥達頭可汗犯塞從楊  
素擊之虜衆甚盛羅睺白素曰賊陣未整請擊之素許爲與輕勇二十騎直衝虜陣從申至酉短兵屢接

大破之進位大將軍仁壽元年爲東宮右虞候率賜爵義寧郡公食邑二千五百戶俄轉右衛大將軍卽位授右武侯大將軍漢王諒反詔副楊素討平之進授上大將軍其年冬帝幸雒陽陳主卒羅喉請一臨哭帝許之纒經送至墓所葬還釋服而後入朝帝甚嘉尙世論稱其有禮時諒餘黨據晉絳等三州表下詔羅喉行絳晉呂三州諸軍事進兵圍之爲流矢所中卒于師時年六十四送柩還京行數里無故墮馬自止策之不動有飄風旋遶焉絳州長史郭雅稽顙咒曰公恨小寇未平邪尋卽除殄無爲戀恨於是風靜馬行見者莫不悲歎其年秋七月子仲隱夢見羅喉曰我明日當戰其靈坐所有弓箭刀劍無故自動若人帶持之狀絳州城陷是其日也贈柱國右翊衛大將軍諡曰壯贈物千段子仲安官至上開府

### 周法尙

周法尙字德邁汝南安城人也祖靈起梁直閣將軍義陽太守廬桂二州刺史父見定州刺史平北將軍法尙少果勁有風槩好讀兵書年十八爲陳始興王中兵參軍尋加伏波將軍其父卒後監定州事督父本兵數有戰功遷使持節貞毅將軍散騎常侍領齊昌郡事封山陰縣侯邑五千戶以其兄武昌縣公法僧代爲定州刺史法尙與長沙王叔堅不相能叔堅言其將反陳宣帝執禁法僧發兵欲取法尙其下將吏皆勸之歸北法尙猶豫未決長史殷文則曰樂毅所以辭燕良由不獲已事勢如此請早裁之法尙遂

歸於周宣帝甚優寵之拜開府順州刺史封歸義縣公邑千戶賜良馬五匹女妓五人綵物五百段加以金帶陳將樊猛濟江討之法尙遣部曲督韓明詐爲背已奔于陳僞告猛曰法尙部兵不願降北人皆竊議盡欲叛還若得軍來必無鬪者自當於陳倒戈耳猛以爲然引師急進法尙乃陽爲畏懼自保於江曲猛陳兵挑戰法尙先伏輕舸於浦中又伏精銳於古村之北自張旗幟迎流拒之戰數合僞退登岸投古村猛捨舟逐之法尙又疾走行數里與村北軍合復前擊猛猛退走赴船旣而浦中伏舸取其舟楫建旛旗幟猛於是大敗僅以身免虜八千人高祖爲丞相司馬消難作亂陰遣上開府段珣率兵陽爲助守因欲奪其城法尙覺其詐閉門不納珣遂圍之于時倉卒兵散在外因率吏士五百人守拒二十日外無救援自度力不能支遂拔所領棄城遁走消難虜其母弟及家累三百人歸于陳高祖受禪拜巴州刺史破三鷗叛蠻於鐵山復從柱國王誼擊走陳寇遷衡州總管四州諸軍事改封譙郡公邑二千戶後上幸洛陽召之及引見賜金鈿酒鍾一雙綵五百段良馬十五匹奴婢三百口給鼓吹一部法尙固辭上曰公有大功於國特給鼓吹者欲令公鄉人知朕之寵公也固與之歲餘轉黃州總管上降密詔使經略江南伺候動靜及伐陳之役以行軍總管隸秦孝王率舟師三萬出于樊口陳城州刺史熊門超出師拒戰擊破之擒超於陣轉鄂州刺史尋遷永州總管安集嶺南賜縑五百段良馬五匹仍給黃州兵三千五百人爲



帳內陳桂州刺史錢季卿南康內史柳璿西衡州刺史鄧景陽山太守毛爽等前後詣法尙降陳定州刺史呂子廓據山洞反法尙引兵踰嶺子廓兵衆日散與千餘人走保巖嶮其左右斬之而降賜綵五百段奴婢五十口并銀鬻寶帶良馬十四十年尋轉桂州總管仍爲嶺南安撫大使後數年入朝以本官督衛賜綵三百段米五百石絹五百疋未幾桂州人李光仕舉兵所亂令法尙與上柱國王世積討之法尙馳往桂州發嶺南兵世積出岳州徵嶺北兵俱會于尹州光仕來逆戰擊走之世積所部多過掉不能進頓于衡州法尙獨討之光仕帥勁兵保白石洞法尙捕得其弟光略光度大獲家口其黨有來降附韃以婁子暹之居旬日降者數千人法尙遣兵列陣以當光仕親率奇兵蔽林設伏兩陣始交法尙馳擊其柵柵中人皆走散光仕大潰追斬之賜奴婢百五十口黃金百五十兩銀百五十斤仁壽中遂州獠叛復以行軍總管討平之嶺州烏蠻叛攻陷州城詔令法尙便道擊之軍將至賊棄州城敗走山脊問法尙捕不能得於是遣使慰諭假以官號僞班師日行二十里軍再舍潛遣人覘之知其首領盡歸柵衆飲相賀法尙選步騎數千人襲擊破之獲其渠帥數十人虜男女萬餘口賜奴婢百口物三百段蜀馬二十四匹軍還檢校潞州事煬帝嗣位轉雲州刺史後三歲轉定襄太守進位金紫光祿大夫時帝幸榆林法尙朝于行宮內史令元壽言於帝曰漢武出塞旂旗千里今御營之外請分爲二十四軍日別遣一軍發相去三十里

旗幟相望鉦鼓相聞首尾連注千里不絕此亦出師之盛者也法尙曰不然兵亘千里動聞山川卒有不虞四分五裂腹心有事首尾未知道阻且長難以相救雖是故事此乃取敗之道也帝不懌曰卿意以爲如何法尙曰結爲方陣四面外距六宮及百官家口並住其間若有變起當頭分抗內引奇兵出外奮擊車爲壁壘重設鉤陳此與據城理亦何異若戰而捷抽騎追奔或戰不利屯營自守臣謂牢固萬全之策也帝曰善因拜左武衛將軍賜夏馬一匹絹三百疋明年黔安夷向思多反殺將軍鹿愿圍太守蕭道法尙與將軍李景分路討之法尙擊思多于清江破之斬首三千級還從討吐谷渾法尙別出松州道逐捕亡散至於清海賜奴婢一百口物二百段馬七十四匹出爲敦煌太安尋領會寧太守遼東之役以舟師指朔鮮道會楊玄感反與將軍宇文述來護兒等破之以功進右光祿大夫賜物九百段時有齊郡人王薄孟讓等聚兵爲盜衆十餘萬保長白山頻戰每挫其銳賜奴婢百口明年復臨滄海在軍疾甚謂長史崔君肅曰吾再臨滄海未能利涉時不我與將辭人世立志不果命也如何言畢而終時年五十九贈武衛大將軍諡曰僖有子六人長子紹基靈壽令少子紹範最知名

### 李景

李景字道興天水休官人也父超周應戎二州刺史景容貌奇偉膂力過人美鬚髯驍勇善射平齊之役

唐有大焉授備同二言以平屢進位開府賜爵平寇縣公邑千五百戶開皇九年以行軍總管從三世  
積伐陳陷陣有功進位上開府賜奴婢六十口物千五百段及高智慧等作亂江南復以行軍總管從楊  
素擊之別平倉嶺還授鄜州刺史十七年遼東之役爲馬軍總管及還配事漢王高祖奇其壯武使袒而  
觀之曰卿相表當位極人臣尋從史萬歲擊突厥於大斤山別路邀賊大破之後與上明公楊紀送義成  
公主於突厥至恆安遇突厥來寇時代州總管韓洪爲虜所敗景率所領數百人援之力戰三日殺虜甚  
衆賜物二千段授韓州刺史以事王故不之官仁壽中檢校代州總管漢王諒作亂并州景發兵拒之諒  
遣劉嵩襲景戰於城東升樓射之無不應弦而倒選壯士擊之斬獲略盡諒復遣嵐州刺史雷鍾襲率勦  
勇三萬攻之景戰士不過數千加以城池不固爲賊衝擊崩毀相繼景且戰且築士卒皆殊死戰屢挫賊  
鋒司馬馮孝慈司法參軍呂玉並驍勇善戰儀同三司侯莫陳又多謀畫工拒守之術景知將士可用其  
後推誠於此三人無所關預唯在閣持重時出撫循而已月餘朔州總管楊義臣以兵來援合擊大破之  
先是景府內井中瑩上生花如蓮并有龍見時變爲鐵馬甲士又有神人長數丈見於城下其跡長四尺  
五寸景問巫對曰此是不祥之物來食人血耳景大怒推出之旬日而兵至死者數萬焉景尋被徵入京  
進位柱國拜右武衛大將軍賜織九千匹女樂一部加以珍物景智略非所長而忠直爲時所許帝甚信

之擊叛變向思多破之賜奴婢八十口明年擊吐谷渾於青海破之進位光祿大夫賜奴婢六十口繼一千四五年車騎西巡至天水景獻食於帝帝曰公主人也賜坐齊王暕之上至隴川宮帝將大獵景與左武衛大將軍郭衍俱有難言爲人所奏帝大怒令左右搽之竟以坐免歲餘復位與宇文述等參軍選舉明年攻高麗武厲城破之賜爵苑丘侯物一千段八年出渾瀾道九年復出遼東及旋師以景爲殿高麗追兵大至景擊走之賫物三千段進爵滑國公楊玄感之反也朝臣子弟多預焉而景獨無關涉帝曰公誠直天授我之梁棟也賜以美女帝每呼李大將軍而不名其見重如此十二年帝令景營遼東戰具於北平賜御馬一匹名師子駮會幽州賊楊仲緒率衆萬餘人來攻北平景督兵擊破之斬仲緒于時盜賊蜂起道路隔絕景遂召募以備不虞武賁郎將羅藝與景有隙遂誣景將反帝遣其子慰諭之曰縱人言公關天關據京都吾無疑也後爲高開道所圍獨守孤城外無聲援歲餘士卒患脚腫而死者十將六七景撫循之一無離叛遼東軍資多在其所粟帛山積旣逢離亂景無所私焉及帝崩於江都遼西太守鄧暹率兵救之遂歸柳城後將還幽州在道遇賊見害契丹靺鞨素感其恩聞之莫不流涕幽燕人士于今尙惜之有子世謨

慕容三藏燕人也父紹宗齊尙書左僕射東南道大行臺三藏幼聰明多武略頗有父風仕齊禮部太尉府參軍事尋遷備身都督武平初襲爵燕郡公邑八百戶其年敗周師於孝水又敗陳師於壽陽轉武衛將軍又敗周師於河陽授武衛大將軍又轉右衛將軍別封范陽縣公食邑千戶周師入鄴也齊後主失守東遁委三藏等留守鄴宮齊之王公以下皆降三藏猶率麾下抗拒周師及齊平武帝引見恩禮甚厚詔曰三藏父子誠節著聞宜加榮秩授開府儀同大將軍其年稽胡叛令三藏討平之開皇元年授吳州刺史九年奉詔持節涼州道黜陟大使其年嶺南酋長王仲宣反圍廣州詔令桂國襄陽公暉沈爲行軍總管三藏爲副至廣州與賊交戰沈爲流矢所中卒詔令三藏檢校廣州道行軍事十年賊衆四面攻圍三藏固守月餘城中糧少矢盡三藏以爲不可持久遂自率驍銳夜出突圍擊之賊衆敗散廣州獲全以功授大將軍賜奴婢百口加以金銀雜物十二年授廓州刺史州極西界與吐谷渾鄰接姦宄犯法者皆遷配彼州流人多有逃逸及三藏至招納綏撫百姓愛悅繼負日至吏民歌頌之高祖聞其能屢有勞問其年當州畜產繁孳獲醜酬奉獻賚物百段十三年州界連雲山響稱萬年者三詔頒郡國仍遣使醮於山所其日景雲浮於上雉間兔馴壇側使還具以聞上大悅十五年授疊州總管党項羌時有翻叛三藏隨便討平之部內夷夏咸得安輯仁壽元年改封河內縣男大業元年授知州刺史三年轉任淮南郡太

關  
守所在有惠政其年改授金紫光祿大夫大業七年卒三藏從子遐爲澶水丞漢王反抗節不從以誠節

薛世雄

薛世雄字世英本河東汾陰人也其先寓居關中父回字道弘仕周官至涇州刺史開皇初封舞陰郡公領曹渠監以年老致事終於家世雄爲兒童時與羣輩遊戲輒畫地爲城郭令諸兒爲攻守之勢有不從令者世雄輒撻之諸兒畏憚莫不齊整其父見而奇之謂人曰此兒當興吾家矣年十七從周武帝平齊以功拜師都督開皇時數有戰功累遷儀同三司右親衛車騎將軍煬帝嗣位番禺夷獠相聚爲亂詔世雄討平之遷右監門郎將從帝征吐谷渾進位通議大夫世雄性廉謹凡所行軍破敵之處秋毫無犯帝由是嘉之帝嘗從容謂羣臣曰我欲舉好人未知諸君識不羣臣咸曰臣等何能測聖心帝曰我欲舉者薛世雄羣臣皆稱善帝復曰世雄廉正節槩有古人之風於是超拜右翊衛將軍歲餘以世雄爲玉門道行軍大將與突厥啟民可汗連兵擊伊吾師次玉門啟民可汗背約兵不至世雄孤軍度磧伊吾初隋軍不能至皆不設備及聞世雄兵已度磧大懼請降詣軍門上牛酒世雄遂於漢舊伊吾城東築城號新伊吾留銀青光祿大夫王威以甲卒千餘人戍之而還天子大悅進位正議大夫賜物二千段遼東之役

以世雄爲沃沮道軍將與宇文述同討績於平壤遣次白石山爲賊所圍百餘重四面天下如甯世雄以  
羸師爲方陣選勁騎二百先犯之賊稍却因而縱擊遂破之而還所亡失多竟坐免明年帝復征遼東拜  
右候衛將軍兵指蹋頓道軍至烏骨城會楊玄感作亂班師帝至柳城以世雄爲東北道大使行燕郡太  
守鎮懷遠于時突厥頗爲寇盜緣邊諸郡多苦之詔世雄發十二郡士馬巡塞而還十年復從帝至遼東  
遷左禦衛大將軍仍領涿郡留守未幾李密逼東都中原騷動詔世雄率幽薊精兵將擊之軍次河間營  
於郡城南河間諸縣並集兵依世雄大軍爲營欲討竇建德建德將家口遁自選精銳數百夜來襲之先  
犯河間兵潰奔世雄營時遇霧晦冥莫相辨識軍不得成列皆騰柵而走於是大敗世雄與左右數十  
騎遁入河間城斯患發病歸於涿郡未幾而卒時年六十三有子萬述萬淑萬鈞萬徹並以驥武知名

### 王仁恭

王仁恭字元實天水上邽人也祖建周鳳州刺史父猛鄠州刺史仁恭少剛毅修謹工騎射弱冠州補主  
簿秦孝王引爲記室轉長道令遷車騎將軍從楊素擊突厥於靈武以功拜上開府賜物三千段以驥騎  
將軍典蜀王軍事山獠作亂蜀王命仁恭討破之賜奴婢三百口及蜀王以罪廢官屬多懼其患上以仁  
恭素質直置而不問煬帝嗣位漢王諒舉兵反從楊素擊平之以功進位大將軍拜呂州刺史賜帛四千

匹女奴十人歲餘轉衛州刺史尋改爲汲郡太守有能名徵入朝帝呼上殿勞勉之賜雜綵六百段良馬  
二匹遷信都太守汲郡吏民扣馬號哭於道數日不得出境其得人情如此遼東之役以仁恭爲軍將及  
常班師仁恭爲殿過賊擊走之進授左光祿大夫賜絹六千段馬四十四匹明年復以軍將指扶餘帝謂  
之曰往者諸軍多不利公獨以一軍破賊古人云敗軍之將不可以言勇諸將其可任乎今委公爲前軍  
當副所望也賜良馬十四黃金百兩仁恭遂進軍至新城賊數萬背城結陣仁恭率勁騎一千擊破之賊  
盟城拒守仁恭四面攻圍帝聞而大悅遣舍人詣軍勞問賜以珍物進授光祿大夫賜絹五千匹會楊玄  
感作亂其兄子武貴郎將仲伯預爲仁恭由是坐免尋而突厥屢爲寇患帝以仁恭宿將頗有戰功詔復  
本官領馬邑太守其年始畢可汗率騎數萬來寇馬邑復令二特勒將兵南過時郡兵不滿三千仁恭簡  
精銳逆擊破之其二特勒衆亦潰仁恭縱兵乘之獲數千級并斬二特勒帝大悅賜縑三千匹其後突厥  
復入定襄仁恭率兵四千掩擊斬千餘級大獲六畜而歸于時天下大亂百姓饑餒道路隔絕仁恭頗改  
舊節受納貨賄又不敵輒閉倉廩賑卹百姓其麾下校尉劉武周與仁恭侍婢姦通恐事泄將爲亂每宣  
言郡中曰父老妻子凍餒填委溝壑而王府君閉倉不救百姓是何理也以此激怒衆吏民頗怨之其後  
仁恭正坐廳事武周率其徒數十人大呼而入因害之時年六十武周於是開倉賑給郡內皆從之自稱



權武

權武字武撝天水人也祖超魏秦州刺史父襲慶周開府從武元皇帝與齊師戰于并州被圍百餘重襲慶力戰矢盡短兵接戰殺傷甚衆刀稍皆折脫胄擲地向賊大罵曰何不來斫頭也賊遂殺之武以忠臣子起家拜開府襲爵齊郡公邑千二百戶武少果勁勇力絕人能重甲上馬嘗倒投於井未及泉復躍而出其拳捷如此從王謙破齊服龍等五城增邑八百戶平齊之役攻陷邵州別下六城以功增邑三百戶宣帝時拜勁捷左旅上大夫進位上開府高祖爲丞相引置左右及受禪增邑五百戶後六歲拜浙州刺史伐陳之役以行軍總管從晉王出六合還拜豫州刺史在職數年以創業之舊進位大將軍檢校澤州總管其年桂州人季世賢作亂武以行軍總管與武侯大將軍虞慶則擊平之慶則以罪誅功竟不錄復還于州多造金帶遺嶺南酋領其人復蒼以寶物武皆納之由是致富後武晚生一子與親客宴集酒酣遂擅赦所部內獄囚武常以南越邊遠治從其俗務適便宜不依律令而每言當今法急官不可爲上令有司案其事皆驗上大怒命斬之武於獄中上書言其父爲武元皇帝戰死於馬前以此求哀由是除名爲民仁壽中復拜大將軍封邑如舊未幾授太子右衛率煬帝卽位拜右武衛大將軍坐事免授桂州刺

史俄轉始安太守久之徵拜右屯衛大將軍尋坐事除名卒于家有子弘

### 吐萬緒

吐萬緒字長緒代郡鮮卑人也父通周郢州刺史緒少有武略在周起家撫軍將軍襲爵元壽縣公數從征伐累遷大將軍少司武高祖受禪拜襄州總管進封穀城郡公邑二千五百戶尋轉青州總管頗有治名歲餘突厥寇邊朝廷以緒有威略徙爲朔州總管甚爲北夷所憚其後高祖潛有吞陳之志轉徐州總管令修戰具及大舉濟江以緒領行軍總管與西河公紘豆陵洪景屯兵江北及陳平拜夏州總管晉王廣之在藩也頗見親遇及爲太子引爲左虞侯率煬帝嗣位漢王諒時鎮并州帝恐其爲變拜緒晉絳二州刺史黜傅之官緒未出關諒已遣兵據蒲坂斷河橋緒不得進詔緒率兵從楊素擊破之拜左武侯將軍大業初轉光祿卿賀若弼之遇讒也引緒爲證緒明其無罪由是免官歲餘守東平太守未幾帝幸江都路經其境迎謁道傍帝命升龍舟緒因頓首陳謝往事帝大悅拜金紫光祿大夫太守如故遼東之役請爲先鋒帝嘉之拜左屯衛大將軍率馬步數萬指蓋馬道及班師留鎮懷遠進位左光祿大夫時劉元進化亂江南以兵攻潤州帝徵緒討之緒率衆至楊子津元進自茅浦將度江緒勒兵擊走緒因濟江背水爲柵明日元進來攻又大挫之賊解潤州圍而去緒進屯曲阿元進復結柵拒緒挑之元進出戰陣未

整緒以騎突之賊衆遂潰赴江水而死者數萬元進挺身夜遁歸保其壘僞署僕射朱燮管崇等屯於毗陵連營百餘里緒乘勢進擊復破之賊退保黃山緒進軍圍之賊窮感請降元進朱燮等以身免於阻節營崇及其將軍陸顛等五千餘人收其子女二萬餘口送江都宮進解會稽圍元進復據建安帝令進討之緒以士卒疲敝請息甲待至來春帝不悅密令求緒罪失有司奏緒怯懦違詔於是除名爲民配防壁安尋有詔徵詣行在所緒鬱鬱不得志還至永嘉發疾而卒

### 董純

董純字德厚隴西成紀人也祖和魏太子左衛率父昇周柱國純少有膂力便弓馬在周仕歷司御上士典馭下大夫封固始縣男邑二百戶從武帝平齊以功拜儀同進爵大興縣侯增邑通前八百戶高祖受禪進爵漢曲縣公累遷驃騎將軍後以軍功進位上開府開皇末以勞舊擢拜左衛將軍尋改封順政縣公漢王諒作亂并州以純爲行軍總管河北道安撫副使從楊素擊平之以功拜柱國進爵爲郡公增邑二千戶轉左備身將軍賜女妓十人繡綵五千匹數年轉左驍衛將軍彭城留守齊王暕之得罪也純坐與交通帝庭譴之曰汝階緣宿衛以至大官何乃附傍吾兒欲相離間也純曰臣本微賤下才過蒙擢授先帝察臣小心寵踰涯分陛下重加收採位至將軍欲竭餘年報國恩耳比數至齊王者徒以先帝先后

柱在仁壽宮置元德太子及齊王於膝上謂臣曰汝好看此一兒勿忘吾言也臣奉詔之後每於休暇出入未嘗不詣王所臣謂不敢忘先帝之言于時陛下亦侍先帝之側帝改容曰誠有斯旨於是捨之後數日出爲汝山太守歲餘突厥寇邊朝廷以純宿將轉爲榆林太守虜有至境純輒擊却之會彭城賊帥張大魁宗世模等衆至數萬保懸薄山寇掠徐兗帝令純討之純初閉營不與戰賊屢挑之不出賊以純爲怯不設備縱兵大掠純選精銳擊之合戰於昌慮大破之斬首萬餘級築爲京觀賊魏麒麟衆萬餘人據單父純進擊又破之及帝重征遼東復以純爲彭城留守東海賊彭孝才衆數千掠懷仁縣轉入沂水保五不及山純以精兵擊之擒孝才於陣車裂之餘黨各散時百姓思亂盜賊日益純雖頻戰克捷所在蜂起有人譖純怯懦不能平賊帝大怒遣使鎖純詣東郡有司見帝怒甚遂希旨致純死罪竟伏誅

### 趙才

趙才字孝才張掖酒泉人也祖隗魏銀青光祿大夫樂浪太守父壽周順政太守才少驍武便弓馬性粗悍無威儀周世爲典正上士高祖受禪屢以軍功遷上儀同三司配事晉王及王爲太子拜右虞候率煬帝即位轉左備身驍騎後遷右驍衛將軍帝以才藩邸舊臣漸見親待才亦恪勤匪懈所在有聲歲餘轉右驍衛將軍從征吐谷渾以爲行軍總管率衛尉卿劉權兵部侍郎明雅等出合河道與賊相遇擊破之

以功進位金紫光祿大夫及遼東之役再出碣石道還授左候衛將軍俄遷右候衛大將軍時帝每有巡幸才恆爲斥候肅遇姦非無所迴避在塗遇公卿妻子有違禁者才輒醜言大罵多所撻及時人雖愚其不遜然才守正無如之何十年駕幸汾陽宮以才留守東都十二年帝在洛陽將幸江都才見四海土崩恐爲社稷之患自以荷恩深重無容坐看亡敗於是入諫曰今百姓疲勞府藏空竭盜賊蜂起禁令不行願陛下還京師安兆庶臣雖愚蔽敢以死請帝大怒以才屬吏旬日帝意頗解乃令出之帝遂幸江都待過踰晷時江都糧盡將士離心內史侍郎虞世基祕書監袁充等多勸帝幸丹陽帝廷議其事才極陳入京之策世基盛言度江之便帝默然無言才與世基相忿而出字文化及弑逆之際才時在苑北化及遣驍果席德方矯詔追之才聞詔而出德方命其徒執之以詣化及化及謂才曰今日之事祇得如此幸勿爲懷才嗔然不對化及忿才無言將殺之三日乃釋以本官從事鬱鬱不得志才嘗對化及喜飲語勸其同謀逆者一十八人楊士覽等酒化及許之才執杯曰十八人止可一度作勿復餘處更爲諸人默然不對行至聊城遇疾俄而化及爲竇建德所破才復見虜心彌不平數日而卒時年七十三仁壽大業間有蘭興浴賀蘭蕃俱爲武侯將軍剛嚴正直不避強禦咸以稱職知名

史臣曰羅暉法尙李景世雄慕容三藏並以驍武之姿當有事之日致效富貴自取之也仁恭初在潁郡

以清能顯達後居馬邑以貪愆敗亡鮮克有終惜矣吐萬緒董純各以立效當年取斯高秩緒請息兵見  
貞純遭譴毀被疎大業之季盜可盡乎淫刑暴逞能不及焉趙才雖人而無儀志在強直固拒世基之議  
可謂不紆同矣權武索無行檢不拘刑憲終取黜辱宜哉

隋書卷六十五考證

慕容三藏傳百姓愛悅繩負日至○按前漢食貨志臧繩十萬作繩注錢貫也論語繩負其子而至矣作繩博物志繩襪負兒衣織縷爲之廣八尺長二尺以約小兒於背李奇曰絡也又史記衛將軍傳吉子在繩襪蓋繩與繩通

晴雪卷六十五考證



隋書卷六十六

唐 特 進 臣 魏 徵 上

列傳第三十一

李諤

李諤字士恢趙郡人也好學解屬文仕齊爲中書舍人有口辯每接對陳使周武帝平齊拜天官都上士諤見高祖有奇表深自結納及高祖爲丞相甚見親待訪以得失于時兵革屢動國用虛耗諤上重數論以諷焉高祖深納之及受禪歷比部考功二曹侍郎賜爵南和伯諤性公方明達世務爲時論所推遷治書侍御史上謂羣臣曰朕昔爲大司馬每求外職李諤陳十二策苦勸不許朕遂決意在內今此事業諤之力也賜物二千段諤見禮教凋敝公卿薨亡其愛妾侍婢子孫輒嫁賣之遂成風俗諤上書曰臣聞違慎終民德歸厚三年無改方稱爲孝如聞朝臣之內有父祖亡沒日月未久子孫無賴便分其妓妾嫁賣取財有一於茲實損風化妾雖微賤親承衣服斬三年古今通式豈容遽褫衰經強傳鈔華泣辭聽凡之前送付佗人之室凡在見者猶致傷心況乎人子能堪斯忍復有朝廷重臣位望通貴平生交舊情若弟兄及其亡沒查同行路朝聞其死夕規其妾方便求婢以得爲限無廉耻之心竊友朋之義且居家

理始可移於官既不正私何能贊務上覽而嘉之五品以上妻妾不得改醮始於此也諤又以屬文之家  
體尚輕薄遞相師效流宕忘反於是上書曰臣聞古先哲王之化民也必變其視聽防其嗜欲塞其邪放  
之心示以淳和之路五教六行爲訓民之本詩書禮易爲道義之門故能家復孝慈人知禮讓正俗調風  
莫大於此其有上書獻賦制誄銘銘皆以褒德序賢明勳證理苟非懲勸義不徒然降及後代風教漸落  
魏之三祖更尚文詞忽君人之道好雕蟲之小藝下之從上有同影響競騁文華遂成風俗江左齊梁  
其弊彌甚貴賤賢愚唯務吟詠遂復遺理存異尋虛逐微競一韻之奇爭一字之巧連篇累牘不出月露  
之形積乘盈箱唯是風雲之狀世俗以此相高朝廷據茲擢士祿利之路既開愛尚之情愈篤於是閭里  
童昏自遊總丱未冠六甲先製五言至如義皇舜禹之典伊傅周孔之說不復關心何嘗入耳以傲誕爲  
清虛以緣情爲勳績指儒素爲古拙用詞賦爲君子故文筆日繁其政日亂良由棄大聖之軌模搆無用  
以爲用也損本逐末流徧華壤遞相師祖久而愈扇及大隋受命望道聿興屏出輕浮遏止華僞自非懷  
經抱質志道依仁不得引預搢紳參厠纓冕開皇四年普詔天下公私文翰並宜實錄其年九月泗州刺  
史司馬幼之文表華豔付所司治罪自是公卿大臣咸知正路莫不鑽仰墳集棄絕華綺擇先王之令典  
行大道於茲世如聞外州遠縣仍踵敝風選吏舉人未遵典則至有宗黨稱孝鄉曲歸仁學必典謨交不

苟合則擯落私門不加收齒其學不稽古逐俗隨時作輕薄之篇章結朋黨而求譽則選充吏職羅送天朝蓋由縣令刺史未行風教猶挾私情不存公道臣既忝憲司職當糾察若聞風卽劾恐挂網者多請勅諸司普加搜訪有如此者具狀送臺謬又以當官者好自矜伐復上奏曰臣聞舜戒禹云汝惟不矜天下莫與汝爭能汝惟不伐天下莫與汝爭功言偃又云事君數斯辱矣朋友數斯疏矣此皆先哲之格言棧王之軌轍然則人臣之道陳力濟時雖勤比大禹功如師望亦不得厚自矜伐上要君父況復功無足紀勤不補過而敢自陳勳績輕干聽覽世之喪道極於周代下無廉耻上使之然用人唯信其口取士不觀其行矜誇自大便以幹濟蒙擢謙恭靜退多以恬嘿見遺是以通表陳誠先論己之功狀承顏敷奏亦遭臣最用心自徇自媒都無慙耻之色強干橫請唯以乾沒爲能自隋受命此風頓改耕夫販婦無不革心況乃大臣仍遵敝俗如聞刺史入京朝覲乃有自陳勾檢之功誼訴階墀之側言辭不遜高自稱譽上黷冕旒特爲難恕凡如此輩具狀送臺明加罪黜以懲風軌上以謬前後所奏頒示天下四海靡然向風深革其弊謬在職數年務存大體不尙嚴猛由是無剛蹇之譽而潛有匡正多矣邳公蘇威以臨道店食乃求利之徒事業汗雜非敦本之義遂奏高祖約遣歸農有願依舊者所在州縣錄附市籍仍撤毀舊店並令遠道限以時日正值冬寒莫敢陳訴謬因別使見其如此以爲四民有業各附所安逆旅之與旗亭白

古非同一鑿卽附市糶於理不可且行旅之所依託豈容一朝而廢徒爲勞擾於事非宜遂專決之並令  
依舊使還詔然後奏聞高祖善之曰體國之臣當如此矣以年老出拜通州刺史甚有惠政民夷悅服  
後二歲卒官有子四人大體大鈞並官至尙書郎世子大方襲爵最有材品大業初判內史舍人帝方欲  
任之過卒

### 鮑宏

鮑宏字潤身東海邳人也父機以才學知名事梁官至治書侍御史宏七歲而孤爲兄泉之所愛育年十  
一能屬文嘗和湘東王綽詩繹嗟賞不已引爲中記室遷鎮南府諮議尙書水部郎轉通直散騎侍郎江  
陵既平歸于周明帝甚禮之引爲麟趾殿學士累遷遂伯下大夫與杜子暉聘于陳謀伐齊也陳遂出兵  
江北以侵齊帝嘗問宏取齊之策宏對云我強齊弱勢不相侔齊主昵近小人政刑日紊至尊仁惠慈恕  
法令嚴明事等建瓴何憂不剋但先皇往日出師雒陽彼有其備每不剋捷如臣計者進兵汾潞直掩晉  
陽出其不虞以爲上策帝從之及定山東除少御正賜爵平遙縣伯邑六百戶加上儀同高祖作相奉使  
山南會王謙舉兵於蜀路次涇州爲謙將達奚悉所執逼送成都竟不屈節謙敗之後馳傳入京高祖嘉  
之賜以金帶及受禪加開府除利州刺史進爵爲公轉邛州刺史秩滿還京時有尉義臣者其父崇不從

胤迥後復與突厥戰死上嘉之將賜姓爲金氏訪及羣下宏對曰昔項伯不同項羽漢高賜姓劉氏奈真父能死難魏武賜姓曹氏如臣愚見請賜以皇族高祖曰善因賜義臣姓爲楊氏後授均州刺史以日疾免卒於家時年九十六初周武帝勅宏修皇室譜一部分爲帝緒疎屬賜姓三篇有集十卷行於世

### 裴政

裴政字德表河東聞喜人也高祖壽孫從宋武帝徙家于壽陽歷前軍長史廬江太守祖寔梁侍中左衛將軍豫州大都督父之禮廷尉卿政幼明敏博聞強記達於時政爲當時所稱年十五辟召陵王府法曹參軍事轉起部郎枝江令湘東王之臨荊州也召爲宣惠府記室尋除通直散騎侍郎侯景作亂加壯武將軍帥師隨建寧侯王琳進討之擒賊率宋子仙獻于荊州及平侯景先鋒入建鄴以軍功連最封夷陵侯徵授給事黃門侍郎復帥師副王琳拒蕭紀破之於硤口加平越中郎將鎮南府長史及周師圍荊州琳自桂州來赴難次于長沙政請從間道先報元帝至百里洲爲周人所獲蕭管謂政曰我武皇帝之孫也不可爲爾君乎爾亦何煩殉身於七父若從我計則貴及子孫如或不然分腰領矣政詭曰唯命管鑠之送至城下使謂元帝曰王僧辯聞臺城被圍已自爲帝王琳孤弱不復能來政許之旣而告城中曰援兵大至各思自勉吾以間使被擒當以碎身報國監者擊其口終不易辭管怒命趣行戮蔡大業諫曰此

民望也若殺之則荊州不可下矣因得釋會江陵陷與城中朝士俱送于京師周文帝聞其忠授員外散騎侍郎引事相府命吳慮辯依周禮建大卿設公卿大夫士并撰次朝儀車服用多遵古禮革漢魏之法事並施行尋授刑部下大夫轉少司憲政明習故事又參定周律能飲酒至數斗不亂簿案盈几剖決如流用法寬平無有冤濫囚徒犯極刑者乃許其妻子入獄就之至冬將行決皆曰裴大夫致我於死死無所恨其虛法詎平如此又晉鍾律嘗與長孫紹遠論樂語在音律志宣帝時以忤旨免職高祖攝政召復本官開皇元年轉宰更令加位上儀同三司詔與蘇威等修定律令政採魏晉刑典下至齊梁沿革輕重取其折衷同撰著者十有餘人凡疑滯不通皆取決於政進位散騎常侍轉左庶子多所匡正見稱純樸東宮凡有大事皆以委之右庶子劉榮性甚專固時武職交番通事舍人趙元愷作辭見帳未及成太子有旨再三催促榮語元愷云但爾口奏不須造帳及奏太子問曰名帳安在元愷曰稟承劉榮不聽造帳太子即以詰榮榮便拒諫云無此語太子付政推問未及奏狀有附榮者先言於太子曰政欲陷榮推事不實太子召責之政奏曰凡推事有兩一察情一據證審其曲直以定是非臣察劉榮位高任重縱令賢語元愷蓋是讎介之憾計理而論不須隱諱又察元愷受制於榮豈敢以無端之言妄相點累一人之情理正相似元愷引左衛率崔暉等為證稽等款狀悉與元愷符同察情既敵須以證定臣謂榮語元愷

事必非虛太子亦不罪榮而稱政平直政好面折人短而退無後言時雲定興數入侍太子爲奇服異器進奉後宮又緣女寵來往無節政數切諫太子不納政因謂定興曰公所爲者不合禮度又元妃暴薨道路籍籍此於太子非令名也願公自引退不然將及禍定興怒以告太子太子益疎政由是出爲襄州總管妻子不之官所受秩奉散給僚吏民有犯罪者陰悉知之或竟歲不發至再三犯乃因都會時於獄中召出親案其罪五人處死流徙者甚衆台境惶懍令行禁止小民蘇息稱爲神明爾後不修囹圄殆無爭訟卒官年八十九著承聖降錄十卷及太子廢高祖追憶之曰向遣裴政劉行本在共匡弼之猶應不令至此子南金仕至膳部郎

### 柳莊

柳莊字思敬河東解人也祖季遠梁司徒從事中郎父遐霍州刺史莊少有遠量博覽墳籍兼善辭令濟陽蔡大寶有重名於江左時爲岳陽王蕭詵諮議見莊便歎曰襄陽水鏡復在於茲矣大寶遂以女妻之俄而詵辟爲參軍轉法曹及詵稱帝還署中書舍人歷給事黃門侍郎吏部郎中鴻臚卿及高祖輔政詵歸令莊奉書入闕時三方搆難高祖懼歸有異志及莊還謂莊曰孤昔以開府從役江陵深蒙梁主殊眷今主幼時艱猥蒙顧託中夜自省實懷慙懼梁主奕葉重光委誠朝廷而今已後方見松筠之節君還本

國幸中孤此意於梁王也遂執莊手而別時梁之將帥咸潛請興師與尉迴等爲連衡之勢進可以盡節於國退可以席卷山南唯歸疑爲不可會莊至自長安具申高祖結託之意遂言於歸曰昔袁紹劉表王凌諸葛誕之徒並一時之雄傑也及據要害之地擁哮鬪之羣功業莫建而禍不旋踵者良由魏武晉氏據天子保京都仗大義以爲右故能取威定霸今尉迴雖曰舊將昏耄已甚消難王謙常人之下者非有匡合之才況山東庸蜀從化日近周室之恩未洽在朝將相多爲身計競効節於楊氏以臣料之迴等終當覆滅隋公必移國未若保境息民以觀其變歸深以爲然衆議遂止未幾消難奔陳迴及謙相次就戮歸謂莊曰近者若從衆人之言社稷已不守矣高祖踐阼莊又入朝高祖深慰勉之及爲晉王廣納妃于梁莊因是往來四五反前後賜物數千段蕭琮嗣位遷太府卿及梁國廢授開府儀同三司尋除給事黃門侍郎并賜以田宅莊明習舊章雅達政事凡所駁正帝莫不稱善蘇威爲納言重莊器識常奏帝云江南人有學業者多不習世務習世務者又無學業能兼之者不過於柳莊高頴亦與莊甚厚莊與陳茂同官不能降意茂兄上及朝巨多屬意於莊心每不平常謂莊爲輕己帝與茂有舊曲被引召數陳莊短經歷數載譴愆頌行尙書省齊奏犯罪人依法合流而上處以大辟莊奏曰臣聞張釋之有言法者天子所與天下共也今法如是重重之是法不信於民心方今海內無事正是宗禎之時伏願陛下思釋之



之言則天下幸甚帝不從由是忤旨俄屬尙藥進丸藥不稱旨茂因密奏莊不親監臨帝遂怒十一年徐璿等反於江南以行軍總管長史隨軍討之璿平卽授饒州刺史甚有治名後數載卒官年六十二

### 源師

源師字踐言河南雒陽人也父文宗有重名於齊開皇初終於莒州刺史師早有聲望起家司空府參軍事稍遷尙書左外兵郎中又攝祠部後屬孟夏以龍見請雩時高阿那肱爲相謂真龍出見大驚高問龍所在師整容報曰此是龍星初見依禮當雩祭郊壇非謂真龍別有所降阿那肱忿然作色曰何乃干知星宿祭竟不行師出而竊歎曰國家大事在祀與戎禮旣廢也何能久乎齊亡無日矣七年周武帝卒齊授司賦上士高祖受禪除魏州刺史入爲尙書考功侍郎仍攝吏部朝章國憲多所參定十七年歷尙書左右丞以明幹著稱時蜀王秀頗違法度乃以師爲益州總管司馬俄而秀被徵秀恐京師有變將謝病不行師數勸之不可違命秀作色曰此自我家事何預卿也師垂涕對曰師荷國厚恩忝參府寮僚吏之節敢不盡心但比年以來國家多故秦孝王寢疾奄至薨殂庶人二十年太子相次淪廢聖上之情何以堪處而有勅追王已淹時月今乃遷延未去百姓不識王心儻生異議內外疑駭發雷霆之詔降一介之使王何以自明願王自計之秀乃從徵秀廢之後益州官屬多相連坐師以此獲免後加儀同三司煬帝

卽位拜大理少卿帝在顯仁宮勅宮外衛士不得輒離所守有一主帥私令衛士出外帝付大理繩之師  
據律奔徒帝令斬之師奏曰此人罪誠難恕若陛下初便殺之自可不關文墨既付有司義歸恆典脫宿  
衛近侍者更有此犯將何以加之帝乃止轉刑部侍郎師居職強明有口辯而無廉平之稱未幾卒官有  
子崑玉

### 邱茂

邱茂字蔚之恆山新市人也父基齊潁川太守茂少敏慧七歲誦騷雅日千餘言十五師事國子博士河  
間權會受詩易二禮及立象刑名之學又就國子助教長樂張率禮受三傳羣言至忘寢食家人恐茂成  
病恆節其燈燭及長稱爲學者頗解屬文年十九丁父憂居喪過禮仕齊解褐司空府行參軍會陳使傅  
粹來聘令茂接對之後秦詔於祕書省刊定載籍遷保城令有能名百姓爲立清德頌及周武平齊上柱  
國王誥薦之授陳州戶曹屬高祖爲亳州總管見而悅之命掌書記時周武帝爲象經高祖從容謂茂曰  
人主之所爲也感天地動鬼神而象經多糾法將何以致治茂竊歎曰此言豈常人所及也乃陰自結納  
高祖亦親禮之後遷家爲州主簿高祖爲丞相以書召之言及疇昔甚歡授衛州司錄有能名尋除衛國  
令時有繫囚二百茂親自究審數日釋免者百餘人歷年辭訟不詣州省魏州刺史元暉謂茂曰長史言

衛國民不敢申訴者畏明府耳茂進曰民猶水也法令爲隄防隄防不固必致奔突苟無決溢使君何患哉暉無以應之有民張元預與從父弟思蘭不睦丞尉請加嚴法茂曰元預兄弟本相憎疾又坐得罪彌益其忿非化民之意也於是遣縣中耆舊更往敦諭道路不絕元預等各生感悔詣縣頓首請罪茂曉之以義遂相親睦稱爲友悌茂自延州長史轉太常丞遷民部侍郎時尚書右僕射蘇威立條章每歲責民間五品不遜或答者乃云管內無五品之家不相應領類多如此又爲餘糧簿擬有無相贖茂以爲繁紆不急皆奏罷之數歲以母憂去職末期起令視事又奏身死王事者子不退田品官年老不減地皆發於茂茂性明敏剖決無滯當時以吏幹見稱仁壽初以本官領大興令煬帝卽位遷雍州司馬尋轉太常少卿後二歲拜尙書左丞參掌選事茂工法理爲世所稱時工部尙書宇文愷右翊衛大將軍于仲文競河東銀窟茂奏劾之曰臣聞貴賤殊禮士農異業所以人知局分家識廉耻宇文愷位望已隆祿賜優厚拔葵去織寂爾無聞求利下交曾無愧色字仲文大將宿衛近臣趨侍階廷朝夕聞道虞芮之風抑而不慕分銖之利知而必爭何以貽範庶寮示民軌物若不糾繩將虧政教愷與仲文竟坐得罪茂撰州郡圖經一百卷奏之賜帛三百段以書付祕府于時帝每巡幸王綱已紊法令多失茂旣先朝舊臣明習世事然善自謀身無蹇諤之節見帝忌刻不敢措言唯竊歎而已以年老上表乞骸骨不許會帝親征遼東以茂

爲晉陽宮留守其年恆山贊治王文同與茂有隙奏茂朋黨附下罔上詔遣納言蘇威御史大夫裴蘊雜治之茂素與二人不平因深文巧詆成其罪狀帝大怒及其弟司隸別駕楚之皆除名爲民徙且末郡茂怡然受命不以爲憂在途作益鹽賦以自慰詞義可觀復附表自陳帝頗悟十年追還京兆歲餘而卒時年七十五有子知年

### 高橋

高橋字孝基北海人也博滑稽多智辯給過人好讀書工吏事弱冠州補主簿任齊河南王參軍事歷徐州司馬蘭陵平原二郡太守齊滅後周武帝以爲許州司馬高祖受禪轉冀州司馬甚有能名徵拜比部侍郎尋轉比部時內史侍郎管平東與兄子長茂爭嫡尙書省不能斷朝臣三議不決構斷而合理上以爲能召入內殿勞之曰我聞尙書郎上應列宿觀卿才識方知古人之言信矣嫡庶者禮教之所重我讀卿判數徧詢理愜其意所不能及賜米百石由是知名尋遷雍州司馬以明斷見稱歲餘轉吏部侍郎號爲稱職復徙雍州司馬坐事左轉盤盃令甚有治名上善之復拜雍州司馬又爲吏部侍郎以公事免煬帝立召令復位時爲吏部書多以不稱職去官唯構最有能名前後典選之官皆出其下時人以構好劇談頗謂輕薄然其內懷方雅特爲吏部尙書牛弘所重後以老病解職弘時典選凡將有所擢用輒遣人

獻第問其可不河東薛道衡才高當世每稱構有清鑒所爲文筆必先以草呈構而後出之構有所誡詞道衡未嘗不嗟伏大業七年終于家時年七十二所舉杜如晦房玄齡等後皆自致公輔論者稱構有知人之鑒開元中昌黎豆盧寔爲黃門侍郎稱爲慎密河東裴術爲右丞多所糾正河內士鬻平原東方暉安定皇甫暉俱爲刑部並執法平允弘農劉士龍清河房山基爲考功河東裴鏡民爲兵部並稱明幹京兆韋焜爲民曹屢進讜言南陽韓則爲延州長史甚有惠政此等事行遺闕皆有吏幹爲當時所稱

### 張虔威

張虔威字元敬清河東武城人也父曇之齊北徐州刺史虔威性聰敏涉獵羣書其世父喬之謂人曰虔威吾家千里駒也年十二州補主簿十八爲太尉中兵參軍後累遷太常丞及齊亡仕周爲宣納中士高祖得政引爲相府典籤開皇初晉王廣出鎮并州盛選僚佐以虔威爲刑獄參軍累遷爲屬王甚美其才與河內張衡俱見禮重晉邸稱爲二張焉及王爲太子遷員外散騎侍郎太子內舍人煬帝卽位授內史舍人儀同三司尋以藩邸之舊加開府尋拜謁者大夫從幸江都以本官攝江都贊治稱爲幹理虔威嘗在邊見一遺囊恐其主求失因令左右負之而行後數日物主來認悉以付之淮南太守楊緝嘗與十餘人同來謁見帝問虔威曰其首立者爲誰虔威下殿就視而答曰淮南太守楊緝帝謂虔威曰卿爲謁者

大夫而乃不識參見人何也虞威對曰臣非不識楊緝但慮不審所以不敢輕對石建數馬足蓋慎之至也帝甚嘉之其廉慎皆此類也于時帝數巡幸百姓疲敝虞威因上封事以諫帝不悅自此見疎未幾卒官有子爽仕至蘭陵令虞威弟虞雄亦有才器秦孝王俊爲秦州總管選爲法曹參軍王嘗親案囚徒虞雄誤不持狀口對百餘人皆盡事情同輩莫不歎服後歷壽春陽城二縣令俱有治績

榮毗 兄建緒

榮毗字子謨北平無終人也父權魏兵部尙書毗少剛鯁有局量涉獵羣言仕周釋褐漢王詔室轉內史下士開皇中累遷殿內監時以華陰多盜賊妙選長吏楊素薦毗爲華州長史世號爲能素之田宅多在華陰左右放縱毗以法繩之無所寬貸毗因朝集素謂之曰素之舉卿適以自罰也毗答曰奉法一心者但恐累公所舉素笑曰前者戲耳卿之奉法素之望也時晉王在揚州每令人窺覘京師消息遣張衡於路次往往置馬坊以畜牧爲辭實給私人也州縣莫敢違毗獨遏絕其事上聞而嘉之賚絹百匹轉蒲州司馬漢王諒之反也河東豪傑以城應諒刺史亓和覺遁歸關中長史渤海高義明謂毗曰河東要害國之東門若失之則爲難不細城中雖復恟恟非悉反也但收桀黠者十餘人斬之自當立定耳毗然之議明馳馬追和將與協計至城西門爲反者所殺毗亦被執及諒平拜治書侍御史帝謂之曰今日之舉馬

坊之事也無改汝心帝亦敬之毗在朝侃然正色爲百寮所憚後以母憂去職歲餘起令視事尋卒官贈鴻臚少卿毗兄建緒性甚亮直兼有學業仕周爲載師下大夫儀同三司及平齊之始留鎮鄴城因齊紀三十卷建緒與高祖有舊及爲丞相加位開府拜息州刺史將之官時高祖陰有禪代之計因謂建緒曰且躊躇當共取富貴建緒自以周之大夫因義形於色曰明公此旨非僕所聞高祖不悅建緒遂行與皇初來朝上謂之曰卿亦悔不建緒稽首曰臣位非徐廣情類楊彪上笑曰朕雖不解書語亦知卿此言不遜也歷始洪二州刺史俱有能名

### 陸知命

陸知命字仲通吳郡富春人也父敖陳散騎常侍知命性好學通識大體以貞介自持釋褐陳始興王行參軍後歷太學博士南獄正及陳滅歸于家會高智慧等作亂于江左晉王廣鎮江都以其三吳之望召令諷諭反者知命說下賊十七城得其渠帥陳正緒蕭思行等三百餘人以功拜儀同三司賜以田宅復用其弟恪爲泮陽令知命以恪非百里才上表陳讓朝廷許之時見天下一統知命勸高祖都洛陽因上太平頌以諷焉文多不載數年不得調詣朝堂上表請使高麗曰臣聞聖人當辰物色芻蕘匹夫奔騰或陳狂讐伏願暫輟旒纒覽臣所謁昔軒轅馭厯旣緩夙沙之誅虞舜握圖猶稽有苗之伐陛下當百代之

末唐千載之期四海廓清三邊底定唯高麗小豎狼顧燕垂王度含弘每懷遵養耆良由惡殺好生欲諭之以德也臣請以一節宣示皇風使彼君臣面縛闕下書奏天子異之歲餘授普寧鎮將人或言其正直者由是待詔於御史臺煬帝嗣位拜治書侍御史侃然正色爲百寮所憚帝甚敬之後坐事免歲餘復職時齊王暕頗驕縱矐近小人知命奏劾之暕竟得罪百寮震慄遼東之役爲東臚道受降使者卒於師時年六十七贈御史大夫

### 房彥謙

房彥謙字孝冲本清河人也七世祖謙仕燕太尉掾隨慕容氏遷于齊子孫因家焉世爲燕姓高祖法壽魏青冀二州刺史壯武侯曾祖伯祖齊郡平原二郡太守祖翼宋安太守並世襲爵壯武侯父熊釋褐州主簿行清河廣川二郡守彥謙早孤不識父爲母兄之所鞠養長兄彥雅雅有清鑒以彥謙天性穎悟每奇之親教讀書年七歲誦數萬言爲宗黨所異十五出後叔父子貞事所繼母有踰本生子貞哀之撫養甚厚後丁所繼母憂勺飲不入口者五日事伯父樂陵太守豹竭盡心力每四時珍果口弗先嘗遇期服之戚必蔬食終禮宗從取則焉其後受學于博士尹琳琳手不釋卷遂通涉五經解屬文工草隸雅有詞辯風槩高人年十八屬廣寧王孝珩爲齊州刺史辟爲主簿時禁網疎闊州郡之職尤多縱弛及彥謙在職



濟簡守法州境肅然莫不敬憚及周師入鄴齊主東奔以彥謙爲齊州治中彥謙痛本朝傾覆將糾率忠義潛謀匡輔事不果而止齊亡歸于家周帝遣柱國辛遵爲齊州刺史爲賊帥輔劍所執彥謙以書諭之帶劍慙懼送遵還州諸賊並各歸首及高祖受禪之後遂優遊鄉曲誓無仕心開皇七年刺史韋藝因薦之不得已而應命吏部尙書虞愷一見重之擢授承奉郎俄遷監察御史後屬陳平奉詔安撫泉括等十州以銜命稱旨賜物百段米百石衣一襲奴婢七口遷秦州總管錄事叅軍嘗因朝集時左僕射高穎定考課彥謙謂穎曰書稱三載考績黜陟幽明唐虞以降代有其法黜陟合理褒貶無虧便是進必得賢退皆不肯如或舛謬法乃虛設比見諸州考校執見不同進退多少參差不類况復愛憎肆意致乖平坦清介孤直未必高名卑諂巧官翻居上等直爲真僞混淆是非啓亂宰貴既不精練斟酌取捨曾經驅使者多以蒙識獲成未歷臺省者皆爲不知被退又四方懸遠難可詳悉唯量準人數半破半成徒計官員之少多莫顧善惡之衆寡欲求允當其道無由明公鑒達幽微平心遇物今所考校必無阿枉脫有前件數事未審何以裁之唯願遠布耳目精加採訪褒秋毫之善貶纖介之惡非直有光至治亦足標獎賢能詞氣侃然觀者屬目穎爲之動容深見嗟賞因歷問河西隴右官人景行彥謙對之如響穎顧謂諸州總管刺史曰與公言不如獨與秦州考使語後數日穎言於上上弗能用以秩滿遷長葛令甚有惠化百姓

號爲慈父仁壽中上令持節使者巡行州縣察長吏能不以彥謙爲天下第一超授荊州司馬吏民號哭  
相謂曰房明府今去吾屬何用生爲其後百姓思之立碑頌德荊州久無刺史州務皆歸彥謙名有異政  
內史侍郎薛道衡一代文宗位望清顯所與交結皆海內名賢重彥謙爲人深加友敬及兼襄州總管辭  
翰往來交錯道路煬帝嗣位道衡轉牧番州路經彥謙所留連數日脣涕而別黃門侍郎張衡亦與彥謙  
相善于時帝營東都窮極侈麗天下失望又漢王構逆罹罪者多彥謙見衡當塗而不能匡救以書諭之  
曰竊聞賞者所以勸善刑者所以懲惡故疎賤之人有善必賞尊貴之戚犯惡必刑未有罰則避親賞則  
遺賤者也今諸州刺史受委宰牧善惡之間上達本朝懼憚憲章不敢怠慢國家祇承靈命作民父母刑  
賞曲直升聞于天寅畏照臨亦宜謹肅故文王云我其夙夜畏天之威以此而論雖州國有殊高下懸邈  
然憂民慎法其理一也至如并州燾逆須有甄明若楊諒實以詔命不通慮宗社危逼徵兵聚衆非爲干  
紀則當原其本情議其刑罰上副聖主友于之意下曉愚民疑惑之心若審知內外無虞嗣后纂統而好  
亂樂禍妄有覬覦則管蔡之誅當在於諒同惡相濟無所逃罪臬懸擊戮國有常刑其間乃有情非協同  
力不自固或被擁逼淪陷凶威遂使籍沒流移恐爲冤濫恢恢天網豈其然乎罪疑從輕斯義安在昔叔  
向寘囹獄之死晉國所嘉釋之斷犯蹕之刑漢文稱善羊舌盭不愛弟廷尉非苟違君但以執法無私不

容輕重且聖人大寶是曰神器苟非天命不可妄得故蚩尤項籍之驍勇伊尹霍光之權勢李老孔丘之  
才智呂望孫武之兵術吳楚連磐石之據產祿承母后之基不應歷運之兆終無帝王之位況乎曩爾一  
隅蜂扇蟻聚楊諒之愚鄙羣小之凶慝而欲憑陵畿甸覬幸非望者哉開闢以降書契云及帝皇之跡可  
得而詳自非積德累仁豐功厚利孰能道洽幽顯義感靈祇是以古之哲王昧旦丕顯履冰在念御朽兢  
懷逮叔世驕荒會無戒懼肆於民上騁嗜奔慾不可具載請略陳之曩者齊陳二國並居大位自謂與天  
地合德日月齊明罔念憂虞不恤刑政近臣懷寵稱善而隱惡史官曲筆掩瑕而錄美是以民庶呼嗟終  
閉塞於視聽公卿虛譽日數陳於左右法網嚴密刑辟日多徭役煩興老幼疲苦昔鄭有子產齊有晏嬰  
楚有叔敖晉有士會凡此小國尙足名臣齊陳之疆豈無良佐但以執政蘊蔽懷私徇驅忘國憂家外同  
內忌設有正直之士才堪幹持於己非宜卽加擯壓倘遇諂佞之輩行多穢匿於我有益遠蒙薦舉以此  
求賢何從而至夫賢材者非尙膂力豈繫文華唯須正身負載確乎不動譬棟之處屋如骨之在身所謂  
棟梁骨鯁之材也齊陳不任骨鯁信近讒諛天高聽卑監其淫僻故總收神器歸我大隋向使二國祇敬  
上玄惠恤蠲寡委任方直斥遠浮華卑非爲心惻隱爲務河朔疆富江湖險隔各保其業民不思亂泰山  
之固弗可動也然而寢臥積薪宴安鳩毒遂使禾黍生廟霧露沾衣弔影撫心何噬及矣故詩云殷之未

喪師克配上帝宜鑒于殷駿命不易萬機之事何者不須熟慮哉伏惟皇帝望雲就日仁孝夙彰錫祉分珪大成規矩及總統淮海盛德日新當璧之符遐邇僉屬纘厯甫爾寬仁已布率土蒼生翹足而喜并州之亂變起倉卒職由楊諒詭誑誤吏民非有構怨本朝棄德從賊者也而有司將帥稱其願反非止誣陷良善亦恐大點皇猷足下宿當重寄早預心膂粵自藩邸柱石見知方當書名竹帛傳芳萬古稷契伊呂彼獨何人既屬明時須存審諤立當世之大誠作將來之憲範豈容曲順人主以愛虧刑又使脅從之徒橫貽罪譴忝蒙眷遇輒寫微誠野人愚瞽不知忌諱衡得書歎息而不敢奏聞彥謙知王綱不振遂去官隱居不仕將結構蒙山之下以求其志會置司隸官盛選天下知名之士朝廷以彥謙公方宿著時望所歸徵授司隸刺史彥謙亦慨然有澄清天下之志凡所薦舉皆人倫表式其有彈射當之者曾無怨言司隸別駕劉炆陵上侮下許以爲直刺史憚之皆爲之拜唯彥謙執志不撓亢禮長揖有識嘉之炆亦不敢爲恨大業九年從駕度遼監扶餘道軍其後隋政漸亂朝廷靡然莫不變節彥謙直道守常介然孤立頗爲執政者之所嫉出爲涇陽令未幾終于官時年六十九彥謙居家每子姪定省常爲講說督勉之憂不倦家有舊業資產素殷又前後居官所得俸祿皆以周卹親友家無餘財車服用務存素儉自少及長一言一行未嘗涉私雖致屢空怡然自得嘗從容獨笑顧謂其子玄齡曰人皆因祿富我獨以官貧

所遺子孫在於清白耳所有文筆恢廓閑雅有古人之深致又善草隸人有得其尺牘者皆寶翫之太原王邵北海高構脩縣李綱河東柳或薛孺皆一時知名雅澹之士彥謙並與爲友雖冠蓋成列而門無雜賓體資文雅深達政務有識者咸以遠大許之初開皇中平陳之後天下一統論者咸云將致太平彥謙私謂所親趙郡李少通曰主上性多忌尅不納諫爭太子卑弱諸王擅威在朝唯行苛酷之政未施弘大之體天下雖安方覺危亂少通初謂不然及仁壽大業之際其言皆驗大唐馭宇追贈徐州都督臨淄縣公諡曰定

史臣曰大廈云構非一木之枝帝王之功非一士之略長短殊用大小異宜格稅棟梁莫可棄也李諤等或文能遵義或才足幹時識用顯於當年故事留於臺閣叅之有隋多士取其開物成務皆廊廟之榱桷亦北極之衆星也

隋書卷六十六

六十六